

S P E A K E R : "Nimahsela, Pathian lungphum nghet chu a la ding reng a, he chhinchhihna hi a hei a; Lalpa chuan ama ta te chu a hria, tih leh Lalpa hminglam apiang chuan sual kalsan rawh se, tih hi".

II Tim.2:19

List of business ah kan kal anga. Zawhna leh chhanna starred question 129-na Pu R.Lalzirliana'n han zawt sela, i lo sawm ang.

PU R.LALZIRLIANA : Pu Speaker, ka lawm e. Industries Department changtu Minister zahawm tak chhan atan ka zawhna (a)-na Millenium Exhibition Sorkarin a buatsaihah khan Department engzat nge tel ? (b)-na Heng Department Exhibition a tel te hian sum engzat an senral ?

S P E A K E R : Chhang turin Industries Minister Er.K.Thangzualla i lo sawm ang.

Er.K.THANGZUALLA MINISTER : Pu Speaker, Member zahawm tak Pu R.Lalzirliana zawhna chhan-na chu hetiang hi a ni - (a) Millenium Exhibition Sorkarin a buatsaihah khan Department engzat nge tel tih chhanna chu, Department hrang hrang 33 zet, Mizoram Millenium Exhibition 2001-ah khan an tel. (b) Heng Department Exhibition a tel te hian sum engzat nge an senral tih chu, a mal te tein kan chhiar chhuak mai anga :-

- (1) Health Directorate-in Rs.18,000/-
- (2) Horticulture Department-in Rs.1,73,000/-
- (3) Transport Department - in Rs. 20,000/-
- (4) Food & Civil Supplies Department - in Rs.6,247/-
- (5) A.H. & Vety Department - in Rs.1,18,000/-
- (6) Art & Cultute Department - in Rs. 10,455/-

- (7) Excise Department in Rs. 50,000/-
- (8) Higher & Technical Education Department - Rs. 26,704/-
- (9) Economics & Statistics Department - Rs. 20,000/-
- (10) School Education Department - Rs. 17,800/-
- (11) Fisheries Department - Rs. 60,344/-
- (12) Information & Public Relations Department - Rs. 9,200/-
- (13) Labour & Employment Department - Rs. 57,585/-
- (14) Agriculture & Minor Irrigation Department - Rs. 3,00,000/-
- (15) Environment & Forest Department - Rs. 51,000/-
- (16) Land Revenue & Settlement Deptt. - Rs. 15,000/-
- (17) Home Guard - 500/-
- (18) Police Department - Rs. 29,718/-
- (19) Printing & Stationery - Rs. 10,000/-
- (20) PHE Department - Rs. 30,000/-
- (21) Power & Electricity Department - Rs. 1,77,690/-
- (22) P.W.D. - Rs. 10,817/-
- (23) Relief & Rehabilitation Department - Rs. 20,000/-
- (24) Rural Development Deptt. - Rs. 70,000/-
- (25) Sericulture Department - Rs. 1,565/-
- (26) Social Welfare Department - Rs. 20,000/-
- (27) Soil and Water Conservation Department - Rs. 30,000/-
- (28) Sports & Youth Services Department - Rs. 61,885/-
- (29) Tourism Department - Nil.
- (30) Industries Department - Rs. 9,67,836/-
- (31) A.T.I. - Rs. 11,697/-
- (32) Co-operation Department - Rs. 39,128/-

Khami total zawng kha Rs.23, 71,032/- a ni, ka lawm e.

PU R.LALZIRLIANA

: Pu Speaker, zawh belhna Millenium Exhibition kha a tha a. Mahse kan pawisa sen hi a tam ka ti a. Heti

em em lo deuh hian tih theih chu nise, khatiang han tih hrim hrim kha chu a tha ka ti a. Horticulture te hian nuai khat leh sing sarh leh sangthum an seng a. Tin, hei Industries Department phei chuan nuai kua a seng ani a. Hei hi han chhonzawm zel hi kan hotute hian an tum em ? tih a ni a. Helaiah hian Agriculture Minor Irrigation an tia mi, Minor Irrigation te hian nuaitum kan senna turah hian a tam deuh e ka ti a. Tin, Police Department te pawh khan an silai an dah leh engnge ni thildang an tih entir mai loh kha chu tih an nei em aw! ka hre love a nghak tute an va phurh man te kha a to viau a ni anga. Singhnih leh sangkua zahnih sawmriat ka lo tihdik chiah loh pawhin min hrethiam anga. Tichuanin, a Department pawisa hman hrim hrim hi a tam lutuk a, a hlawk lovin ka hria a. Tih zel kan tum em ? tih kha ka zawhna pakhat a ni a.

Tin, a pahnihna ah chuan helaiiah hian Excise Department te hian singnga lai an seng a. An sen bakah khan no.4 a tha chi niawm tak kha an tibo daih mai a. Kha kha nuai engzat man nge tih ka zawt duh bawk a. Tin, pathumna ah chuan, heta private a lo tel ve Hnam Chhantu kha lawmman pahnihna dawngtu a ni a. An fakawm hle a, hengte hi Sorkarin tanpui zel dan a ngaihtuah em ? tih kha ka zawh belh e.

PU J.LAWMZUALA : Pu Speaker, heti zozai hi Exhibition ah khan senso chu a ni a. Nuai 23 chuang a ni a, hetah hian Department thenkhat hian a return an siam a rinawm ve a. Department thenkhat tan chuan hralh tur pawh an neilo pawh a ni ang. Helaiiah hian sum hmuh let Department wise hian min hrih thei ang em ? Tin, he Exhibition hianin engngeni thil tha a beisei, kumtina tih chi a ni dawn em ? A hlawkna tur kan hmuh hian engnge ni ? tih hi ka zawh belhna a ni.

PU H.LALTANPUJA : Pu Speaker, ka lawm e. Zawh belhna - kan Minister zahawm tak hian Department hrang hrang te pawisa senso zat kha a rawn chhiar a. Industries Department hi chu board hote leh a in sakte nen vek khan in chhiarin ka ring a, a tam danah hian. Chumi piyah lamah chuan Pu Speaker, Department tam tak a nuai chuang seng an awm nual a. Chutih rual chuan pawisa tam tak seng Department te hi kha Exhibition ah khan a ti tha ber kha an ni silova. PHE Department hian Rs.30,000/- chauh an seng a, kha exhibition ah khan pakhatna anni tlat mai a, an fakawm hlein ka hria, Rs.30,000/- chauh senga pakhatna an ni kha. Amaherawhchu, Department dang Agriculture te leh Horticulture Department te nuai chuang sengte hian, pakhatna, pahnihna, pathumna pawh an hauh pha lova. Chuvang chuan helaiiah hian corruption a awm thei a nilo maw? Chuvangin, heng hi Millenium a nia kumin atan chauh kan ti nge chhonzawm zel atan kan ti ? Chhonzawm zel kan tum anih chuan heng Department hotena an sum senso dan tura hi kan Industries Department hian ngun takin en in vil sela a tha in ka hria a. Heng Department sum tam tak seng si lawmman dawng pha bawk silo hote hi kan Industries Minister hian alo ennawn leh thei angem ? tih kha kan zawt a ni e, Pu Speaker, ka lawm e.

PU K.T.ROKHAW

: Pu Speaker, zawh belhna -
he Millenium Exhibition
Sorkarin a hlawkpuiin a
hria em ? tih ka zawhna
pakhatna. A pahnihna ah chuan Department tin Exhibition
atana an in sakna hmanrua te kha Sorkarin engtin nge a
tih ? tih ka zawt e.

Er. K.THANGZUALLA
MINISTER

: Pu Speaker, a hmasa lam atang
khan kan chhang anga. Member
zahawm tak Pu Lalzirliana
zawhna kha he exhibition hi
Sorkarin chhunzawm zel a tum em ? tih kha mipui ngaihdan
leh chanchinbu hrang hranga an comment dan thlir chuan
tih nawn leh zel an rawt nasa khawp mai a, a hun pawh
pawhsei an rawn ngen nasa a, mahse kan pawtsei thei
lova, tun thleng hian kumin Christmas hma hian "tih leh
ngei ngei tum rawh u" tiin ngenna kan dawng nasa a ni.
Tin, Sorkar lam atang chuan Sorkar hmalakna leh Industry
unit tena an thil tharchhuah leh siamchhuah, phochhuah
a mipui hmuhtir hi hlawkpui kan inti khawp mai a, nakin-
ah a hlawk dan te pawh theih chin chin kan sawi anga,
sum kan neih phei chuan a bik takin Sorkar leh Industry
Department ang phei chuan kumtin ti thei ila kan duh.

Tin, Excise Department hian
No.4 tih emaw ni an tibo teuh mai a, hei hi a man engzat
nge tih kha chu kan chhang thei lova, an Department lam
te la zawh chian loh chuan min lo hrethiam ula, hei chu
ka chhang theilo nisela.

Tin, Hnam Chhantu tanpui zel
Sorkarin a tum em ? tih chu Industry Department hnuaiia
kan dan neih leh kan tanpui theihna ang hnuaiiah chuan
theih ang angin tanpui an rawn dilna ah chuan tanpui
ve a, a changin an thilsiam hralhpui na tur leh vahpui
na tur a tanpui dan kawng te pawh kan ngaihtuah ve a,
mahse an thilsiam hi local material hmang veka thil-
siam anih avangin heng subsidy kan han tih leh CTS kan
han tih ang chi ah hian an material hi a huam loh avang-
in hetiang zawng hian tanpuina pek an harsa a. Mahse
kawng awm ang ang chuan hetiang Industry thil reng
reng chu tanpui vek kan tum a ni.

Tin, member zahawm tak
Pu Lawmzuala zawhna kha, sum hmuhlet Department te a
han tih kha, kan collect theih ang ang chu kan han
collect a, amaherawhchu, an vai chuan kan collect
hleitheih lova. Entirnan - Soil Department chuanin
30,000/- an senna ah khan 61,000/- an hmuchhuak a.

Art & Culture chuan 10,455/- an senso na ah khan 10,500/- an lei chhuak leh a. Printing & Stationery hianin 10,000/- an senna ah 15,000/- an lei a. MULCO hianin an senso chiah kan hre thei lova, 50,000/- chuang an lei a. ZOHANCO in 78,935/-, K.V.I. hianin an senso chian kan hre lo nain 85,032/- pawisa an hmu let a. Tin, khatiang khanin private unit phei chu 6,60,000/- hmu te pawh an awm a. Sunflower Electronics, Zorin Compugraphics hianin 4,00,000/- an hmuchhuak a. Hmam Chhantu in 75,860/- an hmu a. Raisonne hianin 3,20,000/- an hmuchhuak bawk a ni. Khatiang khanin Industrial Unit ten nasa takin an hlawkpui a.

Tin, khami a an hralh bakah khan tunah hianin mi tam tak hmelhriat an nih phah a. Order leh supply leh hna nasa tak kan hmuh belh a ni an ti a. Khami ah ringawt pawh khanin an hlawkpui viau khat a ni tih chu kan zu hre thei a.

Tin, thil tha beisei, hlawkna engnge awm tih laiah khanin, hetilaia Pu Rokhaw a zawhna Sorkarin hlawkpui a nei em ? tih nen khanin a chhan kawp theihin ka ring a. Kha kha tlemin han sawi sei deuh ila. Kha Millenium Exhibition kha kan thupui chu "Peace pays" tih ani a. Gate ah pawh kan tar kha. Industrial Millenium Exhibition kan din a, thil inpho chhuak Department hrang hrang leh private te pawh. Kan ramah 1986 ah muanna a lo thlen atanga developed a kum 14 chhunga hmasawna kan lak theih tu Sorkar hunlai pawh nisela, khami hunchhunga development lokal chho zel a, khatiang khawpa thil ropui department hmasawna leh thil siam te leh private hrang hrang thilsiam kan pho chhuak thei kha hlawk hlein kan hria. A entir chu kan ram kha la buai reng sela, khatiang exhibition leh thil entir tur kha kan hmu lo ang tih a Chiang hle a, kan tum ber muanna hian hlawkna nasa tak a thlen ani tih kha kan tilang chiangin ka hria a. Mipuiin an ngaihsan leh comment an pek tamna pawh a ni a. Chubakah Sorkar Department hrang hrangin hna an lo thawhna thatzia leh entir tur an lo ngah tawh zia mipui hriat silova kan han pho lang kha Sorkar leh kan hmalak zelna tur Officer ten an han hrih-fiah a, hna kal mek leh vision, future a lo kal zel turte an entir khan mipui a ti lawm em em a. Kha khan Sorkar leh mipuite inkarah inpawhna leh inhriatthiamna tha tak a siam bakah confident nasa takin Sorkarah an neih phah in leh Sorkar tawiamna kawng zelah pawh thanharhna an nei niin kan hria a.

Abikin I.T. lampang, I.T.
Me la ti pawhin kan lam tel anih kha, khatah khan Computer lampang titute mi 10 lai an lo tel a, pakhat phei chu A.R. te anni a, anni phei chuan computer training free in an hawng nghe nghe a. Kha khan mipui ah computer age te kan ti a, engnge anih chiah mipuiin kan hre lova, khatia an in pho chhuak leh a tihdan in zirtir a internet a, email te, an han entir khan mipui hnenah

awareness a pe a. Chu chuan internet a pe a, student zingah phei chuan an phur nasa a ni. Computer an hmu leh hrilhfhahna an dawng kha hlawkpui an inti a ni. A bikin student khan I.T. ah hlawkpui an inti a, a entu zinga 60% kha student niin kan hria a, anni phei chu free in an lut a.

Tin, inlaichinna tha tak, uniform Police leh Army te nen kum kha leh chen inlai-chinna nei lovin rambuai rah kal zelah inkawm ho na leh thil tih ho theih lovin kan awm a. Khatianga A.R. te Police te, an thil ralthuam leh bungraw tha an thulkhung mipui hmuh phak ngai loh an pho chhuak a, an hman dan te inhrihfhah a, innel taka kan inpawh khan nasa takin civil te, sipai te, police te inkarah relation tha a siam niin kan hria a. Nakina thiltih ho ah pawh kawng hawng tur anih ka beisei a. Chuvang chuan khani Liasoning ah khan nasa takin hlawkpuiin kan inhria a. Tin, drugs chungchang thu ah khatia Narcotic cell te Reh Excise te, Police ten ruihtheih thil leh drugs lampang an han show a, an man dan vel te, buhfai tham belah Lalpa tan tih tar kuau si a, drugs an lo thukru a, manchhuah an nih dante, pheikhawk hnuai an bun hnan an man dan te an han show te leh drugs in a mi a tihchhiat hlauhawm zia leh rapthlak zia an han hmuh atangte khan nasa takin hlauhna mipuih a pe a, a bikin thalai zingah naupang kumriat mi in a comment ah phei chuan, "Drug tih hi ka lo chak ve thin a, a hlauhawm zia an tar chhuah ka hmuh atang hi chuan tih ngam chi ah ka ngai lo reng reng" tiin comment a siam nghe nghe a ni. Chutiang chuanin drug lampang a thil han in tar chhuak te leh an han hrilhfhah atang khan nasa takin mipui ah leh thalai zingah a bik takin hlauhna a pe in kan hria a, kha kha hlawkpuina nasa tak ni bawkin ka hria a. Tin, Sorkar hnathawh leh thiltih dan leh la kalpui zel dan tur mipuiin a kan hriat chian loh, a tak ngeia a model te siam a kan han entir kha mipuiin an han hmuh khanin he Sorkar hi transparent government in pho chhuak ngam, langtlang sorkar a ni tih an han hmuh khanin an lawm a, hetiang tak hian Department hian hna an lo thawk nasa in thil an lo ruahman a ni maw an ti. Hei, Pu Laltanpuia zawhna pawh kha sum sen chungchang thua khan a seng tam apiang kha a lawm-man la an ni chuang silova. Chhonzawm zel chi em ni ? Corruption eirukna a inphum em ni tih kha heng hi chu keini han chhan theih chi a nilova. Mahse a seng tam apiang kha a ti tha an ni lem lo thei bawka. Entirnan - Aizawl Water Supply Phase II an han entir te kha min hmuhnam an ti em em mai a. Mahse an tihdan tak leh an kalphung zonal reservor lah pipe kaldan turte han hmuh khan mipuiin an lawm em em mai a, tin MULCO bawngnute siamtute khangte pawh kha hmuhnam an ti a, khang khanin an seng tlem, mahse mipui appreciation mipui lawm an hlawhin mipui ngaihsan an hlawh hle a ni. Chuvang chuanin a judge tute hianin kawng hrang hrangin an thlir niin ka hria a ni. Chuvang chuan sen tam ringawt a chhut tur chu nise Industries Department kha lawmman hmu sang

ber tur kan nih hmel a, mahse kha kha criteria a ni lem lova. Tin, in sakna bungrua, Pu Rokhaw member zahawm tak zawhna in sakna bungrua chungchang thu kha kan hrilhfiah leh lawk anga. In sakna bungrua kha kan lei zah te hi an hre duh emaw Pu Speaker, duh lem loh chuanin.

S P E A K E R : Darkar chanve kan awn tep a, chu chu in la hre zel duh em ni Member te khan.

Fr. K. TIANGZUALIA : Anih in sakna bungrua kha
MINISTER Pu Speaker, ka'n hrilhfiah lawk ange. 4x4 kha Nos.340 kan lei a, Pu Speaker, auction tur nge ni ang dahthat tur tih kha kan rel a, dahthat kan rel a. Tichuanin, khami kan thiatna zawng zawng kha salvaged material kha kan dah tha a, account kan vawng vek a. Chu chu tunah hianin Zuangtui Godown ah kan kalhnan hmak a account fel tak nen, Exhibition tih leh huna hman turin kan dah tha a. Tuna kan dahthat value hi nuai li man vel a niin kan hria.

PU R. LALZIRLIANA : Pu Speaker, Transparency Government a lanna tak tak tur hi chu Exhibition vela in pho chhuah mai nilovin sum leh pai kan hmanna hi transparency a lanna tak tak chu a ni a. Tichuan, helaiah pawh hian Agriculture & Minor Irrigation in nuai thum a seng a. Power Department in 1,77,690/- a seng a. Industries Department hian nuai kua a seng a, heng ho hmanna hi a ni zawk a ni hrilhfiah tur chu. Tichuan, tunah hian a hlawkna an hmuh tih kha heng Department pathumah hian a sawi theih em ?

PU NIRUPAM CHAKMA : Pu Speaker, ka lawm e. My question is - I have noticed that a lottery is conducted I do not

know whether it is organised by the Government or not. And if it is organised by the Government what is the amount collected out of them ?

Secondly, whether the organisation realised the value that which is suitable for some other but I have seen the worst arrangement this side of any exhibition I have seen. I was there, I could stay only 15 minutes, it is so polluted. Mipui an tam si a, pollution kha a tam lutuk a nia. Chuvangin, a hmun thianghlimah tihdan tur in ngaihtuah em ? Sorkarin a ngaihtuah em ? Sorkar hian a ngaihtuah em ? min chhang sela.

S P E A K E R : Chhangturin Pu Thangzualla i lo sawm teh ang.

Er.K. THANGZUALLA : Pu Speaker, sum leh pai
MINISTER hmanna tih ralah chuanin Department hrang hrangin a an hman dan an amount min rawn pek bak kha chu a chipchiarin kan hriatpui lova, kan enpui lova. Hei hi chu ka ti mai thei lova, nichina Chawngte bialtu zahawm takin a a han zawhna lottery ah khan engzat nge in hman ? Engzat nge in hmuh tiha kha lottery angin kan kaltir chiah lova, Lucky Ticket angin a kal a. Tahchuanin khata kan hmuh zawng zawng kha gate pass kha pakhatat Re.1/- zel khawnin Rs.93,590/- kan hmu a ni. Tatang chuanin 1st Prize ah Scooter Rs.35,550/- 2nd leh 3rd Prize ah Washing Machine, Tape Deck Rs.15,000/-. Tin, zaithiam kan rawihna velah Rs.10,000/- vel kan seng a, tin, canteen expenditure ah Rs.25,000/-. Tin, consolation prize hi 50 kan siam a, Rs.50/- theuhin. Chutah chuan Rs.2,500/- kan seng a tunah hian Printing and Entry Pass printna te, official batch siamna te, printing of invitation card tihte nena kan senso chu trophy te nen khan Rs.43,393.00 a ni. Kha kha lucky ticket kan hmuh atanga kan sawi theihte chu an ni.

Tin, pollution a nasa tih kha, kha kha paw kan ti khawp mai a. Atirah Committee ah chuan tui a vaivut khu lutuk tur vengtu tur khan PHE leh Fire lampang mawhpurhna ah kan dah deuh a. Mahse khati khawp khan mipui kha an tam ta si a, a seng ta lova, anni pawh khan an tlin lova. A tawp lamah phei chuan kan phul a ni. Khatiang taka khu kha keini pawn paw kan ti a, tih leh hunah chuan tha deuh zawka tih theih pawh kan beisei.

S P E A K E R : Starred question 130-na zawt turin Pu H.Rammawi i lo sawm ang.

PU H.RAMMAWI : Pu Speaker, ka zawnna 130-na (a) Mizoram chhunga Residential School te hi School fee chungchangah Sorkarin bithliah a siamsak thei em ? (b) Education hnuaiia Sorkar hnathawk pension tawhte an pension fello an la awm em ? (c) Education Department hnuaiiah Sorkar hnathawk te pension hun tur list siamfel a ni em ? (d) Mizoram a Sainik sikul din anih theih nan Central Sorkarah thlen tumna a awm em ? ka zawt a, (b)-naah hian Pu Speaker, Education hnuaiiah hian Sorkar hnathawk pension tawhte an pension fello an la awm em ? tih pension tawhte an pension fello tih hian Mizo tawng hian pension hi chu pension kan ti ve mai a. Hei hi a kawh hi pension benefit a ni a. Pension fello ka tih hi chu pension benefit fello kha a ni a. Mizo tawng a zuk dah rem dan te ka thiam loh avangin tihian ka dah a. Mahse a chiang thovin ka hria a, min chhang turin kan Minister ka zawt e.

PU F.MALSAWMA : Pu Speaker, Member zahawm MINISTER tak Sangau bialtu ina zawnna starred question 130-na (a) na kha chhanna chu - Private School te fee lak tur bithliah a awm a. Private Residential School tan a hranpa a bithliah a awm lo. Hei a Residential School bikah hemi ah hian a bithliah siamsak a awm lova, Private School fee lak tur chungchangah hi chuan association te nena sawihc thin a ni a. Department chuan theih ang tawka hniam a la turin association te hi a nawr a. Chutah an thutlukna ang chuan an kal thin a ni. (b)-na Education hnuaiia Sorkar hnathawk pension tawhte an pension benefit tih fel loh an la awm em ? tih chu an awm nual a, tihfel mek zel a ni. Hei hi harsatna a awm nanchan chu Accounts & Treasuries lamah a thawktute an lo inthlak te hian nidanga an pass ang thin te kha sawihnawk te a lo awm thar leh thei thin a. Chuvang chuan leh anmahni a zirtirtute ngei pawhin an lo ngaihsak tawk loh ve deuh thin te pawh a awm ve thin a ni. (c) Education Department hnuaiiah Sorkar hnathawkte pension hun tur list siamfel a ni em ? tih hi - Ni e, kumkhat hmalamah SDEO te, DEO tin te anmahni area theuh ami kha an pension hun turte rawn hriattir turin Directorate hian thu

thu a pe thin a ni. (d) Mizoram-a Sainik School din anih theih nan Central Sorkarah thlen tumna a awm em ? tih chu. Aww e, tih a ni. Eleventh Commission ah khan thlen a ni a. Amaherawhchu, min rawn sanction ta lova, tah hian Steering Committee te pawh din a ni a. Chief Secretary Chairman na hnuaiah Lengte ah kuan buataaih a ni s, a hmunah keipawhin ka zuk tlawh tawh a, mahsela, wawiin thlengin Central Sorkar atangin remtihna kan la hmu lo a ni.

*Speech not corrected.

PU LALHMINGTHANGA

: Pu Speaker, zawh belhna han siam ila, a relevant tho turah ka ngai deuh a. Kan School Budget hi tunlai

zirtirtute hlawh harsat thu ah an manganna ah hian mipui ten kan beng kan dawhin a thleng nasa viau a. Tuna kan Budget awmdan han en hian School thenkhat hi chu an dinhmun a thalo hlein a lang a. Entiran - Primary School hi 893 vel kan lo nei ta a, Government hnuaiah hian. Khatah khan Office expenditure leh thildang a an Budget han sem sak khan kumkhatah School pakhat hian Rs.111/- an chang chauh ang a ni a. Chu chu thlakhata han sem leh chuan thla 12-ah chuan School pakhatin Rs.9.25p chauh a lo ni ta a. Khang vangte khan em ni School fee khawn tihte kha a lo rik tak. Hetiang em ema tlem hian chuan School Office mamawh an O.E. angte pawh kha thlakhata Rs.9.25p ringawt kha chuan chalk man pawh a daih lo hrim hrim a. Tin, Government Middle School hi 554 awm niin a lang a. Hei hian an budget atanga an O.E. turte han sem khan kumkhatah Rs.275/- an chang chauhva. Chu chu thla 12-a kan sem leh chuan Rs.22.92p an hman a ngai ta a. Kha kha chuan lehkhapuan leh chalk lei a thil han tihna tur hrim hrim pawh kha thlakhata an hian a daih lo hle tih a lang thei a. Tin, Govt. High School hi 187 a lo awm ta a, hei hi kumkhata an hman theih tur hi chu han semrual deuh ta ringawt zel ila, a average khan, a len leh a tet te ngaihtuah vak lovin. Rs.5,347/- a ni a, kha kha thla 12 atana kan han sem chuan Rs.445.58p in an chang chauh bawk a. Heng pawh hi a tlem lam hle tih a lang thei a. Tin, kha bakah khan hei Govt. Higher Secondary School hi 22 a awm leh ta a, anni O.E. dinhmun pawh hi thlakhatah Rs.378.75p in an chang chauh a. Hei nen hi chuan manage a har hle anga, hei hi kan Sorkar hian engtia tanpui nge a tum ?

....367/-

Tin, an hlawh thu kha an buaipui ber kha a ni a, tuna a lan danah khan deficit Middle School atan hian thla 7 hlawh chiah a awm niin a lang a. Tin, Govt. High School tan hian thla 10 hlawh chiah a awm niin a lang a. Deficit High School tan hian thla 4 hlawh a awm niin a lang a. Govt. High School tan thla 10 hlawh deficit High School tan hian thla 8 hlawh a awm niin a lang a. Heng hi a hlawh na na na hi chu kumkhat pawh daih em lova han siamsak te hi a fel lova. Human Resources Development hi kan ram tan hian thil pawimawh bera ni si a. Engtingge kan Sorkar hian he problem hi solve sak a tum tih hi ka han zawt nghal e, ka lawm e.

*Speech not corrected.

S P E A K E R

: Khang a question nena inmil lo deuh kha chu hun a rei loh deuh nan sawi tel vak ni lo sela. Awle, Pu H. Rammawi i lo sawm ang.

PU H. RAMMAWI

: Pu Speaker, Private Residential School fee ka zawhna chhan hi, Private School te hi Sorkar aia tha zawk, nih tum uluk taka din an awm a, tin, a then chu khatiang kha an ni lem lova. Sumdawna hawi lam deuha din anni a. Ka zuk zawh duh tak chu Sorkar hian permission an pe turah ka ngai a, permission pe lo chuan private school din turah ka ngai lem lova. Fee an khawn hian school chhuti hun zawng zawng an la vek zel a ni, chawlh hunchhung pawhin, Nu leh Pate an phun nasa em em mai a. School a that chuan school an bawh mai, fee a tam deuh pawhin an pan zawk mai. Amah-erawhchu, Nu leh Pate lam atang hian chawlh hunchhung em em a fee kan ti hi chu a ni em em love, ti an tam em a ni. Chuvangin, ka zawhna pawh kha Sorkarin bithliah a siamsak thei em? Ka zuk tihna tak kha permission pe tur chuan a siam thei turah ka ngai a, hei hi kan en ngun a tul lawm ni? tih hi ka zawh belhna pakhat a ni a.

Tin, ka zawhna hi pali ani a, a hranga kal thei vek, mahse an rawn kawp ta a, a tha ta phian a, (b) leh (c) hi ka'n la kawp anga, Sorkar hnathawk Education Department hnuaia mi chauh lo pawh; example atan hei hi tih a ni a. Mizoramah hian tihdan tha lo em em mai

kan nei a, 1972 atangin U.T. kan ni a, kum 2002 ah kum 30 kan Sorkar hi a ni ve dawn ta a. Chumi chhungah chuan Sorkar hnathawk te hi an pension hnu ah kum 60 thleng an lo thawh tawh chuan an lo upa tawh a, an lo tar tawh a Pensionary School zirtirtu, tar te te an pension buaipuiin kum hnih kum thum hnuah pension benefit fello ala tam em em a ni. Vawii niah pawh hian putar pakhat ka inah pension fello, thingtlang mi a awm a ni. Chutiang chu Department hrang hrangah hian a awm ta vek a, chuvang chuan heng sipaite an tih ang hian an pension hma hian an pension document hi kum hnih khat chhungin buatsaih vek nisela.

Nichinah kan Minister in Accounts & Treasuries harsatna te kha a sawi a, a dik a. An indaih lo em em a, hna an ngah em em a. Amaherawhchu. Ka hriat chian ve em em chu, Department tam tak hian document hi an furnish dik thin lova, zawh leh a ngai a, a tuartu chu pensioner te an ni thin. Helai hi kan Sorkarin mumal deuhhlek in Education Department chauh nilo Department dang dang pawh hi kum 58 an ni emaw kum 60 thleng an thawh tawh a, pension tawh hnu a benefit fel lova hetiang a kan dah thin hi, kum 30 hmel kan hmu ve dawn tawh, kawng kan zawn a tul tawh dawn lawm ni ? tih ka'n zawh belh duh a ni.

PU R.LALZIRLIANA

: A hnathawktu te indaih loh hi sawi fo a ni thin a. An indaih loh chuan Muster Roll pawhin la ve teh mai ang hmiang. Hmanni lawkah pawh Revenue Department ah 200, an la a, a hma in 100 an la a, chutiang chuan kan Sorkar hnathawk pension tawh te hi chu hmangaih deuh a Muster Roll te pawh kha pek ve mai tur a ni lawm ni ?

PU L.N.TLUANGA

: Pu Speaker, Private Residential School thenkhatah hian work experience atan cane chair an phut tlat mai a ni. Chief Minister zahawm tak pawh hian cane chair hi siam thei an awm ka ring lova. Chuvangin Pu Speaker, i member zahawm takte pawhin cane chair an siam theih ka ring lova. Naupang tana work experience tura cane chair an phut te hi chu a tihtawp theih lawm ni ?

PU NIHAR KANTI CHAKMA : Pu Speaker, supplementary question - Is there any proposal for establishing Tribal Welfare Residential School at Lunglei? Pu Speaker, if I am not mistaken would this one crore has been given at for establishing Tribal Residential School at Lunglei 'S' under Tribal Ministry? A dik em zawh ka duh.

PU J. LALTHANGLIANA : Pu Speaker, zawt tur i en hian veilam sir atang hian en tan la. Chutilo chu kan ding thlawn ngun khawp mai a. Ka'n ngen nghal che a.

India ram census provisional report kan en chuan literacy ah Mizoram hi kan tlahniam em em ta a. Entirnan pahnihna India ram State ah kan ni ta a ni. Literacy percentage chu 95 kha 88 ah kan tla thla ta daih mai a. Tuna figure lo awmah hian Education ah hian kan tlahniam lutuk a. Hei hi engnge maw a chhan tih kha kan zawt duh a ni. A lungchhiatthlak khawp mai.

S P E A K E R : Chhang turin Education Minister kan sawm anga. Mahse, a question in a tum, fee chungchang te, pension chungchang, Sainik School chungchang bak kha chu a chhang thei anih chuan a chhang anga. Tin, hei question dang te pawh hi kan ngaihpawimawh tel te pawh a ngai a. Heti duah reng hi chuan kan kal thei lovang. A question in a tum bak chu i ti vak tawh lovang u.

PU F. MALSAWMA MINISTER : Pu Speaker, Member te zawhna kha a tha hlawn hle a. A hmasa berin Aizawl 'E' I bialtu zahawm takin a sawi kha hmanni a kan sawi tawh kha a ni a. PMGY hi tunah hian Planning Department chuan hlawn atan min dah sak a. Chumi nen chuan khawsa thei tura kan inngai a. Mahse hengte hu tunah hian, chu chu Planning Department lam chhan tur awm tak a ni. Keini purview a ni love.

Fee tih chungchangah khan hemi monthly fee nilo admission fee chu tunhma atanga awm reng a ni a. Rs.5/- lek a ni, tlem chuan tihpun ve hlek a tha lawm ni tih kha ngaihtuah a ni. Pu Speaker, engpawhnise kha kha eng lovah kan Member zahawm tak sawi khan demand sawi hunah duh leh Planning emaw Finance sawi hunah raise atan a that ka ring. Tin, heng an hlawh chungchang hi Sorkar chuan budget estimate ah hi chuan thil a awm thei ang ang kha an han dah phawt a. A tawpah R.E. ah enfel leh thin a ni a. Helaiiah hi chuan kan Member zahawm tak ten kan veina hi tunah mai pawh hian kan hlawkpui tawh hle a ni. Sawi vak lem lo ila, corredpondence tam tak a kal phah nghan tawh a, lawmthu kan sawi duh a ni.

Tin, kan Sangau bialtu zahawm takin a rawn zawh permission pek chungchangah khan a clause ah hian hemi hi a lo tel lem lova. Mahse constitutional right miin an neih si avang hian privatization policy te men hian va interfere chin tur hi hriatthiam a har em em mai a, hemi fee chungchangah hian. Engpawhnise, mipui harsatna an exploit nasa dutuk tur rawh chute nen lo sawi nawn leh a thain ka hria a. Residential School ah pawh chutiang chu kan sawipui a. Tin, association a tello hi an awm leh a. Chung phei chu permission withdraw sak a vau mek pawh kan nei ve a. Tin, heng private a din ho reng reng hian an tih that leh that loh hi chak leh uluk zual zawkin hei hi Sorkarin enpui kan rel tawh a. Chu chu a buaipuitute pawh kan in dah chhova.

Tin, pension chungchangah hi chuan zirtirtu hi tunhma District Council, Mission atanga thawk, District Council ah U.T. ah lo chhova, chumi hnuah ah condoned te kha a awm thluah mai a. Chu chu tunhma a mi thenkhatin a Accounts & Treasuries ina an pawm theih thin anga kha, pawm thei ta lo Officer te kha an awm ve tlat a, chuvangin harsatna hi chu a awm lo thei lo mai a, mi tamah hi chuan. A.G. Office ah heng hi re-condile turte pawhin keimah ngei pawhin tunhma kan term hmasa te pawh khan ka kal a. Assam ah te pawh hian Officer te kan in depute a. An service book awm reng reng tawh lo siam that leh te kha a lo ngai a, kan chhangchhe deuhhlek a, helaiiah hian harsatna a awm thin a, zawi zawi erawh chuan a kiam chho ve mek a. Saitual bialtu zahawm takin indaih lo zirtirtu M.R. a rawih nise a tihte pawh kha rawtna tha tak a ni a, zawhna a nih rualin. Hei hi chu keini chhan theih chi a ni lova, Finance lampang a ni a, ka support hle a ni tih kha kan sawi ve duh a.

Tin, Tlungvel bialtu zahawm takin a work experience, hemi thil hi mark pek a ni lova, grading zawnga kaltir a ni a. Dik tak chuan hei hi kan tlang hriat theuh mai a ni a. Official hian information hi kan dawng lo a ni mai a. Mahse mahni ngei pawhin mahni fate ah kan hre theuhin ka ring a. Heng avang hian tunah tak hi chuanin W.E., Work Education in a tum India ram

pumpui hian a tlin zo lova hriat a nih avangin information technology lamah hian tunah hian hmasawn tunna deuh a awm a. Chumi transitional period a kan awm avang chuan justice step pawh kha keinin lo pawng lak ngawt theih pawh a ni lova. Helai hi ngun taka ngaihtuahin kan sawiho ve mek a. Ram pum inher dan nena inmil tur deuhhleak a kal a ngai a ni.

Tin, Tlabung bialtu in Lung-leiah Private Residential School din tunna a awm em a tih kha, awm e, tih a ni a. State tinin Constitutional Right kan nei a. Pahnih tal Private Residential School fee chawi lova din phalna pek an ni a. Lunglei atan hian kan thlen ve a, Delhi lamah a inmun mek a ni. Literacy chungchangah Phuldungsei bialtu ina a sawi, pahnihna kan ni ta tih kha, Kerala nen hian kan in bit zak zak a. Hei hi a chhan ber niawm ah hi chuanin Foreign Influx engemaw hi a awm em ni ang aw kan ti a. A chhan hriat a har rih a, anni khu well established an ni tawh a. Keinin tan kan la chho ve mekin kan bei chho a. 1991 ah khan chuti lutukin kan sang lova, 1995 ah kan han sang chhova. Tunah hian 2-na angin kan awm leh a, kan tan leh chuan EDI Educational Development index ah hi chuan pakhatna nih chhoh leh tumin beih chhoh kan tum mek a ni. (PU NIHAR KANTI CHAKMA : Lunglei hi advance an hmu tawh em, crore khat ?) Pu Speaker, Lunglei atan chuan crore khat an pek awm reng ka hre lo.

S P E A K E R : Tunah chuan starred question no.131 Pu R.Lalzirliana leh Pu Lalrinzuala zawhna hi kan la anga. Tunge zawt zawk dawn che u.

PU R.LALZIRLIANA : Pu Speaker, Home Minister zahawm tak chhanna atan starred question 131-na zawhna -

(a) December 15, 1999-a Home Department atanga order chhuah ang khan, Mizoram Home Guard te hnenah Messing Allowance leh out of pocket nitin atana tihpun kha a taka hman a ni tawh em ?

(b) Mizoram Sorkarin Home Guard volunteer engzat nge a neih ?

(c) Allowance hrang hrang (eng allowance nge) a pek amount nen ? tih ka zawt e.

PU TAWNLUJIA
MINISTER

: Pu Speaker, zawhna (a)-na chhanna kha "Hman a ni tawh e" tih a ni a.

(b)-na chhanna "Mizoramah hian Home Guard Personel hi avaiin 1132 kan nei a. Guard man ho hi 978 an ni a. Regular post chelhtu Non-Ministerial 109 an ni a, Ministerial hi 45 an ni. Tichuan, post 12 ruakmek tel lovin a vaiin 1120 kan nei a ni.

Tin, (a)-na order kha 1999 Becemner ni 15 ami kha Home Guard te duty allowances Rs.50-100 a tihpun te, washing allowance Rs.12/- atanga a let Rs.25/- ah tihpun te. Tin, messing allowances Rs.20/- atanga a let aia tam Rs.50/- ah tihpun te, out of pocket allowance Rs.12/- atanga Rs.25/- a tihpun te a ni a. Kha order kha order ang chiah chiah khan kenkawh a ni a. Sorkar hnathawk dangte ang hawkin 1st May 1999 atang khan an lawmman hi pek an ni. Chutiang anga pek an allowance hrang hrangte chu duty allowance kan ti a, chu chu nitina an hmuh a ni a. Nitin Rs.100/- Home Guard hian an hmu a ni. A hma chuan Rs.50/- chauh an hmuh a, washing allowance hi Rs.25/- mimal tinin, thlatin Rs.25/- an hmuh a ni. (Hei hi flat rate a ni). Chubakah chuan training chhunga an allowance hmuh dan messing allowance kan ti a, nitin Rs.50/- an hmu a. Tin, out of pocket allowance nitin Rs.25/- training chhung hian an hmu a ni.

Tin, heng bakah hian Rank Honoraria hetiang hian pek anni bawk. (1) Coy.Sgt.Major Rs.110/- per month (2) Coy.QM.(Havildar)Rs.110/- per month (3) Platoon Sgt.Rs.90/- per month (4) Corporal Rs.70/- per month (5) L/Corporal Rs.50/- per month a ni.

PU H.LALTANPUJIA

: Pu Speaker, ka lawm e.
(b)-na chhanna ah khan Mizoram Sorkarin Home Guard Volunteer engzat

nge a neih ? tihah khan 1120 a ti a, khami behchhan khan ka zawt dawn a. Pu Speaker, Sesawng CTI ah khian Home Guard training mek lai leh a training zo tawh eng emaw zat an awm mek a tunah khian. Sesawng a Home Guard awm te khi Home Guard Officer ten an training na leh an hnathawh tur duty, Sorkar anga an duty tih tir lovin, an Officer ten lo an nei a, ramah an riak char char thin a, tunah pawh hian mang an khawh leh mek a, ramah an riak vek a ni. Tam tak a tam zawk khi an riak reng thin a ni tih leh vawk tam tak an vulh a an Officer te khian. Khing an vawk vulh te hi an Home Guard te khian thildang thawk lovin an enkawl char char a, hei hi dan em ni ? Hei hi Sorkarin a hria em ? tih ka'n zawt duh a ni.

PU LALRINZUALA : Pu Speaker, Home Guard ho hi an lokal thin a, an hlauthawng em em mai a. Kan Minister chhanna kha a lawmawm hle a. Anaherawhchu, Home Guard ho hian khatiang anga an allowance hmuh ho a kha a tak tak hian an hnen a thleng¹ lo a ni tih thu min hrih a ni. Chu chu kan Minister hian min ennawn sak thei ang em? Min enzui sak thei a ngem tih ka zawt duh a. A chhan chu an hming te han sawi dawn khan hna nghet kan ni si lo^{wa}, min ban mai anga an ti a, an tangkai dan kan hre vek a, hmuntinah kan Police te tluk lo deuh mahsela, chutiang ang tluka kan hman chu anni a, an lawmman kan pe tlem hle lai hian hetiang Sorkarina a phalsak tawh na na na, pe a lang si an dawn si loh a kha a awm a ni. Chu chu min en sak thei ang em tih ka'n zawt ange.

PU R. LALZIRLIANA : Pu Speaker, heta mi 1.5. '99 hian an la tawh e, tih kha No.3 & 4 na messing allowance leh out of pocket hi a nia kan hmu lo an tih chu. Tin, kumkhatah ni 5 chauh mai hi casual leave an nei a, hei pawh hi ennawn ve sak theih deuh a ni lawm ni? Mihring tak ve tho an ni si a.

PU VANLALHLANA : Mizoram Sorkarin Police te, I.R. te a la thin a, chungah chuan Home Guards te tan hian an luh theih dan quota reservation ang zawng pawhin a dah ve thei em? tih kha kan zawt teh ang.

PU TAWNLUIA : Lungpho bialtu zawhna kha MINISTER kan chhang anga, khatiang ang khan practice ah tihdan phungah kan nei a, Dan phei chu a awm chiah lo na a, tuna training lai mekah pawh khuah ka hréatsual loh chuan Home Guards Commandant in a rawn recommend leh Aizawl S.P. in a hnena attached te a rawn recommend te tunah chuan 10 vel an telin ka hria a, ka sawi sual thei a, chu chu Sorkarin a tul dan angin a bithliah ang.

Sungpuilawn bialturawn sawi kha kan lo enfiah vat ange. Tin, hemi messing allowance leh washing allowance, out of pocket kha an hmu kim lo tih hi min hrilh Chiang ula, amaherawhchu, chhui chian tlakin, kan chhui Chiang ang. 1996 atangin a nih chuan kan hre phak lo ang. Sorkar hnathawk dangte ang Khan 1999 May ni 1 atang Khan hetiang hlawh pung hi la an ni a. Chu chu December ah order a chhuak a, December Christmas hmain arrear pawh kan pe vek a ni. Chuvangin, tuna hemi tihpun tawh hnu a hetiang anga la hmu lo te an awm anih chuan chhui tlakin min pe ula, ka chhui ang.

Tin, engemaw training na ah an hmabak thawk awm anga report awm pawh kha kan lo chhui ang tih kha House ah hian ka sawi duh a ni.

S P E A K E R : Question hour a lo tawp ta a, tunah chuan Presentation of Report Pu H.Rammawi, Chairman P.A.C. chu 10th Report of Public Accounts Committee relating to PHE Department present turin i lo sawm ang.

PU H.RAMMAWI : Pu Speaker, i phalna deh House remtihna in Public Accounts Committee Report 10-na he House zahawm takah hian ka present e.

S P E A K E R : A copy kha sem nisela, member te resolution ngaih-tuah ni a ni a.

PU VANLALHLANA : Kan House hian resolution tam tak kan adopt a. Kan sawi hman te pawh hi a tha viauin ka hria a. Chuvangin,
....375/-

resolution hei pakhatna, pahnihna, pathumna te a dang pawh kan theih ang ang kan lak theih nan a thu tha leh kan ngaihdan inang tlanga kha chu chak deuhvin min kal-pui ta, hei vawiin hi private member's day a ni a, resolution tam thei ang ber kha kan lak pawh thain ka hria a, ngaihdan a inan tlan chuan Pu Speaker, kan ngen che anih hi.

S P E A K E R

: A chak thei ang berin kal kan tunj anga, thusawi hun pawh minutes 10 kan ti anga. Nidanga kan tih pangngai angin.

Member te pawh thuawi taka in awm ka beisei a. Hei han sawi tel loh theih a ni lova, kan lo experience ve tawhna ah te, Speaker ber mai mike te control thei lo tura hna hmasa bera Opposition tena thuai leh rem rum te hi kan House ah record atan hian a mawi lo tak meuh meuh a. Heng kawngte hi dan lo ang a ni a, dan bawhchhiatna lian a ni tih hi kan hriat a thain ka hria a. Chuvang chuan-in House chhunga dan lo anga chet hi dan angin inthunna te a awm a. Chungte chu a tih hi a chakawm lo em em a ni. Mahse mawhphurhna lo neih ve si chuan kan tih loh theih loh a ni tih hi chiang takin tunhnu chuan in hriat ka duh tawh a ni. Chu chu vawiin niah te pawh dan pangngai angin kan kal anga, nidanga kan tihdan pangngai angin.

PU LALHMINGTHANGA

: Pu Speaker, ti lo thei lo dinhmun a kan ding thin hi pawi kan ti a. Kan right hi a awm ve a, kan House

Leader hnen atangte khan.....na kan nei thin a, kha kha eiruk te awm tawh lo selangin.....lo tak khan kan ti lo tur a ni. Chu chu kan sawifiah na zawka ni a. Tin, kha an rawt ang khanin vawiin hi Private Member te ni neih ve chhun hi a ni a, chawlhkar khatah hei hi a hlu em em a, keini Opposition lam tan te pheichuan. Hemi a hnunga mi lokal thei lo tura a Ruling lamin a sawi vak vak mai a, Opposition te pawh chhuah ve No.1,2,3,na ang velte tih theih lohwa kal thin hi chu min vek sak thei langin, hei hi tih takzet in kan ngen duh che a ni.

*Speech not corrected.

S P E A K E R : Keipawh ti lo thei lo dinhmun a ka din angin ka ti ve tawh dawn ani tih kha in hriat ka duh a ni. Khalam kha chu chhan vak a ngai lova, danin i awm ang u tih thu mai a ni, Hei hi Member te zalenna ani a, ka tih theih tawh chu thusa-wi hunchhung tihdan pangngai anga minutes 10 pek a, ren taka hman hi a ni a. Member te right kha helam emaw helam emaw hi ka rabet dawn lova, dan pangngai angin a sawi duh in awm chuan, sawi duh te kha chu sawi nawn chu ka phal dawn hauh lova, mahsela ka pek ang chu u kha chu tumah ka khap dawn lo che u a, a chak thei ang bera kal tum ila, tuna mi sawite kha thil dik tak mai a ni a. Kan Business a tam thei ang bera kan lak te a pawimawh em em a ni. Tiang chuanin kal kan tum hram hram dawn nia.

PU ZAKHU HLYCHHO : Pu Speaker, Minister 7 ah tal a tlak theih lawm ni, minutes 10 nilovin, sawi tur vak a awm lova.

S P E A K E R : Nilo, nimina kan sawi Short Duration reilote discuss na neihna hmunah khan a ni a, nidangah Resolution ah 10 minutes ka pe si che u a kan ngai pawimawh theuh si a. Chuvang chuanin helaia kan lo practice pangngai ang pak hi chu nidanga ka lo tih thin pangngai ang bak hi chu Member te duhsakna a ni a. Lehlahmah eng eng emaw chanchinbute pawh in hmu anga, heng atangte hianin in zalenna hi a zau thei ang ber tihpui hram hram che u kha ka tum a ni e. Engpawhnise, Member ten chutiang hrereng chuanin in sawi tawi thiam phawt chuanin a lawmawm ah ngai ila. Chutiang chuanin kalpui in tum teh ang. Tunah Pu Z.H.Ropuia, vawin nia resolution meitu hmaba ber No.1 na hi "Seling - Zokhawthar Road hi National Highway ni turin Central Sorakarâh thlen ni rawh se" tih hi tunah move turin i lo sawm ang.

PU Z.H.ROPUIA : Pu Speaker ka lawm e. Vawin niah Private Resolution sawina hun tha tak mai mi han siam hi ka lawm a.

Hei resolution chhuak ho zingah a hmasa berin ka resolution "Seling - Zokhawthar Road hi National Highway ni turin Central Sorkarah thlen ni rawh se", tih a kha wawihnah sawiho a ni thei dawn a, lawmawm ka ti takzet a ni. Tichuan, hei kan hriat angin Mizoram ah kawng pawimawh tak tak a awm a, Aizawl to Champhai kawngte hi a pawimawh hle a. Hei Mizoram a kawng pawimawh ber ber a niin Central Sorkar leh Mizoram Sorkar hmalakna in Border Trade te kan han nei chho va, tichuan tunah hian Zokhawthar ah dah fel a lo ni ta a. Sorkar hmasain theihtawpin hma an lo la a. Heng hma an lo lakna a lo hlawhtling chho hi lawmawm ka tiin hei kan Sorkar pawhin hmasawn zel theihna turin hma a la chhova, hma nasa tak pawhin a sawn chho mek a. Amaherawhchu, kan inkalpawhna te hi duhthu a la sam lo hlawm a, hei a bik takin Seling to Zokhawthar kawnga hi ala zim hle mai a. Mi tam tak titi ah phei chuan Champhai atanga Zokhawthar inkar phei hi chu khawvel motor chuan man sanna ber ani an ti a. Chu chuan a man san hrim hrim a sawi uarna nilovin, a pawimawh zia a tilang a ni. Chuvangin helaihi a pawimawh zia tilang tu chu motor hire man pawh a to chho hle a ni tih hi kan hmu chiang hle a, member tinte pawhin.

Tichuan Mizoram a kawng pawimawh tak tak hengte hi, a bik takin Aizawl to Lunglei - Saiha kawng te, Aizawl to Champhai kawng te, Lunglei to Tlabung tihte hi defence atanah te leh kan sumdawna kawng leh kan ei leh bar economic thilah te a pawimawh hle a, chutiang bawkin Central Sorkar pawhin ngai pawimawhin helaihi hian National Highway tur pawhin ngai pawimawhin hma an la chho mup mup a. Chutih rual chuan kan sumdawna leh ei leh bar thil a kan mamawhna mai nilovin National Security atanah pawh heng border chhun ho kawng te hi a pawimawh leh zual a. Engemaw India Sorkar leh ramdang Sorkar te nen pawh buai awm ta sela henglai kawngte hi kan tih len a tul em em a ni. Tichuan, chumai bakah hmun tam takah pawh Hnahthial to North Vanlaiphai, Sangau - Saiha road te pawh BRTF in an lai mek a. He lampang Keitum atanga N. Vanlaiphai, Thingsai, Cherhlun khilai chho pawh khi Sorkar pawhin hma a la chhovin tunah pawh hian ngai pawimawh a ni chho mek a. Khatiang khan kan ram hi International Border anih avangin heng kawngte hi a pawimawh viau a. Tunah hian Trade Centre, Border kan neih mumal leh nghetna ber a chu khilai Zokhawthar khi anih avangin helai chhun tura Seling atanga kawngpui kal a hi ka lo la zawh ngai vak lova, hman deuh khan wawihnih lai ka han kal a, ka rin aini a lo la zim khawp mai a, kawngte pawh a lo kawin nasa hle mai a, chuvang chuan helai kawng hi a pawimawh hlein ka hria a. Hei wawihnih pawh ka resolution tam tak theihluh zingah a vannei a a han tang hi a tul tawh takmeuh niin a lang a. Chuvangin he kan sumdawn tawna kalzel turte leh kan ram venhimna leh kan economic thil ei leh bar thleng pawh a khilai. tlangdung leh kan ram leh India ram pumpui tana thil tul anih avangin Central Sorkarah hian thlen nise.

National Highway a puan ni turin hma la nghal tura nawr turin lungrual takin he House hian pass ila ka duh a. Hei Aizawl to Champhai hi 200Km. vel a ni a. Tin, Champhai atanga Zokhawthar hi 35Km. vel niin a lang a. Tichuan, kan hriat angin Aizawl to Seling erawh hi chu National Highway a lo ni tawh a. Chutang chuan Seling atanga Zokhawthar a hi kan han tihna bik pawh a ni a. Tichuan, Seling atanga Champhai Mualkawi thleng a hi BRTF in hma an la a. Amaherawhchu, National Highway a la nih loh avangin a dinmun te chu khilai kal thin te chuan kan hre vek anga. Tin, Mualkawi atanga Zokhawthar hi 25 Km. vel a la ni a. Tichuan, hei hi kan P.W.D. te'n an ti a, an khawih mek a. Hei hi Champhai lampang line hrim hrim tan nilovin, thil randang atangin tlawm tak takin kan lalut kan tih rual hian a phurh man avangte hian a to thei em em a. Helai hian foreign thil tha tak takte leh kan ram thilte pawh nakinah remchang anga tlawm zawk a kan thawhchhuah theihna turte, kan lakluh theihna tur tein kawng tha leh zau hi kan mamawh a ni.

Tin, kawng a lo zau a, Highway te a lo nih hi chuan kawngte pawh a lo mar tha a. Motor nei chuan an hria anga, gear te zawk ten awlsan zawkin, sum sen tlem zawkin kan thleng zung zung thei a, lirthei te pawhin a tuar lova, chu chuan nghawng mipui ah nasa takin a nei thin tih kha kan hre theuh anga. Chuvangin, helai kawng hi kan zavaia kan ngaih pawimawh a thain ka hria. Tun dinmunah hmundang te pawh ngai pawimawh mah ila, a vannei leh tul hmasa a thlen turah kan resolution ah pawh alo ni a, a lawmawm kan ti a, chuvang chuan Member zawng zawngte lungrual takin helai chungchang hi a pawimawhna te mipui tam tak te pawhin an hre kher lovanga. Kan sawi hria a, helai kawng hi Central Sorkar ah Highway ni tura thlen tura he House zahawm takah hian pass tura kan sawiho ka duhin ka ngen che u a ni, ka lawm e.

PU K. VANLALAUVA
MINISTER

: Pu Speaker, hun min pek avangin ka lawm e. Hei kan Member zahawm tak Tawipui bialtu ina a

private resolution "Seling - Zokhawthar road hi National Highway ni turin Central Sorkarah thlen ni rawh Se" tih thu hi keini khi lampang kawng zawh thin tan chuan tih awm tak a ni a. Keimah ngei pawhin tunhma atang tawh a ka lo rawt fo thin a ni a. Champhai hi District Headquarters a ni satliah mai lova. Keini khawchhak lam tan chuan kan hmunpui a ni a. Bazar hmun te pawh khi Aizawl mite pawh an han bazarna hmun hial a ni. Bungraw chi hrang hrang a tha mite, a tha mi lo deuh te pawh a ni ang, khawpui tak a ni a. A kalpawhna

kawng hrim hrim Seling leh Champhai inkar khi he term hman tan anih a ka rilru a lang hmasa ber chu National Highway ah hian State hi an puang ve ta se a harsa angem aw! tih ka ngaihtuah thin a, ka huphurh deuh thin a. Engpawhnise, a kawng kawng zawng zawng hi cut ta vek ila, tichuan motor speed pawh a chak thei deuh anga tih hi ka ngaihdan hmasa a ni thin a. Keini lam haw kawng a ni a, kan feh kawng a ni a, kawng a zim avangin motor speed a chak thei lova. Tin, motor hi a lo khat deuh hlek thin a, han chak viau dawn in kawng kawiah insut a tam em em a. Champhai kan kal a kan hmuh fo chu kawng kawiah motor darthlalang keh nawi tla rem rum te a ni. Motor a la tam em em lova, speed an chak dawn viau va, chulai karah motor dang alo kal leh khauh thin a. In sut a tam a ni, a chhan chu kawng a te tlaat a ni. Motor te leh motor te chu kan inpel zung zung thei e. Motor lian leh motor lian chu harsa tak a ni, hnungtawlh nek a ngai thin a ni. Chutiang dinhmun ah chuan Champhai kawng hrim hrim hi kan ding mek a ni.

He House zahawm tak hian ngaihtuahna thar hmang tura kan Member zahawm takin resolution putluh na chang a hria hi a vanneihthlak ka ti a. Keini khawchhak pa zawng zawng te tan chuan mal-sawmna a niin a pulut tu hi pangpar thi awrh tir tlak a niin ka hria a ni. A chhuah tirh phat atang khan a ni hianin resolution dang pathum lai thehluh a nei si a, a chhuak zingah tel tak ang maw? ka ti a. A tel loh ka hlau hle a, amaherawhchu, vanneihthlak hlein ka hria. Thum an han vawr a, fair takin, Hnahthial bialtu zahawm tak mai Evangelist tih hial tlak khawpa mi nuntha in an pawtchhuak zan mai lehngal te hi, a fuh dawn hian ka'n hre hrim hrim mai a ni. Chuvangin, a pawt tu pawh hi pangpar thi awrh tir tlak bawkah ka ngai a ni. Chuvangin Pu Chairman, waviin niah hian Seling - Champhai ka'n sawi hmasak hrim hrim hi a theih anga chaka kalpui tura Central lama nawr hi keini House hian kan tih tur pawimawh ber te zinga lo lang ta hi a lawmawm ka ti a. Tin, a tul hle thu kan tarlang duh bawka.

Tin, kan zin kawng kan feh kawng zel, Champhai atanga Zokhawthar pheih hi chu Aizawl lama motor tha ang te a la tam ve rih lova. One Tone te hi a la tam a, One Tone leh One-Tone inpelh kha a remchan lohna lai a tam em em a. Kan sumdawna pui pakhat a ni si a. One-Tone leh One-Tone inpel hleithei lo a manganthlak zia chu a kal zing apiangin kan hre awm e. Tin, kan thiante sumdawng kal vel reng reng hian hrehawm an ti a, tih zauh an chak thin a. P.W.D. in an hma zo deuh silo, tuna mi khi kan tlintawka a ni an ti a, an kawng chu an tidum pheih ve zui mai. Mahse a zim si a, a kawng dum zawng zawng khi han kar pawk ila patling chuan kan kar tawka chauhin a awm a ni. Chutiang chu anih avangin, hetiangka kan Sorkar ina Trade Centre atana ruahmanna a han siamthar hnu pheih hi chuan he kan Member zahawm takin resolution move nachang a rawn hria hi a

a lawmawm a, a mumangah a nih loh pawhin a takah emaw tal eng te reuhte tal a hmu a niang tih hi rintheih khawpin a pawimawh a ni. He resolution pulut tu hi thlarau lamah pawh a sang viau ni te pawhin ka ngaihtuah thleng hial a ni. Chuti khawp chuan he kalkawng hi a pawimawh a ni. Chuvangin Pu Chairman, vawinah hian kan House zahawm takin a ngaihtuah tura hma a rawn lak chhoh tak hi kawng dang danga han thleh kual pawh a tul lo minute 10 vel han neih pheh chuan a tawk viauin ka ring a. Kan Member zawng zawngte pawh hian ruling lam te Opposition lam te pawhin hei hi chhungkaw thil a ni mai lova, ram thil a ni tih leh ram hmel lanna a nih avangin thahnem ngai taka, Speaker zahawm takina hun min pek thliah thliah hi chu hman theuh hi a tulin ka hria. A hmang lo chu Champhai mipuite leh khilam kan bial mipuite hian an ngaisang lo sawt ang tih ka ring a ni. Chuvangin, hun kan hman theuh pawh a tulin ka hria.

Vawin thlenga a kawng la te; motor lian leh te la inpelh theihna chauh hi chu State tan thahnem ngaih a na em em a ni. Chutiang karah chuan kan ding mek a, Pu Chairman he resolution sawi tur hian i Member te pawh thahnem min ngaihpui la a tha in ka hria, a chhan chu thil pawimawh lo ah hi chuan thahnemngaih pawh a tul lem lo awm e, Mahse thil pawimawh tak tak chu ngaipawimawh tura mipui thlan chhuah kan ni a, vawina Member lo thu reng reng hi a voters nei tlem ber hi voters 6700 vel nei bial vek kan ni. A tam pawl pheh chuan 16000-17000 vel bial nei kan ni a. Tin, hetiang sawina chang hre tura min thianchhuah te kan ni a, tulna hre pha lote kan nih vaih chuanip kan bial tan pheh chuan, ngawi teh u, kan Pu hi kan lo thlang fello em ni aw? tih ngaihtuah tham khawpin thil a awmin ka hria. Chuvangin Pu Chairman, he (Seling - Aizawl) Seling - Champhai, Champhai - Zokhawthar hi National Highway atan Central in min rawn remtih sak ngei tura he kan House hian kan pass ka duh a. Pu Chairman, hun ka la nei anih chuan han sawi leh hlek ka duh chu, kei chu ka feh kawng tak tak, ka hawn kawng ani a, ka hrechiang em em a ni, harsatna vawi tam tak ka tawh tawh avangin. Thian dun nen chauhva kan kai a, hmanhmawh deuh takin kal ang aw, kan tih pawha, hmanhmawh theih loh khawp a kawng zim, motor lian leh te hmanhmawh ve ve chu hnaite ah kan inpel fo a ni. Pathian zarah sut em chu kan insu lova. Vawithum vel chu feet khat vel lek, feet hnih vel leka insu lovin ka tawk tawh a ni. Chutiang khawp chu a nih avangin Pu Chairman, ka ngai pawimawh tak tak a, kan Member zahawm takte pawh hian chu chu an hriat fo tawh ka ring. Chuvangin hei hi thil pawimawh tawpkhaw a ka ngaih a ni a. Champhai bul Zokhawthar pawh hi chutiang tho chuan kan State ina kan hmingthatna tur anih avangin vawinah hian Pu Chairman, he resolution zahawm tak hi kan House hian lungruah taka kan pass a thain ka hria a. Tin, a pawimawhzia hre pha chin zawng zawngte pawhin kan sawi theuh pawh ka ring, ka sawm bawk a ni, ka lawm e.

PU AICHHINGA
MINISTER

: Pu Speaker, hun min pek avangin ka lawm e. Tuna Member zahawm tak, Khawbung bialtu sawi ang deuh khan keini khawchhak lam biala awm tan chuan han sawi loh ngawt pawh thil tih chi a niin ka hre lova. A pawimawh dan te leh a tuna te han sawi ve ka duh a. Kan Member zahawm tak Tawipui bialtuin he resolution a rawn pulut hi a lawmawm hlein ka hria a. Hei kan hriat theuh angin kan ramah National Highway kan nei ve nial ta a. Tin, kan chhawr ber chu Vairengte atanga Lunglei thleng National Highway kan han nei a, hmalak mek a ni a, kan chhawr hle a. A lawmawm a, chumi rual chuan Thenzawl tlangdungah World Bank atanga National Highway ang deuhthaw a lainchhoh leh tur kawng te a la awm hi lawmawm ka ti a. Tin, chumi rual chuan hei, khawthlang lampangah National Highway tur Hailakandi lam tih te, khutah ruahman a ni a. Nemi hmalak zel te hi a lawmawm e. Amaherawhchu, kan khawchhak lampangah mihring buk em emna lam si ah National Highway kan la nei lo hi vawiin niah kan Member zahawm takin a rawn pulut hi hemi Zokhawthar thleng a han ti pawh hi a lawmawm zual a. A khawchhak lamah hian mihring kan buk a, Tuirial chhak lamah hian kan thahnem em em a. Zoram pumpui mihring hmun thum a thena hmun khat deuhthaw hi kan cheng a ni a. Chumi te chenna hmun lama National Highway kan la nei ve lo hi kan neih a tul hlein ka hria a. Tin, kan ram intodelhna tur atana tuna kan Sorkarin kan hmalakna pawimawh tak heng sawhthing chinna kawng kan en pawh hian khawchhak lam hi sawhthing chin tamna ram a ni a. Kuntina sawhthing kan hralh tam ber hi khawchhak lama mi a ni a. Khing Saitual te, Khawzawl, Kawlkulh, Champhai thleng leh Khawbung bial, henga kan chin hi a tam ber a ni a. Tin, buh bal dang leh sum chang thlai tam tak hi khawchhak hi a potential area pawimawh tak a ni a. Tin, kan sawi tawh bawkin angin Burma nena Border Trade kan neih theih nana kan inbuatsaihna hmun Zokhawthar a ni a. Hemi thlenga National Highway awm se tia kan Member zahawm takin ruahmanna a han siam hi a lawmawm ka ti hle a.

Tunah hian BRTF road chuan Champhai, sawtah Khawbung thlengin kal tawh mahsela. BRTF road han tihah khan kawngpui han tih theih phei zawng a ni a. Mahse, a zau tawh loh mai bakah, a kawng hi a kawi em em mai a, nichina kan ngaihthlak tawh ang khan, tunah kawng kawi tak tak khi lak ngil in National Highway zau pui a siam ni ta se chuan a kawng pawh hi a tawi sawt anga. Champhai 200Km. zet kan tih pawh hi National Highway in tihlang vek ni ta se chu 180Km. lek a chhuak thei mai tur ang a ni a. Hei, BRTF ina National Highway an tih tam takah hian chuan Silchar kawngpui ah pawh kawng hi a tawi sawt sawt a ni a. Kha-tiang ang kha han kalpuin, kawng kawi tam tak khi han lak ngil ni ta se Champhai pawh khi a hnai sawt dawn a. Chutiang ang chuan Zokhawthar pawh hi a hnai sawt dawn a ni.

Tin, chubakah chuan hei, kumtin in he kawngah hian keini chu kan seilenna lam kawng a ni a. A kawngte hi kan hria a, tunhma a bawng khalh kan nih laia Bawng khala a Aizawl te lo kal ve tawh thin kan ni a. Chuvang chuan a kawngte hi kan hrechiang em em a. A kawng hian luipui, khi mi Seling atang ringawt pawh khian Tuiri-ni ah, Tuivawl ah, Tuichang ah, Tuipui ah, Luipui 4 a kan chho a ni a. A leihlawn te pawh hi tunhma a BRTF in an han dawh hma phei hi chuan fur ah hi chuan motor kal thei tih lai reng hian kal kal theih loh a ni a. Tunah pawh hian BRTF leihlawn te pawh hi chhiat chang tam tak ala awm a. Chuvang chuan National Highway anga kalpui a lo nih chuan, kang zawng zawng te pawh kha a nihphung tur angin a lo ni chho anga. Tunah tak pawh khian, khi Tiau lui, leihlawn te pawh dawh theih turin Central Sorkar leh Burma Sorkar pawh an Sorkar a lo fel ta a. Kan ram P.W.D. ten Tiau lui pawh hi leihlawn dawhkai turin April thla chhungin dawh tan tur tihte a lo nih takah phei hi chuan National Highway a a tlang ngei ngei hi a tulin ka hria a. He resolution keini khawchhak bial mipui tam tak chenna leh potential area khing Tiau kamah te khian buh tam tak thar theihna a awm a. Thlai chitin tharna ram ani a. Burma ram atanga kan insumdawn tawna turte kan phurh thlenna tur Aizawl leh Lunglei thleng pawha kan la chhawr tlan tur leh kawng tawi zawk kan buatsaih theihna tur atan chuan National Highway hi a tul a. Tunah chuan Champhai thleng turin darkar 6 zet kan tlan a ngai a. Zokhawthar thleng tur phei chuan darkar 7 kan tlan a ngai a ni. National Highway chu nise, darkar 4 emaw lek pawhin Aizawl kan thleng zung zung thei dawn a ni. Khawchhak mite tan chauh nilovin Aizawl leh Lunglei mite tan pawh kan chhawr tlang dawn a ni. Chuvangin, he resolution tha deuh mai hi he House hian pass ngei nise tiin ka han rawt a. A chhawr tur mipuite leh kan ram development atana mamawh takmeuh a ni. Chhim leh hmar a a intan tlang ngawt hi a tawk loya. Khawchhak leh thlang a National Highway intan tlang hi kan ram tan a tha a, ramdang nen insumdawn tawna kawng atan pawh a tul takmeuhin ka hria. Lungrual taka pass mai pawh nilovin hei Central a nawr ngai thil ani lehngal a. Hei hi kan Sawrkar pawhin chak taka a kara kan kar tur pawimawh tak a ni. Passed lon theih loh niin ka hria a ni, ka lawm e.

NIRUPAM CHAKMA

: Pu Chairman, ka lawm e. Member zahawmtak Pu Z.H.Ropuia, Tawipui bialtu resclution, Seling - Zokhawthar road hi

National High Way ni turin Central Sorkara thæn ni rawh se tih, a hmasaberin ka support a ni tih hi ka sawi duh a. Pu Chairman, this resolution is important from many points however, I have a strong doubt whether a national high way linking an International Border could be possible in other state. I do not know but if it is possible if the Govt. of India is ready to take the road as a National High Way it will be very well and good. I have my personal support on the resolution alongwith this I would like to state that even at present although the honourable Member who have spoken before me have presented the road condition as very small, the mover said the transport fare as the highest in the world.

we have different part in Mizoram where road condition are worse than the Seling - Champhai - Zokhawthar road. There are many part in Mizoram which are not link with even motorable road not to a speak of National High Way or State High Way, ordinary district road even the road under minimum many programme. Therefore, when I stand to this August House to speak in favour of National High Way. Mr. Chairman, my feeling goes to those areas where there are no road even till today. I have a lots of examples to give but I would like to emphasise, I would like to mention a few that the road in the South Mizoram, for example, Lungsen to Chawngte Road it deserve to be atleast a better maintenance than what it is today.

Our State Government here which is very much capable of during a good improvement and very sorry to said that road are not properly maintain, there are many road where vehicles cannot go during this present Ministry where vehicle also cannot fly. Mr. Chairman, Champhai to Zokhawthar road was constructed in the previous Government, I was also helping the Chief Minister in a portfolio in P.W.D. and I have personally visited from Champhai - Zokhawthar I found the road very in good condition in a completely black-top and enough and portion between Seling - Zokhawthar is steel much better than many road within Mizoram e.g. we go to West Phaileng, Tripura border the condition of the road is worse than Seling-Champhai Zokhawthar road. In spite of may the condition of other road but this road is important because it.... international border where we are going to have border trade with Myanmar andgoing on in the border. Therefore,....the security ...from the commercial point of view and also development of Mizoram this road stand having it significant, therefore, I support the resolution moved by Hon'ble Member of Tawipui Mr Z.H.Ropuia I would like to in spite of his illness many to move this resolution I congratulation. I think this resolution pass. I also with the people of area for a better road facility it this come to reality in future, thank you.

PU RUALCHHINA
MINISTER

: Pu Chairman, vawiinah Resolution ngaihtuah tur tha tak mai sawiho tur kan han nei hi a lawmawm hlein ka hria

a. Hemi rual hian duhthusamah phei chuan khawthlang lama kan trade centre ve tur Tlabung te pawh hi tel nghal selangin kei tha ka ti hle mai a, a hun hlein ka hria. A vang chu mihring reng reng hma kan sawn dawn chuan kawng tha hi kan mamawh a, kawng tha a awm lohnaah hian hmasawna a kal chak thei reng renglo a. Tin, mihring khaw hrang hranga chengte zar han inzo tawn theihna tur pawhin kawng tha kan mamawh a. Chutiang chuan hmun thenkhata thil kan mamawh tam tak awna si kawngina a pawh loh, kawngina a pawh tak avanga kan changkan phah sawna turte tam tak a awm thei a. Chuvang chuan Seling leh zokhawthar kawng pawh National Highway tura Central Sorkara thlen ni rawh se tih hi a thain tha ka ti hle a, ka support-a.

Tin, ka sawi ang deuh khan, hmun tam tak hmun dangte pawh hi ne Resolution-ah hian lo tel phei se chuan tul leh zualin ka hria a. Kan hriat theuh angin National Highway tura han puan pawh hi kum 5-a an zawh tur ang tih pawh hi a fet aia tamte hun a duh mai thin a. Chungte ngaihtuah phei chuanin tuna resolution-a kan lo neiha kan trade centre tur pawimawh tak takte chhun tura National Highway rawna hi Central Sorkara kan thlen hi pawimawh hlein ka hria a ni. Tun ami pawh hi a tulna em em chu, khilamah khian tunah zokhawtharah trade centre kan hawng dawn mok a. Tin, kan custom leh Excise lampang tan pawh thil tha lo lo kal tur te kan in check-na point tur a lo ni bawka anga, chutiang anih avang chuan khilama kan chen vang kher nilovin, a pawimawhna vang zawkin National Highway hian heng hi chhuak sela. Hemi communication kan tih kan neih that poh leh hma kan sawn chak dawn kan tih ang khan hemi mai ni lovin, Boruak lampanga inkalpawhna pawh hi nei zau zawk ila, mahse, chu em chu kan phak loh deuh avangin, kan Ram leilunga kawng laih zauhva, in pawh sur sur thei tur kan neite leh sumdawna bungrua kan neih ang angte; han insumdawn tawn a kan retheihna te pawh um bova, hausakna lama kan tlan chhoh ve theih nan a tul zual hlein ka hria.

T.V. lamte, khilai chanchin te an rawn puang tawh a, kan hmu theuhin ka ring a. Khang atang pawh khan National Highway kan neih mamawh zia lo lang hlein ka hria. Thlasikah pawh nuan taka kan awm theihna tur Blanket tha tak tak te a lo kal a, Mizo hi foreign goods ngaina mi kan lo ni nen, ramdang siam thil kan neih phahna anih phei chuan lawmawm hlein ka hria a.

Tin, helaia Mizoram changin kan chhawt lova, India pumpui ti mai ila, a sual lovang chu, State hrang hrang atanga Mizorana hnathawka rawn awnte leh Mizoram rawn tlawnte pawh hian khang foreigner goods kan tih, tha tak tak kha an rawn leiin an mahni in leh loah an hawn a, Mizoram zin te pawh an chak thin a.

Tin, khatah khan tlawm leh hmundang aia tha zawk si an lei theihna te kha nuam an ti a, officer haw tu reng rengin tunhma deuhvah pawh khan Terrelina pawh India ram hmun hrang hrangah tlawm taka kan hmuh theih loh lai khan Aizawlah chuan tlawm tak takin kan hmu a, ram-dang, State dang amite pawhin Aizawl atanga han hawn kha nuam an ti em em a ni. Chutiang ang chu anih avangin helai hmun Trade Centre-a kan la hman zel tur hi highway-in a chhun ngei hi a tulin kei ka hria a. Tin, wawiina Member zahawm tak takte pawh hian helai hmun hi la tlawh kan la duh zelin ka ring a, chungte hlei hlei pawh chuan hengte hi a tangkai dawn a ni.

Tin, chubakah chuan, Trade item chi hrang hrangah in exchange tawna, inleitawn theihna kan lo neih phei kha chuanin a la pawimawh zual sauh dawn a. Ran lampang chungchangah pawh a ni anga, sumdawna item chi hrang hrangah helaiah hian kan la in-pechhawng dawn niin a lang a, sumdawngtute tan phei chuan a nghah hlelhawm bik awm hle hian ka zuk hriatpui a. Chuvangin Selang to Zokhawthar hi chu National Highway hian chhun ngei selangin, Mizoram pawh kan chhawr anga, India State dang tam tak pawhin a rawn chhawr pha ngei ang tih hi ka ring tlat a, hei hi tipuitling ngei ilangin, tuna kan rawtna hi Central Sorkarah hian thlen pawh ni ilangin kan duh hunah complete a ni kher lo thei a. Chuvang chuanin wawiina he Resolution kan neih hi chu hmanhmawh thlak hle tawh zawkah ka ngai nghe nghe a ni.

Tin, khi kan hriat theuh angin Mizorama dil pawimawh ber Burma chhunga awm kan tih Rih Dil te pawh khi hmulo tam tak an la awm avangin a enna kawng a lo ni baw si a. Khangah pawh khan Tourism lampang development te atan pawh helai highway a awm hi chuan a pawimawh tulh tulh dawn niin ka hria. Tin, insumdawn tawna a lo awm hi chuanin Trade item maia insumdawn tawn nilo hianin Money exchange kan ti mai anga, sum leh pai inthlengna remchangte pawh helaiah hian a develop dawn a, tunah pawh a kal tawh tan mekin ka ring nghe nghe a. Chutiang khawp chuanin helai Zokhawthar hi hmun pawimawh tak a la ni dawn a. Seling atanga National Highway a kal loh si avang hianin a chhun ngei tur hianin National Highway hi kal selangin he kan Resolution hi Central-ah thlen mai ni lovin, chak taka nawra bul pawh tan thuai theih tura tih ni nghe nghe selangin thain kei ka hria a ni.

Tin, Champhai hi tunah District Capital a lo ni nghal a, tin, chubakah khawchhaka kan khawpui pawimawh ber pakhat a nih baw avangin hemi chhun ni baw si a, he Seling-Zokhawthar National Highway a kal hi chu a pawimawh hlein ka hria a, kan zavai atana kan tangkaipui em em tur kawng anih avangin lungruat taka kan pass bakah chak taka kan nawr theihna turin he Resolution hi ka rawn support a, Z.H.Ropuia, M.L.A. zahawm takina a rawn chhawp chhuak hi lawmawm ka tiin ka rawn support thu ka rawn sawichhuak ve a ni e. Ka lawm e.

CHAIRMAN : Member zahawn takte u, pu Z.H.Ropuia Resolution hi an han sawi nual tawh a, a duh lo zawnga sawi duhte kan awm em ? Sawi kim theuh hi kan phut kher em ni ? Kan Resolution dangte hi sawi a nghahhlelh awm tho si a, anih loh leh pu F.Lal Thanzuala leh pu Rualchhina i sawi tir ang aw.

PU F.LAL THANZUALA : Pu Chairman, kan Resolution hi a puluttu Lunglei District a High Power Committee Chairman a ni a. Sawlam bial hlamchhiah nia in hre reng thin, enkawltu leh uaptu pawimawh ber a ni thin a. Ama bial lamah pawh kawng lampang improve turte a thar siam turte a tam awm tehlul nen, helam bial an ti a, atul thlu niin ka ring a, full support ka pe a, chutia support ka pek lai chuan ka ngaihtuahna chi hrang hrang he House hi share ka duh ve a ni.

Keini Chhim lam atanga lo kal hi Aizawl hianin min hmu pha lo deuh thin niin ka hria a. U.T. dil te awam a, Lunglei District tak takah pawh sawn tih tak meuhva U.T. dil mai sawi an awm reng bawh a. Hmanniah chuan pawl thar a ding a, Chhim Bial Chhantu an inti a. Chutiang chu thil kal kha a awm reng a ni. Chutiang anih lai chuan hei kan Resolution pahniha pawh hi Aizawl khawchhung thu bawh a ni a, chuvangin hei kan Sorkar hruaitute awm lai ngeia han sawi hi ka duh a.

Pakhatnaa kan sawi duh chu, kan hotute hian Mizoram hi in hmangaih ang tih hi ka ring a, amaherawhchu, hmangaih bik area hi in neinin ka hria a ni. Pu Chairman, min ngaidam la, hmangaih bik area hi an neinin ka hria a. Heng kawng National Highway-a han nawr dan turte chu tunge thlawp lo ang le ? Khilai lo pawh helaia mi pawh kan thlawp zel ang, heng chu thil tha anih avangin. Amaherawhchu, hmun thenkhetah National Highway kan tih lai hian June, July - October thleng zak maia Buhfai pawh phurh theih lohna area atang chuan lungchhe tak lo chuan kan support thei lo awam. Chuvangin kan hotute hianin Mizoram an hmangaih lai hian hmangaih bik hi neilo turin ka ngen duh a, chu chu ka sawi duh a ni.

Ka ngaihtuah thuak thuak thin a, tawng mawilo a ni em lo anga, Champhai lam hi kan ti tuah hum reng mai a ni. Thil reng reng hian Champhai lam hi a hawi vek hian ka hria a ni. Pawisa han sem danah pawh, Area-ah pawh Agriculture thleng hian, Amaherawhchu, chuti lai chuanin mawh tamna em em a miin he Resolution hi a pulut tlat mai a, chuvangin ka pawmpui a ni, a tul ngang a ni ang.

Pahnihnaa kan sawi duh chu, engatinge kan ramah hian drugs a pun ? engatinge zu chhia a pun ? kan tih chuan kan thenawm Myanmar lam nena kan inhnekna kawngah hian thil hi a awlai ta lutuk a ni ang tih hi kan ngaihtuah a ni. Kawng tha kan neih hi custom force the tawk an awm loh chuan pu Chairman, kan ram chhiatna tur a ni ang, uluk takin hei hi ngaihtuah a ngai. Motor a tlan chak thei anga, han tihte chu a tha a, chak taka tlan a, thlen hmachu a tha ang a. Amaherawhchu, kan thleng hma anga, Truck hi a lo lut ve ringawt mai anga, hei hi beng sika ngaihtuah a ngai a, thil thalo, lo luhna lam side-a kawng tha kan neih hian thil thalo lo lut tur dang fel thei tur force tha tawk, measure tha tawk a awm loh chuan, thihna lamlian sial kan ni ang. Thil hi kan ngaihtuah tak tak lo, kan tihdan hi. A engemaw avangin Resolution-te hi kan ti mai mai a ni.

Chutiang anih lai chuan ka bial angah chuan, June thla atang hian buhfai a phurh tak tak theih tawh loh, contractor an ruat, a rate chu kawng mam thaah chuan a tha tawk. Mahse, kawng a chhiat avangin Motor a chhe lutuk. Chuvang chuan an phur duh lo, a hranpaa sawi sawi a ngai. Hei kan Sorkar pawhin kan chhamchhuak fo thin chu Special category State kan nih hi kan chhamchhuak fo thin.

Tunhma khan engatinge sawtah chhim lamah Regional Autonomous kha a awm ? Region tia kan koh thina kha a awm ? Special Problem a awm vang a ni. Engatinge tunah hianin District Council Autonomous a awm ? Special Problem a awm vang a ni. Helaiia kan inchawk cham ang ringawt khan sawlaiia chuan a awm theih loh vang a ni. Special-a thil ngaihtuah a ngai a ni. Chutiang anih lai chuan keini bialah quota buhfai takngaii pawh June - October thlenga phur thei mang loa kan awm laia, a dang hnum em em mai, Rulingan pe ang maia awm tirtte hi kan tihdan tur em ni ang le ? Pu Chairman, le ? Hei hi a dik thei lo a ni. Zoram kan hmangaih lai hien i hmangaih kim ang u, kan hmangaih kim tur a ni. Hmangaih bik kan neih a, thu neitute an nih bawk si chuan thlah thlak chu khati khan kan awm ken awm ang. Hmanni ah pawh mangangin kan awm a, kawng siam dan tur programme an en a, pawisa a tlem si a, pawisa awm tawh an hman dan te an han en khan engmah a ni silo a. Khawthlir kham an tih tizau tura Sorkarin hma an lak pawh a hmun han kal chuan a zau chuang bawk silo, lung te an vawm khata, khuar laite an tikhat a, kal theih tura an ruahman lah chu engmah a ni bawk silo. Khatiang khan kan awm lai hian he National Highway atan hian ka thlawp e, mahse, kei chu ka rilru hi a na lutuk a ni. Sawng N.Vanlaiphai atanga Cherhlun - Thingsai - Bualpui sawlai area-te saw special category area-a puan awm hial asin: P.W.D. lam side atan pawh hien sawta mipui saw an khawngaihthlak lutuk. Tunah hianin he House anih avangin ka tawng pawng sawi a nilo a, feeling tak tak nen sawlai mipuite aiawh in ka sawi a ni.

Hei kum a lo thar a, March a ral a ni ta a, April, May thal chu thla hnih chauh kan nei leh tawh, tah chuan 25Km leh 26 Km karah an tihsual tum chuan zan hnih an riak thin a. Zankhat an riak deuh zel a, khatiang dinhmuna kan awm lai hian he thil inkaihnhawih bawh si remchang takah hian hei hi sawi ka duh a.

Tin, a thu hrim hrimin Border area lam hawia thil kan tih reng reng hian thil thalo lo lut tur check-na leh measure tha tawh nei loa kan tih hi a pawl lutuk a, engnge kan buaina kan prohibition pawh tibuai bertu chu engnge ni? Kan nunna min laksaktu, kan thalaite tibuaite engge ni, khawi atangin nge a lokal, khawchhak atangin. Han ngaihtuah ta ila, hmanni exhibition-ah Heroin number four an tibo tih te a awm mai mai. Number four tibo mai mai kan nih chuan, khilam a kawngka zau kan hawn khi sum lamah chuan kan tha anga, thil tha tak tak te pawh a lo lut a ni thei e. Mahse, chu material thil tha lo lut ai chuan, thil thalo lolut kha a pawl zawk ang. Chuvang chuan, in hawn zawna tur te, in hawn zau lohna tur te hi a awm ve bawh asin mawle. Sumdawna kan sawilai hian mihring nunna tichhe theitu Zu chhia a tam ta, a bul engge ni khilam bawh, drugs a tam ta a bul engge ni, khilam bawh. Chuvang chuan Highway kan ngaihtuah lai hian Highway awm hunah hian kan tha zawk angem? tih kha ngaihtuah tham a awm a. Chumi chu ngaihtuah tel chuan thil kan tih a ngai a. A thu hi a tha, a resolution a tha, kan support. Amaherawhchu, area thenkhatah kawng a hnum hlurh lai a mahni buhfai ei tur mipui sang engemawzat ei tur phurh theih lohna arca te hi min ngaihtuah tel ve rawh se tih hi he resolution support pah hian ka sawi duh a ni. pu Chairman ka lawm e.

PU LALRINCHHANA
MINISTER

: pu Chairman hun min pek
avangin ka lawm e. Vawiin
he resolution hi han sawi
ve duhna pawimawh tak mai

ka nei a. A thu hrim hrim Seling - Zokhawthar road hi National Highway ni turin Central Sorkarah thlen ni rawh se tih thu hi a thu hrim hrim hi chu dodal chi pawh a ni lova, support nghal chi a ni ringawt mai a. Mizofa tu pawhin a thu hi chu kan support vekin ka ring a, keipawhin a thu hrim hrim hi chu ka support a ni. Amaherawhchu, hetah Assembly House-in urhsun takin resolution kan baipui thin a, tichuan, he resolution hi han chhui hian vawiinniah pawh resolution tur thu tha tak tak hlir tam tak mai kan nei a ni. Hei hi pass duak duak a chak awm khawp mai. Amaherawhchu, helai House-a resolution kan pass tam hi kan tan a tha em? kan mualphona nge kan hlawkna? ennawn a ngai ka ti khawp mai. Hei hun kaltaah pathian leh mipuite zarah kum 10 aia rei helaiah hian kan lo thu ve tawh a. Private Resolution hi kan ngaihtuah tam tawh khawp mai a, a changin i veilam ami leh dinglam ami nasa takin kan innawr a, engphiar in kan inbei thin a. Thenkhat kan hnawl a, tam tak chu kan pass ngei a ni.

Chung kan pass-te pawh chu tha kan tih tlen te pawh a ni a. Amaherawhchu, khang kan pass tak tam tak kha chu vawiinni thlengin tihhlawhtlinin a awmlo. Kum 10(sawm) tel anih hnuah pawh tihhlawhtlinin a awmlo. Chung tihhlawhtlina awm chuang lo te kan lo passna khan he House hian hmingthat nan nge a hman ? hming that loh nan ? tih hi kan en ngun a ngai ka ti khawp mai. Entirnan, Pu Chairman, Paite tawng, Mizoramah Paite hnam hi recognise ni rawh se tih pawh kum 10 ral taah khan helaiah hian lungrual takin kan pass a ni. Vawiinni thlengin kan la tihlawhtling thei lo. University Mizoramah din ni rawh se, tiin hmanhmawh phelengin kum 10 kaltaah kan pass a, chu kan pass-na chuan awmzia a nei chuang lo. Mahse, hunbi a lo kal hunah Sorkarin hma a rawn lak chhohah chuan a hlawhtlinna chu tam takah a lokal leh thung mai a ni. Chuvangin, vawin kan resolution rawn putluh pawh hi a thu hi chu a tha, zawn pawh tha ka ti a. Mahse, vawinmiah hian kan pass hmaa hriat chian ka duh a ni. Thu tha pass ngawt a, rah chhuah si loh a nih dawn ai chuan pass loh hial ka duh. Sawi tawh angin Seling atanga Zokhawthar inkar hi keipawh nikum khan Zokhawthar thlengin uluk takin ka thlir a ni. Kawng pawimawh a nih na, hei tunah phei chuan Burma nenakan inkar te pawh kal hmasa kan resolution-ah chuan hung vek ni rawh se, kan ti a, khatieng thil project a lokal zelah khan engnge pawimawh kan inkalpawhna tur a awm tawlh tawlh dawn. Chuvangin, chung aiah chuan Burma nen Chin-Hills te leh helai ram hi kan inkal pawh nasa lo thei lo. A lehlam lehlamah chung leh khat kan awm tawn avangin. Chuvangin, hemi inkarah hian kawng pawimawh chu, kawng tha kan mamawh a ni tih a Chiang a ni. Zokhawthar pawh Trade Centre anihna mai bakah a pawimawh tawlh tawlh dawn. Chuvangin, National Highway-in a chhun ngei pawh hi a dik a ni. Hei hi kan support chi pawh a ni.

Amaherawhchu, vawiinnia National Highway helaia siam ni rawh se ti a Resolution kan pass na hi engnge a hlawkna tur, vawiinnia kan Sorkar kan hotute, P.W.D. Minister-te leh kan Chief Minister-te hian khilai kawng khi National Highway atan eng angin nge an lo sawi tawh a, vawiinniah hian pass avanga hlawk na tur a awm em ? chung chu an tarlan ka duh phawt. Tunah hian National Highway tura ruahman kan ngah khawp mai ti rawh u ? Helai kan lo pass tawhah khan Aizawl - Thenzawl kaltlanga Lunglei kawng te pawh National Highway turin emaw mihring kan in nawr thin a, passed te pawh kan passed. Amaherawhchu, vawiinni thlengin a chaw kal leh khami hmalakna kha a chak theih chuan loh chuan beisei ang ala ni chuang lo.

Vawinmiah hei hi lo pass pawh ni ila, programme kal dan phung, Central pawhin a rawn buatsaih phungah hian hmalak theihna tur kawngka inhawng kan hmu a nih si loh chuan tunah hian National Highway-a siam tur, Central pawhin min rawn tihpui engemaw zat hi tunah hmalak tur kan nei, chu pawh chu la tihhlawhtlin loh vek a ni, hmalak mek a ni.

Chutih laia Seling atanga Zokhawthar kawng National Highway a siam tura vawiinnia Resolution kan tih hian engnge a hlawkna tur? Chulai tak mai chu vawiinniah hian kan P.W.D. Minister-te leh kan House Leader-te hian min hriih Chiang thei sela, hei hi a hlawk dawn chuan kan pass ngei pawh ka duh. Amaherawhchu, chuti ni chuang lova, hun kalta a kan pass ngawta hmalak zui hleih theih loh, chutianga riral mai anga lang si dinhmuna a din dawn chuan helaia Resolution kan pass vak vak hi a thalo zawk thovin ka hria. A dang ho pawh hi, vawiinniah tam tak rawn tarlan awm hi pass duak duak pawh hi a chokawm lain a taka chantirna turah hian a hlawhtlinna tur kawng engnge lang? kha kha kan thlir hi a pawimawhin ka hria. Chuvangin, he thu hi hlawhtling se ka duh. Amaherawhchu, vawiinnia kan pass hi engnge a hlawkna tur? chu chu a department kengkawhtu Minister te leh kan House Leader-in emaw min hriihfiah Chiang phawt sela, chumi hnuah chuan heta kan pass hi a hlawk dawn a nih chuan lungruah takin pass ila ka duh a, chu chu ka rawn daw ve a ni e, ka lawm e.

PU R. FLANGHMINGTHANGA :
MINISTER

Pu Speaker, vawiina kan Resolution hi a tha hlein ka hria a. Helaiah hian tuna kan Minister Pu Rin-

chhana'n a rawn sawi ang deuh khih thil pakhat han sawi ka duh chu resolution kan han tih hian helaia a lan danah hian Central Sorkarah thlen ni rawh se tih a ni a. Helaiah hian resolution hi chi hnihin a awm a, keimahnin a kan in mawhpurh nghal tur kan tih theih thilte angte mahni indapa resolution a awm bawk a. Tin, keimahni thu nilo, Central Sorkara kan nawr tur chi a awm bawk a. Vawiinnia he resolution-ah hian thil kan Member tena ngaihtuahna pui thei tur a ni ang tih beiseiin ka rawn sawi duh chu, kan Sorkar hmasa tena an hmalakna duhawm tak tak lokal chhote kan hmu thin a. Tin, tunah hian kan hotupa-ina a sawi thin angin keimahni hi kan fel leh thiam bik vanga ni love, a hun lo thleng, Pathianin Mizoram tana Mizo mipuite tana ruahmanna a siam lo tawngtu kan ni a, kan fel leh thiam bik hrim hrim vang pawh a ni chuang love a ti a. Chuvangin kan lawmthu sawina tur chu Pathianah a ni.....ina a sawi thin kha a dik hlein ka hria. National Highway hi kan hriat angin pakhat chauh kan nei thin a, tichuan, tun kan Sorkar hnu reiloteah khih National Highway 2 kan han neih belh a. Tin, tunah hian Hailakandi, Bairabi, Bilkhawthlir tih National Highway 3-na chu siam Central Sorkarin a lo phal leh ta bawk a. Helaia kan hriat tur atana kan duh chu, National Highway an nih hian kan State tan a hahdam em em mai a ni. Kan State-ina expenditure kan tih ngai lova, Central-ina ama ta standard an neih sa an rawn enkawl tur a nih avangin kan pawisa lo senso ve ngai lova, min enkawl sak India ram pumpui standard-a an rawn enkawl a nih avangin helai hi a hahdam thlak thin a.

Zokhawthar kawngte pawh tunah BRTF hnuaiah Champhaite a then chuan lo enkawl mahse, duhthu a sam lo em em a. Chumi baka Zokhawthar han tih-te chu kan State Fund atang tea enkawl chhoh a ni a. Pawisa nei leh neilo pawhin chhunzawm a ngai a. Nikuma kan ram chhunga kan kawng chungchanga Central P.W.D. Minister-te kalkhawmnaa ka sawi leh Central Sorkara ka phutna a ka sawichhuahah chuan Defence Ministry atangin pawisa a awm tawh lo tih avangin Lunglei - Tlabung BRTF ten an chhuahsam ringawt a. Hetah Phaileng - Marpara kawngte pawh an chhuahsan leh ringawt mai a. Chutihlai chuan Central Sorkarin pawisa keimahnina kan enkawl tur kha a hranpa min rawn pe bawk si lova, kan kawng awmsa enkawl pawh pawisa indaihlo em emin kan ti hleithei lo anih laia BRTF an chhuak leh ringawt mai thin hi anmahni hian min enkawl zui leh anih loh pawhin a tihlehna hranpa min pe leh rawh u tiin kan nawr a nia. Chu chu kan Chief Minister zahawm takin prime Minister level-ah te Defence Ministry-ah te a nawrna avangin tunah phei chuan Lunglei, Tlabung, West Phaileng leh Marpara pawh BRTF in an enkawl zui leh dawn a ni chauh a. Chuti nilo se chuan tihngaihna tak pawh a awm lova. Tin, engtikah nge khimi Champai kawng pawh khi BRTF hian a chhuahsan leh dawn tih hi hriat a ni lova. Nakumah hian pawisa Defence-ah hian a awm tawh lo ti se, chhuahsan leh ta mai se kan buai hle dawn a ni. Kan main road Trade Centre kan neihna tur a ni a. Tunah phei chuan Zokhawthar chu Central Sorkar pawh a ngaipawimawh a, an chhuahsan turah phei chuan ngai lo ila.

Tin, hmun hrang hrang National Highway baka World Bank pawisa a rawn ti tura kan rawt te tam tak a awm a. Tin, Chhimlam pangah pawh kawng nasa takin tuna Hnahthial bialtuina a rawn vei em em laite pawh kha Sorkarin a hria a, keimahni pawisa neih atanga kan tih hi chu engmah thamlo a ni reng a. Chumi ah chuan Central pawisa lo kal tur Rural Road zawng zawng kum 7 chbunga cover tur an tih ah hian a tam thei ang ber, a hmasa lama pawh tih chhoh kan tum mek a ni a. A tak kan hmuh chhoh thuai pawh kan beisei a, tunah pawh sanction-te a lo kal mek a.

Tin, vawiinniah hian Resolution hi a tam hle a, kan Member zahawm tak tak tena an Resolution hi a tam thei ang kan pass pawh pu Chairman, a thain ka hria a. Tunah hian Resolution hmasa Seling-Zokhawthar tih hi tumah hnialtu kan awm pawhin ka hre lova. Sawi vek Member ten an tum chuan kan khap thei lo na chungin pahnihna pawh hi tha em em a ni a. Palthumna thleng pawh hian kalchho thei ila chu ava tha em tih te ka ngaihndanah kal tam theiin pass tam thei ila, ta ila tih hi kan sawi tel duh a. National Highway 3 tuna kan neih lo ni hi kan beisei phak loh anih lai hian Central Sorkar pawh helai Resolution kan pass avanga he National Highway hi lo kiang hghal tur a ni tihna ni lovin, a hmaa Department ang pawh a kan lo sawi thinte Sorkarin a ngaipawimawh a tunah pawh Baira-bi road te pawh an rawn pass in sanction pawh lo kal tep niin kan hria a.

Kan ramchhunga kawngpui a lo awm theihna a nih phawt chuan Member tu pawh hian kan support vek niin a lang a. Chuvang chuan Seling - Zokhawthar Highway tur hi Member ten pass thuai thuai ila a dang kalna tur hetah pu Tanpuia Resolution te pawh hi a tha tlangin han sawi then theih te pawh a chakawm mange tihte pawh kha ngaih-tuahna a awm a, chu chu Member leh nangma Chair atanga kan thu nise, tih kha hei hi pass ngei turin Member zawng zawngte kan sawm duh a ni e.

PU K.SANGTHUAMA
MINISTER

: pu Chairman, hei a laklawh bawk a, hun rei lote min pek ve theih chuan ka lawm khawp ang. Pu Chairman, remchang

lak ve zel hi a tha a, Aizawl khawpui kawngpui hi a theih ang zela zauh ni rawh se tih te a la awm zel a. Chumi hmain tuna kan Resolution han sawikhawm a hi a pawimawh hlein ka hria a. National Highway hi a pawimawh em em a, Brig. T.Sailo, Chief Minister anih lai khan Silchar atanga Lunglei thlenga National Highway 1980 vel kha niin ka hria, ka hriat reng chu hemi kawng National Highway-54 hi tuna kan Opposition Leader-te helama an thut lai khan helai hi ruahman niin ka hria a. Hengte hi ka lo thlir thin a, hei kum a rei ta a, hemi chung pawh hian a la zawh hleih theih love, heng te hi ropuiin tha ka ti a. Kan kawng neih that tak atang te hian Silchar kal pawh a awlsam ta em em a, tunhmaa darkar 6 dawn dawn kan hman kha darkar 4-ah te kan thleng thla thei ta a ni a. Heng te hi kan Sorkar hmasa tena an hnathawh ropui tak te miin ka hre thin a, lawmawm ka ti a. Vawiinniah pawh hian hetilai Seling - Zokhawthar road hi km 224 ani a. he hi tun aie changtlung zawka Central Sorkar kan thlen hi an rawn phal theih chuan tha taka sial theih anih chuan kan ram pumpui tan a tha dawn a. Ka hmaa Member zahawm tak Hnahthial bial-tu ine rawn sawi lampang pawh kha harsetna tam tak Mizoram kan nei a, kawng tha lo tam tak kan nei a ni tih te kha ka tawmpui zawng tak a ni a.

Ka bial lam pawh National Highway, Central Sorkarin min rawntih sak a, ziaawm lam kan pan hret dawn a, fur lai chuan harsatna chi hrang hrang keini pawhin kan tawk thin a. Amaherawhchu, chutih lai karah chuan Sorkarin tunhma atangin theihtawp chhuahin khawthlang te pawh khu a tiziaawm ta viau a, a lawmawm hle a. Mahse, kawng tha tak leh duh thala ti tur hian a la tlin teh chian lo ni hian a lang a. Hengah pawh hian kan Sorkar hian theihtawp a chhuah chhoh zel chu a pawimawh zia chu kilkhawr deuh bial neitute chuan kan hria a. Hengah hian kan Sorkar pawh hma a lak chak zel hi a pawimawh a. Chuvangin vawiinniah hian he Highway pawimawh zia chu sawi vak ngai lovin kan hria a. Engpawh nisela, a tihlawhtlin a hi a pawimawh tih ang chiah khan a tihlawhtling tur hian theih tawp kan chhuah tlan loh chuan vawiinniah han pass-in thiam takin sawi thin mah ila,

Central Sorkar te chu a nawra nawr ngai an ni ve tho a, hengah hian theihtawp kan chhuah tlan a, kan nawr loh chuan vawiinniah hian lo pass ngawt pawh ni ila, a hlawh-tlinna tak tak hi a thleng lovang tih hi kan chian theuh a thain ka ring a. Chuvangin kan lo pass ta anih pawhin theihtawpa kan zavaia kan nawr a ngai dawn a, hei hi hlamchhiah miah lova kan nawr a kan tih chuan Central Sorkar hian Border Area kan nihnaa khawchhak lam Border leh zualna avang te, tin, Central Sorkar hian khimi Myanmar nena inlaichinna tha tak a neih avang hian leh khi lampanga hemi kan border trade, heti taka Central Sorkarin a ngaihpawimawh avang bawh hian khilam khi thil engemawchenah awlsam turah ngai ta ila. Hetianga State Sorkarina theihtawp chhuaha a pawimawh ziate hriaa National Highway khiti laia min laih sak tura kan thlur hi chuan Central Sorkar pawhin ngaipawimawh turah ngai ta ila thain ka hria.

Chuvangin vawiinniah hian Resolution tam tak a awm a, kan Resolution te hi sawi theih nise ti a, duhthusam theuh mai a ni a, a tawi thei ang sawi chhoh te pawh kan tum te pawh a tha viauin kei pawh ka hria, tha tak tak mai hei Resolution kan nei teuh mai a, vawin niah hian. Amaherawhchu, han sawi takah hian han sawi theuh te kan duh si avang hian rinai hian kal tam a har a. Chuti ni lo zawnga a then Resolution-a hi sawilo hrim hrim ila emaw ti lam hawi kha kan rilru put dan tur pawh a ni lova. Tin, kan rilruah pawh a awmin ka ring hranpa lova.

Hetianga zawhna leh sawihona a awm hian kan ngaimawh zawng leh tha kan tih zawng han sawi ve hlek hi kan lo duh ve si a. Chuvangin vawina kan resolution an rawn putluh hi tha ka ti em em a. Nichina an rawn sawi ang khan thil tha kan rawn sawi kha chu a bawhzui lampangte kan chak a ngai a.

Hei han sawi leh ta ila, Silchar atanga Lunglei thleng, Lunglei atanga a piah lam thleng tura National Highway mai nilo a double leh tura vawiinnia Silchar atanga an rawn tan chho lehzel te pawh hi a tha em em a, hetiang hian kan ram kawng hi chhuntlang thei vek sela a tha nghe nghe a. Chuvangin helai kan resolution vawina mi Seling to Zokhawthar road hi National Highway turin Central Sorkar-ah thlen ni rawh se, tih hi a thain ka hria a, ka han support a. Kan pass ngei theih pawh ka beisei a, Heti laiah ka han sawilang ve a ni. Chu chu ka sawi theih tawk ni mai se, ka lawm e.

CHAIRMAN : Member zahawm tak te u, han sawi kha in zahawm viau mai a. Tichuan, a resolution neitu pu Z.H.ROpuia hi.... a dar khi kan chhun break hun a ni tawh mai si a.

Anih loh leh chutia a resolution neitu pass dil tura kan koh mai theih siloh chuan hei kan hun a tawp chiah a. Tichuan, anih loh leh dar 1 a lo ni mai tawh a, kan dan pangngaiin chhun chawh nei ila, kan dan pangngaiin dar 2-ah kan chhunzawm leh aniang chu.

Meeting adjourned at 1:00 P.M.

2:00 P.M.

S P E A K E R : Kan business kan chhunzawm leh anga. Pakuain in sawi tawh a, sawi dan pawh a inang tlang viau a. Tukina ngenna ang khan resolution hi pathumna thleng tal hi chuan la tel thei ila a tha khawp mai a. Mahsela, kan sawi tak ang khan Member ten in duh tlat chuan ka khap dawn hnan hauh lo che u a, chumi rilru te pawh chu pui ngaihtuahna te pawh in lo hman a tha a, nangmahniah a innghat a. Helai Champhai kawng chungchang thua pawh hian duhtusam chuanin, sawi hi kan thahnem fu tawh mai a, a bialtu hian sawi ta sela, a khaikhawm theih tawh mai lawm ni? In thusawi hi a inang khat viau mai a, Chutiang chuan in ti thei em? In tih theih chuan anih leh a bialtu, kan House Leader ni bawh pu Zoramthanga i sawm ang aw

PU ZORAMTHANGA CHIEF MINISTER : Pu Speaker, ka lawm e. Reilote sawi ka'n tum ange. Hei kan resolution hi a lawm-awm khawp mai a. Seling a tanga Zokhawthar inkar chho National Highway a siam tura Central Sorkara thlen tih hi a thain House-in a kan tih hi a tul khawp mai a, a tak tak pawhin kan thlen tawh a, a nawr pawh kan nawr viau tawh a ni. Amaherawhchu, hetia House-ina kan han pass hian "Hei House pawhin kan pass a" ti a a support-tu atan han nawr zui leh nan pawh a tha khawpin ka hria. A tak taka kan nawr lai mek pawh a ni a. Lehlamah phei chuan kan Member-te sawi ang khan Champhai lampang a lar deuh hlek a, helam hi kan uar deuh hlek a ni an ti te pawh kha a dikna chen a awmin ka ring a. A lehlamah chuan kan inthiam ve viau, hriat loh hian kum 10(sawm) kan awm ve tawh a, chuvangin, han hriat ve deuh hlek te pawh kha a in compensate viau pawhin hriatna a bial pawh khian an nei ve a. Chuvangin an pangchang ve a ni. Anni tawng tekin Serchhip lam hlir in hawi a, Champhai lam lo hawi ve tawh rawh u te hi an ti ve deuh bawh ania.

Helaiia kan kawng tih hi a tulna em em chu pakhatat chuan, International Trade Route kan neih ve tur chhun tur a ni a, Sorkar laipuiin khilai pawisa te nena min duan sak a, min chei sak tlut tlut tawh, kan Sorkar pawhin hma la a, ka tih tlut tlut tawh a ni a. Tin, hemi kawngpui tuna kan beisei ang hi a awm hma pawhin a kawng chhia, a kawng chhiain Burma lam atangin bungrua heti zat hi a lo thleng thla a, Mizoram, miin rawn zin an chakna pawh ramdang bungrua tlawm takin a lei theih tih te, heta tang pawhin keimahnin tlawm taka lei theihna, a tha si kan lei theihna, tunah mai pawh heti khawp hian kan chhawr a ni a. Amaherawhchu, he kawngpui hi a lo thlen chhoh chuan, National Highway hi, International Trade Centre ve, kan Border Trade Centre ve nena a inchhun na lai tur anih avangin a pawimawh zual em em mai a. Chutiang bawkin Burma lam te pawh hemi Mori lam India Sorkarin Burma side lama a siam sak khi an lawm em em a, Zokhawthar atanga Kalimiew lampang te pawh Burma chung ril chhun a kawngpui min siam sak ve rawh u, tiin Burma Sorkar pawhin an rawn nawr ve a, Chumiah chuan External Affairs Ministry-ah pawh kei pawhin vawihnih vawithum ka nawrpui tawh a. Home Minister-ah te, Prime Minister-ah te pawh a pawimawh zia ka sawi a, kan ngaihtuah e, an ti e, External Affairs Minister te pawhin. Chumi nena inzawm tur chu a nih avangin hei hi a pawimawh em em mai a. Chutiang chieh chuan chhim lamah pawh Tlabung chhuna kawngpui kal hi a tul pawh a tul a. Hei hi kan Border Trade Route ve tur a ni a. Amaherawhchu, Lunglei thleng chuan kan National Highway pawhin hei tuna World Bank nena a kalnaah a double-in a chhun anga. Tin, Lunglei atanga Tlabung inkar erawh chu tunah kan BRTF ten an han enkawl leh rih dawn a. Hei pawh hi nakinah National Highway-a kawngpui lian zawka kan siam ngei ngei ngai turah kei pawhin ka ngai a.

Tichuan, Champhai lam side-ah chuan khimi Zokhawthar side-ah chuan point pakhat, tuna kan sawi leh duh chu Gate-a keini ang rual hian a dik tak takin kan hre lova, hmanah khan tuiverh hovin Champhai zawlte pawh khi an rawn verh a. Ft.200 pawh an verh hmain hmun hnihah oil thangzul mai a lo chhuak zel a, an ti a. Dil te pawh hi a awm tak tak ang tih te pawh kan ring a. Amaherawhchu, khang te kha han explore-a, thil han ti turin a bungrua han phurh chhohna tur kha kawng leh leihlawn khian a dawl lo hrim hrim mai a. Khung Bilkhawthlir bul vela an verhna tam tak an verhna-ah pawh an hlawhchham ti mai ila, engnge an thuruk tak tak kan hre lova, an hlawhchham a, an la operate rih lo chu a nia. Khitah chuan hmuh sa niawm taka kan han hriat chu a ni a. Chungte chu han kalpui chhoh nan pawh, hemi kan petroleum product hmuh chhuhnan pawh hian kawngpui a lo that a, leihlawnte a that chuan a verhna khawl lian a lo chho thei anga, kha kha a tul hlein kan hria a. Tin, khawchhak lama kan economy puive tur, kan hriat angin Champhai te, Tiau phaite khilalah kan buh tamna tak a ni ve bawk a. Khawthlang leh hmarthlang lama a tam ang chiah hian khing khawchhakina kan product ve, Sapthei, Grape, thei chi hrang hrang leh kan product han tawh thlakna remchang a ni a.

Tunah hian National Highway chu chhim leh hmar zawngin a. inchhun phei ruih tawh mai a. Tin, khawthlang zawng pawhin engemawchen a kal tawh a, a kal mek a. Khawchhak zawng hian kal a la awm lova. Chu chu a la awm chhun anih avangin National Highway hi lokal chho ve se a tul hlein kan hria a. Chuvangin pu Speaker, he resolution, Seling atanga Zokhawthar, Seling chin hi chu kan neih sa a ni a, hemi hi Central-ah siam tura thlenna, nawrna hi thlen ni rawh se tih hi kan thlen tawh leh nawr mek, kan kut tichaktu tur a nih avangin he House hian lung-rual takin pass ila thain ka hria. A move-na hi ka rawn support a ni e. Ka lawm e.

S P E A K E R : Awle, Resolution neitu pu Z.H.Ropuia hi a Resolution sawi belh tur a neih leh a rawn sawi belh anga, a neih vak tawh loh chuan pass-te pawh rawn dil nghal sela.

PU Z.H.ROPUIA : pu Speaker, ka lawm e. Kha ka Resolution, Seling to Zokhawthar road hi National Highway ni turin Central-ah thlen ni rawh se tih kha kan han sawi neuh neuh a. A thalo ti zawnga han sawi em em kan awm lova. Tin, keipawhina ka ngaihtuahnaa ka lo hman piahlam ram tam tak ka hriat belh pahin ka hria a. A pawimawhna hi kawng hrang hrangin a awm a ni.

Hei nichinah khan kan han ngaithla neuh neuh a. Khilai kawng ka han tlan ve zauh zauh te khan kan Bus te kha a han service ve zawk zawk a, Lunglei atangin, kawngte kha a lo kawin a lo zim ang reng hle a ni tih te ka han hria a. Tiang khan, insut palh te pawh a tam pah deuh a ni lawm ni ka han ti a, a dik viauin ka hria a.

Amaherawhchu, he pawimawhnain a ken tel, ngaihtuahnain ka lo hman tel lem loh, kan population-a hi, a khua khi a lian hlawm riau mai a, khilalaiah khian, tlang khang, tlang dung tha tak tak, mi-hringte tamna ram a ni a. Chuvang chuan, helai pawimawhna hi pawimawh leh zual ni pawhin kan hria a. Helai kan moved bakah hianin, helaia Opposition lana kan Member-pui te pawhin pawimawh tiin an han sawi a. Hethil hi vawi lehkhatah a tih vek theih loh a. Amaherawhchu, pawimawh, helai chungchanga kan Member, kan Minister pawhin a sawi tawh ang khan, hei hi Central kut tur anih avangin Central-ah kan zuk nawt anga, State ko ti-zang tur leh pawimawh si a ni a. Kan State a ruahmanna piahlam ram anih avangin helaia hi kan State Sorkar tanah pawh tih theih chuan zangkhaina nasa tak a ni dawnin ka hria a. Hei hi kan zavaia kan ngaihpawimawh chhoh a thain ka hria.

Hei, Resolution-te chu kan briat angin kan han thehlut a, ngaih pawimawh tam tak kan han thehlut a, a vannei a awm a. Hei Champhai lam tlangdung hian Shakespeare-a thu hle ang deuhin vanneihna hi a hlawp hlawpin a rawn kal rih anih dawn hi te kan tihphah a. An lawmpui awm hle a. Sawitu hrang hrangina a pawimawh zia kan han sawi hian Lunglei leh Chhintuipui lamahte hmalakna tur Department te pawhina an duan hrang hrangah te NABARD leh World Bank atangte pawhin an rawn belhchhah zel a. Kan Member, Hnahthial bialtu sawite kha helajah kan hote hnenah kan nawr ho reng tho a. Mahse, kawl a eng ve tep tawhin kan hria a. Chubakah, an han sawi tak ang Khan Burma Sorkar, International Route kan neih theihna tur pawimawh tak a ni a. Burma Sorkar pawh duh angin a che hlei thei lova. India Sorkar kangpui laih sak turte pawh kan han ngen a, chungte chu kan Chief Minister tam tak pawh theih tawpin an han nawrpui a, chuang chuan kan ram chung ami chu National Highway tal a kan nawr chhuah ve hi kan tih tur niin a lang a.

Tin, kan ngaihthlak tak ang khan underground resources-te hi kan nei chhe em em mai a, engnge a an ang tih phei chu kan hre lova, underground resources-te explored tura hma an laknaah hian kangpui lian thate a ngai a. Khawl rit tak tak te phura khang Drilling Machine liante han phurna tur khan a ngai thin a. Chuang chuan hei hi a tul hle tawh niin ka hria a ni. Tin, chhim leh hmar zawngin hma an han la mup mup a, thui tak an kal tawh, khawthlang lam zawngte pawhin a awm a, tah chuan khawchhak lampang hawi zawnga Highway tur nawr mek tha tichak tura awmchhun resolution kan han pulut a, House Member-tena passed tur zawnga he resolution min han thlawp diat diat hi ropui ka tiin lawmawm ka ti a, chuangin he ka resolution, Seling to Zokhawthar road hi National Highway ni turin Central Sorkar-ah thlen ni rawh se, tih ka resolution hi min pass-pui turin ka han ngen che u a ni, ka lawm e.

S P E A K E R : Resolution neituin a rawn wind-up-a, pass a rawn dil nghal a, Seling to Zokhawthar road hi National Highway ni turin Central Sorkar-ah thlen ni rawh se tih hi pass remti apiangin remti ti rawh ule. Pass remti lo apiangin remti lo ti rawh u. Lungtual takin he House hian Seling to Zokhawthar road hi National Highway ni turin Central Sorkar-ah thlen ni rawh se tih hi kan pass a ni. Tunah Private Member Resolution pahniha Dr.Lalzama Resolution, Aizawl khawpui chung kangpui hi a theih ang zelin zauh ni rawh se tih hi kan ngaihtuah leh dawn a. Tunah Dr.Lalzama a Resolution move turin i lo sawm ang.

DR. LALZAMA : Pu Speaker, ka resolution move tura min sawn avangin ka lawm e. Tuna kan ngaihthlak ang khan Aizawl khawpui kawngpui hi a theih ang zelin zauh ni rawh se tih a ni a. Aizawl khawpui chhung kawngpui tih kha atira ka ngaihthuah dan tak a ni a. Chhung tih chhut hmaih palh anih ka ring a. A awmzia chu a hriat theih thova, Aizawl khawpui chhung kawngpui hi a theih ang zelin zauh ni rawh se tih a ni a.

S P E A K E R : Kha kha atira i resolution dilna anih a Member ten an pawmpui bawk chuan khalai kha chu harsatna awm lo turah ngai ila, mahse, Member-te pawmpui loh chuan tihdanglam erawhchu a theih loh ang. Chhung tih telh i duh a, atira ka tih dan pawh a niin ka hria i tih bawk chuan, i duh deuh em ni? Member-te ngaihdan kan la dawn em ni?

DR. LALZAMA : Pu Speaker, khalai kha min pawmsak theih chuan ka lawm khawp ang, min zawh sak ka ngen a ni.

S P E A K E R : Kan Resolution neituin Aizawl khawpui chhung tih hi atira ka rilru ka tumdan a ni a, a ti a, Helai a a sawi hi kan pawmpui mai thei em? Chutiang ang chuan i sawi chho zel ang aw, a lawm awm e.

DR. LALZAMA : Pu Speaker, ka lawm e. Kan hriat angin kan khawpui chhung kawngte hi a chep em em mai a ni a. Kan ram khawpui ve lemah chuan lirthei a lo pung chho zel a. Kea hen kal te pawh hlauhawn tak a ni tawh a ni. Traffic Jam-te a ni a, hmanhmawh chang phei chuan kea kal hi a sawt zawk a ni tih a ni tlat mai a ni. Chuvangin, kan khawpui chhung kawngpui hi a theih ang anga zauh dan kawng zawn hi a tul hlein ka hria a ni. Thil harsa tak pawh a ni mai thei, thil tih awlai lo tak a ni mai thei. Amaherawhchu, a theih ang ang tala kan khawpui chhung kawngpui te tal hi tihzauh chhoh zel a hi thil pawimawh tak a ni.

D

Ram changkang zawkah te chuan kawngpui tur an ruahman vek a, chutah public tan hmun pawimawh tur an han ruahman fel leh vek hnua in hmun an sem chauh a ni. Amaherawhchu, keini rama kan tihdan tlangpuih in hmun kan han sem hmasa a, chumi hnua kan awm chep ta viau a, mipui te pawh kan tam ta viau tihah public place tur a kha kan han dap chawp leh a, hetiang hian hassa tak takin kan ti thin a ni. Chuvang chuan rilrua kan ngaihtuahnaah hian town planning fel tak mai hi a tirah te khan lo siam ni ta sela, hmanlai atang khanin kan Aizawl khawpui hi a nuam tur a ni a. Mahse, chutiang chu a awm lem lova, mizo pa ngaihtuahnain a remchang ang angin, in hnaih tak takin in te kan sa chho zel mai a ni a. Tichuan, kan Ram a lo thang chho zel a, tunhmaa ngailo kha, tunah a lo ngai ta zel a, tunhma a kan rilrua lang ngailo kha a lo lang ta zel a, kan khawpui chhung bik huam tir pawh a lo zau ta zel a, Engtiran, Chamdri atanga Kulikawn kha a ni thin a, tunah chuan Bawngkawn a lo ni a, tunah tak phei chuan, Sihphir pawh town area a ni tih a ni ta zel a. Chutiang chuan kan khawpui huam tir te pawh hi a zau chho zel lo thei lo a, population a sang chho zel a, khawpui huam pawh a zau tawh a, helam khaw thlang lamah pawh Tanhril te a ni a, Zemabawk piahlam thlang pawhin town area anga ngaih a lo ni a. L.S.C. siamfel tawh a ni zel mai a ni.

Kan Ram thang chho zela mipui kan lo pun chhoh zelah hian kan khawpui chhung kawng hi tun atanga kan rilru a kan ngaihtuah chian a, a theih ang anga hma kan lak chhoh hi a pawimawh tak meuh a ni. Kan hriat leh kan hmuh thin angin mi khawpui te chu kawngpui pawh a zauin a muam khawp a, mizo pa tan chuan in hmun a la tam hle mai tih tur a ni a. Hmanah khan fiamthua an sawi ka la hrereng thin a, Delhi khawpui chu kawngkamah pawh in hmun a la tam hle mai tiin fiamthu thawh nante an han sawi ri a. Engpawh nisela, khatiang khan kan ti thei tawh lova, in kan lo sa zo tawh a, concrete-in nget tak takin kan sa tawh a. Mahse, heti chung hian kawngpui pawimawh hi tihchhoh zel a ni a, a hma pawhin Sorkarin theih ang anga hma an laknaah tun thlang hian lawmthu a la ni zel a, tunah pawh hian khawpui chhung kawng zauh chungchangah hian han bei leh ta ila, mipui pawh hi kan inhawng hle ang tih a lang a, veng chhung mipui pawh kan in hawng a, a chhan chu mahni veng kawng kha kawngpui tha deuh mai ten a rawn chhun a, a rawn pawh zel anih chuan in hmun te hi a hlu a ni a. Jeepable road kha Trackable road a han nih phei chuan thil hlu tak mai a lo ni zel a, motor lian thlen theih nih te a lo hlu em em zel a. Chutiang chuan a hlu na mipui pawh kan hmu chho zel a ni. Hman deuhvah khawpui chhung kawng zauh a han nih pawh khan Department-in hma an lak khan rinai in tih a lo har lo viau mai a, khawimaw laiah compensation-te pea tlem a zawngte, athenah phei chuan vantlang tan chuan ka uilo han ti te pawh an lo awm zel mai a, rinai khan a awlsam a, an veng chhung kawngpui lian thain a tlawh an duh em em a, veng pa ho khan hma an la nasa em em a ni tih kan hria a.

Chuvang chuanin kan ram lo hmasawn chhoh zelna turah hian kan tul em em niin a lang a. Chubakah lehlama ngaihtuah chuan a tha lo lam zawng leh a harsa zawnga ngaihtuah phei chuanin sawi theih tak pawh niin ka ring a, thil reng reng hian a that lohna lamte pawh hi a nei ve zel a. Amaherawhchu, a tha lam leh a eng lam hi kan ngaihtuah a thain ka ring a. Nakina kan thengthar lo kalchho zelte pawhina kan khawpui chhung, kan mi hmasa- te pawhina an lo tihdan hi ti a min lo nuizot lutuk lohna tura a theih ang anga tuna kan tih hi a tlai lu- tuk loin ka hria a. Chuvang chuanin pu Speaker, he House zahawm tak hianina lungrual taka kan pass theih chuan a lawmawm hlein ka ring a, kan zavaia hei hi kan pass theih ka duh em em a ni.

Tin, hei, lirttheite kan lo nei chho zel a, a kal velna khawpui chhung kawngpui rau rauah pawh hian a biru deuh tawh awm laite pawh motor hi a lun viau thei mai a. Chutiang khawp chuan hma kan sawn chho a, tunhmain hetiang tak hi a nih tur kan lo ngaihtuah phak mang hauh lohte pawh a awm ang. Chuvang chuan tuna kan chet nghal hi a tha em em mai a ni. A- maherawhchu, a vaia han tihte erawh hi chu thil har tak- te pawh anih a rinawm a, engpawh nisela, mipui tak te pawh hi helam kawngah hian kan harhchhoh zel hi a pawimawh a ni. Tin, a Sorkar lam atang pawh hma kan lak chhohna zel tur a ni tih a chiang khawp mai. Chuvangin Motor kal theihna turte, motor-te kal theihnaah te pawh khan a lian kal theihna turte, Bus kal theihna turte a tih theih ang anga hma kan lak hi thil tul tak mai a ni. Tichuan kan khawpui chhungah hian awlsam zawka lirttheite a kal a, mipui tan hlauhawm lutuk lova kan kal vel theih- na turin khawpui chhung kawngte hi zauh a pawimawh em em a ni

Tin, kea kalna bik turte pawh hi vairamte ang bawka siam hi a pawimawh em em mai a ni a, Mahse, chung chu a zawng zawngin a theih tawh hauh lo anga, a theihna ang chin chinah chuanin hengte pawh hi siam turin ka han tarlang a ni e. A tha hle dawnin ka hre nghe nghe a ni. Chuvang chuan kan ngaihtuahna lo awm zel turah pawh a khawpui huam chin a lo zau tawh a, mamawh pawh kan ngah tawh a, lirthei pawh a tam tawh a, mihring pawh kan tam tawh a, kawng zim te te kan khawp kham tawh lova. Chuvangin kawng zauh hi thil tul tak a niin ka hria a, tin, mipui pung chho zel hi kan ram kan hnam hmasawna ropui tak tur a ni a.

Hnamdang mite leh Mizoram pawn atanga lokalte hmuh pawh khawpui felfai zawka kan vawn theihna turte a ni dawn a, tichuan hriselna lamahte pawh thil tul tak a ni dawn a ni. Hma kan sawn theihna tur a ni dawn a. Tin, tuihawk luankawr mumal zawka kan siam theihna pawh a lo ni dawn a ni. Hmun thenkhatah chuan lei tlahniamte pawh kan nei a, tuikawr fel taka kan siam theihna a lo ni dawn a, tui luankawr- te pawh fel taka siam a nih a, tuihawk pawh mumal taka furah a luan theih zelna tura mumal taka kawngpui zau leh tha han neihte a pawimawh a.

Tin, nuho bazar-te, neupang sikul kalte him taka an awm theihna tur leh motor insut palhte pawh a awm loh theihna tura kawng kan buatsaih chhoh zel hi kan hmasawna tur pawimawh tak mai anih avangin pu Speaker, he Resolution "Aizawl khawpui chhung kawngpui hi a theih ang zelin zauh ni rawh se" tih hi kan zavain kan duh tlan ringin hei hi kan pulut a ni. Ka laam e.

Col.LALCHUNGNUNGA SAILO: Pu Speaker, Aizawl North I Member z ahawm tak Dr.Lalzama resolution hi ka rawn thlawp a. Aizawl khawpui chhung

kawngpui hi a theih ang zelin zauh ni rawh se tih hi. A han sawi ang khan he. thil hi tul tak niin a lang a. Aizawlah hian mipui kan pung chho tam em em tawh mai a. Mi tam zawk chu kawngpui atanga tlema hla deuhah te kan awm a, tin, chungah chuan kawng chu a awm ve a. Amaherawhchu, heng kawngte hi a zimn a te em em a. Tin, chulovah chuan henglai hmunah te hian Bus a kal ve te hi an chak ve em em thinin kang Bus-a kal tur te khan hetah, hemi a kawngpuiah te lo chhoh a ngai thin a. An hmun atangin kawng te awm thin mahselangin mi tam zawk chuan Bus-a kal ve an chak a, mahse, Aizawl khawpui chhung ngei a mi tam tak hi an kawt chhuah leh an in atanga hla tak tak kal ngaite hi a lo ni a. Chuvang chuan kawngpui te hi kan tih that chuan Bus service theihna tur hmun hrangah a awm thei dawn a. Tin, chung Bus service a lo awm theih chuan mipui tan chauh ni lovin, heng Bus neitute leh Bus permit neitu tam takte tan pawh hian nitina an Bus chuan man an hmuh theihna tur atan leh awlsam zawkna tur thil lo thlenna turte anih avangin a tangkai dawn hlein ka hria a. Tin, he- laiah hian theih tawpin Minister lamin hma a la tih te pawh kan hria. Amaherawhchu, hemi an hmalaknaah hian pawisa tam loh vang te pawh a ni anga, duhthu a sam lem lo a ni. Amaherawhchu, hetiang resolution-a kan pass hi chuan a khawpui chhung ngaihpawimawh zualna te a lo lan theih dawn avang hian helai hi tul tak niin ka hria a.

Hei khawpui bialtute kan nih- na laiah mahni bialte kan sawi theuh hlawn a, han sawi- chhuah ve te pawh ka duh a. Ka bialah hian Bus kalna hi a tlem em em mai a, a kal theih dan tur tam takte pawh ruahman a ni ve thin a. Amaherawhchu, kawng te a that tawh loh avangin Bus Association lam te pawhin kal a harsa an ti a, chung avangte pawh chuan hnawl a ni thin a ni. Kan hriat angin mi hi rinain an lo tha viau mai a, kawng tihzauna tur anih chuan an ramte pawh an lo pe phal thin a, an lo pe duh thin a. Chutiang chuan Mission Veng atanga Bungkawm panna tur kawng te, Khatla South te leh High School mualah te pawh hian Bus kal ve thei se an ti ngawih ngawih a. Tahchuan, Y.M.A. ten kawng bula In awmte an zawt a "in ram hi in pe thei angem?" an ti a, an pe thei a ni tih an hmuchiawng tawh khawp mai a.

Chubakah chuan Y.M.A. te chuan a zauh dan turte pawh enin, pegs-te khengin hruite an pawt a, heng te hi tihpuitlin theih ni sela chuan heng Khatla'S' te, Nursery lanah te pawh thui tak Bus a kal thei dawn a ni. Bus kal theih hun tur hi mipuiin an nghak hlel tak zet a ni. Chutiang chuan mipuite pawh hi kawng zauh tur hian an inpeih ani. He Resolution hi kan pass theih chuan thil tih vat a, Bus kalna turte pawh hi sumdawnna tur te leh mipui tana thatna tur thil alo nih dawn avangin heng te hi tihtheih thuai ni sela a thain ka hria.

Tin, chuloah chuan hei veng pilril deuh hleka awmte tan phei chuan kawng hi a that loh avang leh a zauh tawk loh avangin Motor liante leh a te te pawh a kal a harsa hle a, inkalpawh zung zung hi a lo harsa a. Hemi thuah hian hei veng tlabirh deuh nei kan nih avangin hei Lawipu tih angah te, hian Taxi pawh an kal tha duh lova. Nikum lam atangin hmalak chhoh chu a ni nain, mahse, nikum lamah pawisa a tam loh avangin engemaw chen chauh tih a ni a. Khangte pawh kha hetiang resolution kan pass thei anih chuan hmalak chhoh zelna tur niin a rin chhoh theih a. Chutiang chuan hemi kawng tlangdung zawr zawr deuh lo hi tunah chuan Aizawl khawpui chhungah hian kawng tha hi kan neih a tul tak zet a ni. Chutianga kan hmasawna hi a lan chhoh theih chuan mipui tan chhenfakawm tak a ni dawn a. Hmun hrang hrangah kawng tha tak tak kan neih theih phawt chuan kan development hi a kal chak chho dawn a ni tih hi a la chiang khawp a, kan hriat theuh angin. Tin, veng tlabirh deuh hleka awm tan pawh kawng tha a awm phawt chuan harsatna tam tak pawh a sutkian theih dawn a ni. Chuvang chuan helaiah hian hemi resolution-in a rawn sawichhuah ang ngei hian Aizawl chhung hi chu a bik deuh tak pawha kan enkawl a, kan zauh ava tul em ! Hei kawng zau tak tak, veng thenkhat ten an neih kan han hmuh hian rilruah hetiang ang theuh hian veng hrang hrangah hian kawng hi kal thei sela tih hi rilruah a awm ngawih ngawih a. Khang kawng kan hmuh te khan rilru a lawm a, hmun hrang hrangah kan neih theih chuan a lawmawm dawn hlein ka hria a. Chuvang chuan he resolution hi ka rawn support a ni tih ka rawn sawi duh a ni, ka lawm e.

PU LALHMINGTHANGA

: pu Speaker, ka lawm e. Lawm-thu han sawi zawk ka duh a, chawma lama hemi hi kan kan dawn khan vawiinni chu tam deuh pass tumin a kal theih lawm ni ? tiin kan ngen che a, a chhan chu tumhnih emaw lai kha chu sawi muan luih a, a dawttu thleng lo zawnga Treasury Bench lamin tih tlat kha a awm a, a hrehawm em em mai a, Opposition lam tan hien tunah erawhchuan a pathumna Education Department enkawl that chungchang thu pu H.Laltanpuia rawn putluh hi thlen tum hram ilangin thain ka hria a, kha kha kan sawilang leh duh a, a tul em a, kei pawhin sei lo tein kan sawi anga, a khawpui bialtu kan nih tlat avang hian.

Ka bial hi kan hriat theuh angin Aizawl East-I a ni a, tlak lamah Chamari 'W' kan ni a, vengthar tak, tin, ami chengte pawh chuti taka awm thar deuh an nih avangin ngaihsak ngai tak an ni a, Hetah hian kawngpui hi pawimawh deuh tak pahnih an ni a, P.W.D. hi kan thlir reng a, a theih ang engemaw hi chu min tihsaka, mahse, Company peng atanga BRTF kawng va man leh a saw tihzauh a pawimawh em em a, kan sawilang duh a.

Tin, a dang leh chu Chamari Biak In bul a chhuk thla a kawizau, kawipui kan tih mai atanga kawng kalphei a, Sairang kawng va man leh saw a pawimawh em em bawk a, min lo chhinchhiah sak hram sela. He Resolution kan pass dawnah hian khawpui chhung ami anih avangin.

Tin, chhuah lamah hian Ramthar leh Ramthar 'N' leh Sihpui ruam chhuk thla khu kan nei a. Tin, Electric veng saw a awm bawk a, a pawimawh em em chu P.W.D. ah hian tumhnih lai kan rawn rawt tawh a, Village Council Member-te nen pawh hemi Chamari kawng hnuai, pu Hrangbana point atanga rawn kal a, Zion Street va chhuak saw, kawng lun tak a ni a. A hnuai lehah Sakawr pu tuikhur atang khuan Venglai pan sawn a kal phei ta a. Saw saw Zirtiri College-ah sawn chhuak phei tura duan a ni a. A la chhuak hlei thei lova. Tichuan, sawmi kawng pahnih insuihfinna atan sawn pu Raltawna kawt chhukthlaah sawn step a awm a, saw saw han siam that a, inpawh thei mai a ni a. Metre 20 pawh a tling lova. Amaherawhchu, sawlai inpawh thei lovah sawn motor neitute tan pawh Bungkawna va hel a, Bungkawna chhuah phei a, Zodin Square-a va hela, chutianga luh leh chauh te chu a ngai ta a. Sawngte saw min lo chhinchhiah sak sela, hemi hian huam tel ve thei ngei se ka duh a. Tin, Ramtharah khuan Sihpui Ruam atanga kalphei a Ramthar Tlangvengah hetah, pu Sawma bial va man pheiin helai Bawngkawn, ITI kawng rawn man leh saw a awm bawk a, sawngte saw nikum lamah te khan black top tura dah a ni a. Opposition bial kha min hrem deuh nge ni, ka bial chinah khan pu Sawma bial chinah khan a tawp hmak mai a; keia bial lam saw enkawl that loh a ni a. Tin, Galilee veng panna phei khu chu thawhlawm kan siam a, in tinin, keipawh ka tel ve a. Chutianga chuan kan zauh ve ringawt mai a. Kan dinmun hi a chhe angreng hle a ni. Heng hi min hriatpui selangin Tour diary-ah pawh khan ka rawn ziak vek thin a, kan Sorkarte hnenah te kan thehlut a, eng a ang thin lem lova. Tin, a pawimawh deuh mai pakhat chu a Zoram pumpui tan leh Aizawl khawpui tana pawimawh chu Diversion Road siamna pawimawh tak a awm thei a.

Sawmi Bungkawn atanga ka biala chhuk thla, Sihpui ruama kal, Chite lui zuk pawh thla ta pawh Zemabawk lamah hian kan tihchhuah phei theih chuanin a pumpui atan hian diversion ropui tak a ni thei dawn a.

Hemi Aizawl khaw tawt tak e.g. Kulikawn atanga rawn chhuak Champhai - Ratu kawng, tih, Lunglei, heng kawng zawh tur zawng zawng ho, Bawngkawn khera chhuak lo sawn sawlai Zemabawka chhuak pheiin a lokal dawn ta a. Chuan Traffic Jam, Bazar Bungkawn leh Bawngkawn inkar ami hi nasa takin kha khan a tithawl thei dawn a ni. Tumkum kalta khan, a tanna tur work schedule-ah pawh khan dah a ni a. Khawi lamah nge pawisa kha hman anih leh tak ka hre chiah lova. Hei Shillong-ah khuan kum 16 dawn lai ka khawsa a, a tawt ve thei hle thin a. Khumi Garrikhana atanga Bara Bazar rawn kal chhova police Bazar ah, hetah IGP point-ah barrack a inman lai khu a tawt ber lai a ni thin a. Mahse, tun hnua an han siam awlsam tak dan chu Guwahati - Shillong road kan tih Assam N.E. a Traffic tonnage leh a number sang bera khu an han divert dan chu, Garrikhana atangin Polton Bazar-ah, Polton Bazar atangin Military Medical compound kaltlangin Garrison ground-ah an kal pheii tir a, Barrack an zawm tir leh ta a. Khutianga harsa tak pawha diversion an han siam khu chuan police Bazar, Bara Bazar, G.S. kawng chhukthla a Traffic Jam zawng zawng khu a thawl phah a ni. Khatiang kha mi ramte pawhin an lo ti a.

Tin, Guwahati-ah khuan chuti-ah chiah chuanin khawpui tawt khu hetah Brahmaputra lei rawn kanna Highway India ram zawng zawng atanga rawn lut Guwahati tlantlang thin khu Maria ground atangin Khanapara rawn zawmin, an divert ta a, harsa chung chung-in, Guwahati khawpui khuan a thawl phah em em a ni.

Tin, kan mithmuh ngei a an siam leh chu Calcutta khawpui Airport, VIP road atanga hetah Circular Road kaltlanga Mizoram House hlui zawk Ballygunge te, S. Calcutta lam va kal tur kawng a tawt thei em em thin a, mahse, Nazrul Islam Avenue piah VIP road atang khuanin diversion an han siam ta a. Tichuan, tunah Sales city kaltlang khuan, khungte pawh khuan a lo ziaawn phah ta a ni.

Khang kha khawpui tawt, India rama an solve dan kan han hmuh te chu a ni a. Chuti-ah ang deuh chiah chuan tuna ka bial, hemi Bazar Bungkawn atanga Chitelui kaltlanga Zemabawka kal chhuak khi kan Sorkar hian tihtakmeuhin diversion atan hian han bei se chuanin kan thawl hawk dawn a. Aizawl khawpui tan, Zoram tan, kha kha thil ropui tak a ni dawn a ni.

Tin, Sopzi Bazar, Whole Sale Market pawh hi Chite ruamah pawh khuan dah a awlsam hle dawn a. Sihphir, Zemabawk leh sawlam Tuirial, Tuiri- ni kama thlai rawn kal zawng zawng Serchhip lama mite pawh hi khulaiah khuan a whole sale market kan dah theih dawn chuan, kha diversion road-ah khan, helai Sopzi Bazar tawt leh helai hmun hrang hrang hi kha khanin nasa takin a chhawk thei dawn a. He Resolution hi chuti zawng chuan ka lo dawngsawng a, churang chuan ka rawn support a, pu Speaker.

Hemi number hi min thlonpui ngei ka duh avangin tikhan ka duh tawk mai anga.

ka theih ang tawka insumin kan sawi tawi a ni e. Hun tha tak min pe a, Education Department hi thleng ngei ilangin ka duh a. Chuvang chuan ka insum a ni e. Hei phar sup sup chuan kan thleng leh lo mai anga tih kha a hlahawm a, hman ang khan min check leh ang tih ka hlawva, kan insum a ni. Ka lawm e.

(Speech not corrected)

FU C. SANGZUALA

: Fu Speaker, ka lawm e. Ka'n sawi thuai thuai ang a. He Resolution sawi theiha a awm hi lawmawm ka ti a. Zawhna vawihnih emaw lai, khawpui kawng zauh chungchang hi ka lo zawt tawh thin a. Mahse, a harsa a niang, sulhnu a lang har em mai. Resolution zawnga kalpui hi chu a nawr a har deuh ang tih ka ring a. Ka tawiawm chak hle a ni. Sawi thlen theih tak maw tia ka lo ngaihtuah, kan Opposition Leader in a rawn hawng zau ta zel a. Kawng awmsa bak kan han sawi theih dawn pheih chuan a tha dawn mang e ka ti a.

A hmasain, Resolution neitu hnenah lawmthu ka'n sawi duh a. Mahni tanghma chauh ngaihtuah lova, mahni bial chauh pawh ngaihtuah lova ram pum thatna improvement duhna rilru a nei hi ngaihsan awm ka ti a. Tin, kawngpui ngaih pawimawhna hian a mipui rilru a hawn ka ring a. He hna hi han tan tak tak ila, kawng mai bakah nghawng tha deuh mipuia a neih ka beisei a. Tunlai mite hi kan individualistic viau mai a. Aizawla pa nei duhte pawh hi tih har deuh mai an ni. An ram khawih dawn chuan tek khawih ang deuh mai, an teu hlur mai a ni. Vantlang thila in phalna a tlem hle. Mahni, Sorkarin nawrupua a nawr chuan kan ngaihtuahna ram hi min zauh sak hawkin ka ring a. Vantlang property, Public Interest thila rilru pekna kawngah min puih ngei ka ring. Chutiawng awmtir thei chi Resolution kan nei hi a lawmawm hle a ni. Mi ram leh phai ramah te kan han zin ve zauh zauh a. Mi rama khawpui kawngte chu a zauvin a fai hle a ni. Kan hawng a, thlawhnaah kan han tum a, Calcutta ah, Thlawhna tummun pawnah kan lo chhuak a, mau bungte bawng ekte kan han hmu nghal a, kan zak ru vawng vawng a. kan lo kal zel a, phaiah chuang kawng a lo zau ve fu a. Silchar kan pel a, kan kawng chu a lo nep tial tial a. Aizawl kan lo lut a. Bawngkawn bawr atang chuan kan khawpui kawng chu zahpuiawm tak a ni. Zak tham lo kha kan zak ve khanglang a nih chu. State khawpui ve lem si, a zialo a ni. Chutiawng thil zia lo chu zia deuha siam hi a pawimawh tak meuhva. Aizawl khawpui kawng zauh hi a tul tak meuh a ni. Kan khawpui awmsa hi i han ngaihtuah chiang teh ang. 'Zawh dawra suk tin' an tih ang mai a ni a. a chung a thil awm nen a in hmeh tawh lova. Motor tam tak a awm a, mihring kan thahnem tawh hle bawk a, a in hmeh tawh lova, a engamah hian kal ngaihna hi an hre tawh lo a ni. Tunah hei Session kan neia, keini hmar lam atangin chhim zawngin khawpui kan rawn dung chhir a, tih ngaihna a awm lo a ni ber mai. Hmehrik ring chi nei, lal Motor an rawn tlan hlah chuan, "Zui vat rawh, zui vat rawh", kan ti a. Tichuan a sut kuakah kan tlan ve a, tlai lovin kan thleng ve hram thin. Chuti anih loh chuan a manganthlak lutuk.

Tin kan khawpui kawng both ways ah pawh hian Motor leh Motor kan in chal si ri bup ang tih hlahawm tak a ni. Motor leh Motor chal si ri bup chu na tak a ni a, darthlang a keh chuai mai a,

a nat deuh phei chuan inhliam leh thih a ni mai ! Englai pawhin hlauhawm hmuna kan tlan reng a ni ber alawm. Chuvangin, kawng zim lutuk hi tihzauh a ngai hrim hrim a. Tin, lehkha thiam tamna State khawpui ve lem, hetiang khawpa kawngpui chep hi a zahthlak a. Kan khawpui ah kan han in sahti ti ik ve a, kan han in la lian vel te hi, kan kawng hi heti hi a ni a, zia lo a kai deuh zawng a ni. A dinhmun leh a mi chengte nena in hmeh tawk deuh hlek improve pakhat stage sang zawka hlankai hi kan mawh ni liau liau hian kei ka hria a, tul ngawih ngawih a, tih makmawh niin ka hria.

Tin, he hna hi tih theih ngei nia ka hriat dan hi ka'n sawi duh bawk. Tih theih tawh loh ang hiala lang tawh khawpui hlun zawk si, Indira Gandhi Emmernegy hunlai niin ka hria, Calcutta khawpui ah kuan in bung hmawh hmawh ka hmu a, kawngpui zauh nan in kha an lo tan bung a lo ni a. Tin hmanni lawk khan kan thiante nen India Chhimah kan zuk kal a, Kerala khawpui (a hming thar chu a sei lutuk a, ka by-heart thei lo ve). Thiruvananthapuram khawpui kawngpui kha an lo zauh vak bawk a. Emergency an puan leh puan loh ka hre hauh lova, an puang lovin ka ring a. Ka it hle a ni.

He Resolution neitu khan mahni ram'pek kawngah mi rilru hi a tha viau bawk a ni, tih a rawn sawi a, min tilawm hle. Han ti tak tak ta ila mi an lo inhawng ang tih a beiseiawm a. Tin, rilru na deuh an awm anih pawhin, chutiang chu tam tak an awm a rinawm lova, a lawm zawk chu tam zawk tak an ni ang. A lawm kum khua tur chu Mizo zawng zawng kan ni ang. Hemi te Sorkar lai khan kawng hi zauh a ni tih hi kan lukhum khum tur a ni bawk ang a, a tha em em a ni. Chu lovah chuan remchan lehzualna a awm. Resolution hmasa kha 'Central ah i thlen ang' kan ti a. Tuna mi hi chu kei mahniin kan ti thei mai a ni, chumi kha mi hnenah i thlen ang tih a ngai ve miah lo. Ngaih pawimawh ah kan nei ang a, Programme ah kan thun ang a, Work Scheduled ah a awm ang a, kan ti chho mai dawn a ni. Kum khata tih tur chin kan ruat ang a, kan zo chhawm ve mai dawn a ni. Mi Varanda te engtin emaw tihhnathiamin han ti ang a, kan kawngpui hi a lo zau deuh ngei ang.

Aizawl East-I bialtu sawi ang deuh khan sawi ve ka duh a. Ka bialah pawh kawngpui ve tak tak, zim tak tak a tam mai, entirnan, Dam veng lama Kulikawn a her chhuak kawng te, Saikhama kawng atanga rawn in her let a C.F. road kan tih mai te saw Ring Road atana tha fahran a ni. Tul leh remchang dang pawh a la tam.

Kan khawpui veah hian damlo damdawi in pante pawh Traffic Jam avanga kawng laka inphuh hlum mai a hlauhawm a, tih ngaihna a awm si lo. Chutiang chu a ni a, kawngpui awmsa bakah kan sawi tak angte kha kan huamtir thei tur anih ngat phei chuan a tha lehzual dawn mang e aw ka ti a. He Resolution hi a phurawmin ka ti. Kawng zauh hrim hrim bakah moral lamah

mipui rilru, vantlang thil hlutsak zawnga a tanpui viau tura pawh hi hlawk hle dawnin ka hria a. Chuvang chuan phur takin he resolution hi ka'n tanpui ve a ni. Pass thuai thuai ka duh khawp mai. Pu Speaker, ka lawm e.

FU H. VANLALAUVA
MINISTER

: Pu Speaker, ka lawm e. Aizawl khawpui bialtu ka nih vang ni lovin, Mizoram mipui tan a pawimawh em avangin han sawi ve ngei kha a ngaiin ka hria. Aizawl khawpui chhung kawngpui hi a theih ang zelin zauh ni rawh se tih Resolution han pulut tu Aizawl 'N'-I bialtu MLA hnenah lawmthu ka sawi duh a. Kawngpui han tih hian kan rilru ah Motor kal theihna chauh ni lovin, kawngpui kan zauhna ah hian mihring mipui kalna tur basement leh footpath kan rilruah man tel sela, a thain ka hria a.

Aizawl khawpui hi plan loh ani tih kan hre theuh a. Chuvang chuan a rualawh thlak mai ni lovin, State dang kan enin a zahthlak a, Tin, lirthei a lo pung zel a, mihring kan lo pung zel a, tunah hian mipuiin chan lam kan nei tawh lo a, heng hi a rualawh thlak a, a zahthlak mai ni lovin, mihring nunna atan a him tawh lova, a hlauhawm a ni. Theih angin N.E.C. lamah te haichhuah dan a awm em tiin mihring kal na tur tal hi tiin basement leh footpath te pawh crore 4 vel, Project Report siamin theih tawpin hma kan la a, kan la hlawh thin hun chu a awm ang tih beisei a ni.

Kan hriat theuh angin MNF Sor- kar hmasa 1987-88 ah Ramhlun Veng kawngpui kan zauh phei kha rilru in a hria in ka mitthla in a hmu vekin ka ring a. Khang a hunlaia mi tam takin kan Sorkar a bik takin khatih laia a enkawltu Minister zahawm tak Pu Aichhinga phei chu an chhe lawh te pawh adawng nual niin ka hria, mahse, a in chhir awm loh zia chu khalaia rilru na tuartu te ngei pawh khan lawmawm an tiin, lawmthu an sawina thawm hliir kan hria a ni. Tin, tun kan Sorkar hun reilote chhungah pawh hian kan hriat theuh angin Republic Veng PMG Collge kawngpui kan ti mai dawn nge ni khung thla te pawh nasa tak a zauh a ni leh tawh a, a lawmawm em em a ni. Chu mai chu nilovin, Dawrpui Bung- kawn atanga Electric Veng panna kawngpui a bik takin Bungkawn leh New Market inkar te pawh zauh a ni leh tawh a, hemi ah hian thil lawmawm em em awm chu sawlaih thawktu Department lam kan SDO leh E.E. ten mimal com- pound neitute an bia a, theihtawp chhuahin kan lo tanpui ve a, phal takin ram neitu te pawhin Compensate pawh phut lovin an step zawng zawng te pawh min phalsak a. Chutiang chuan sawilai kawngpui thla te pawh saw zauh a ni a.

Tin Armed Veng kawngpui thlete pawh khawimaw lai laiah tih danglam a ni nual tawh a ni. Amaherawhchu, heng hi a tawk lo em em a, wawiin niah he

House-ah ngei hian lungrual taka Aizawl khawpui kawngpui zauh hi House-in kan pass chuan nichina kan ngaihthlak tawh ang khan Central-ah emaw khawiah emaw dil ngai pawh a ni lova, keimahni Sorkarin kan tih mai theih thil anih avangin tunah hian reiloteah kan hmalakna leh kan hnathawhte mipuiin an hmuin an chhawrin mihring nunna atan pawha muanawm zawkin kan khawpui hi kan siam thei-in ka ring a. Tin, Cabinet pawhin Aizawl khawpui hi Master Plan siam a, a theih ang anga chei turin tunah hian Aizawla Town and Country Planna ho a Master Plan lo buatsaih turin a lo timek bawk a ni. Chung Cabinet rorelte leh he House-a kan thik infawkhawm chuan kan khawpui, khawpui rualawh thlak tak leh zahthlak tak leh mipui nunna atan pawha hlauhawm tak hi tun aia awmze nei deuh hi chuan kan siam ngei ang tih ka beisei a. Fu Speaker, he Resolution hi lungrual taka pass a nih theih-na turin ka han thlawp ve a ni e. Ka lawm e.

* Speech not corrected.

FU LALRINCHHANA
MINISTER

: Fu Speaker, he Resolution hi ka thlawp a, amaherawhchu, he Resolution thlawp tur hian inpekna a ngai tih ka sawi duh a. Hei kum hnih vel zet chu Aizawl khawpui hi Revenue Minister ka nihnain ka lo enzui ve a, IWD Minister te leh thawktu dangte nen kan thlir a, kawng a chep tawh zia hi kan thlir a, kawng hi zauh dan a awm em tih kan thlir a, tichuan kan han thlirah hianin kawngpui hi a pawimawh lai chu zauh deuh vek hnu a ni a. Chuti chung chuan a la zim em em a. Zauh a tul a ni kan ti a ni.

Tichuan tunah hianin kawng zauhna tur zawng zawng hi mi In, kan in leh lo dinna vek a ni tawh a ni. Chutah tak chuan a ni inpekna kan tih, kan inphal a ngai keini MLA mipui aiawha dingte pawhin he Resolution kan pass rual hian keimahni ngei leh kan bial mipuite pawh helai Aizawl mipui hi kawng zau zawk a awm theih nan kan inpek a ngai a, kan inphal a ngai. Chumi atan chiah chuan kan inphut nghal a ngai Kawng kan zauh dawn chuan kan in tam tak hi nawrthluk a ngai dawn ? Kan ram tam tak hi kan pek a ngai dawn chu chu kan hmabak ah a awm a ni. Hei kan han en thin a, khatiang nilo mimal ina kawng reserve kan lo sak hnan chu tlem a zawng chu a awm tak e. Mahse, 80% erawh hi chu mimal inhmun pass area vek a ni tawh a ni.

Chu tak mai a chu kawng kan zauh dawn chuan kan pek a, chumi chu kawng atan kan dah a, in te pawh kha kanin nawr thluk a ngai dawn. Chumi a tan chuan mipui hi in huam tur pawh a keini ho hian mipui aiawh kan nih si chuanin mipui hmin tur leh mipui hi nawr tura kan in buatsaih a ngain ka hria a. Tin, chutiang ang chuan lo ruahmen mahsela, miin leh lo a nawrchhiat dawn si chuan sum a ngailo theilo. Compensation pek lohin a tih theih ngawt loh. Hei hman kumah khan sawlai Mission Veng lamah sawn mi ram pakhat chu

kawng bul kha avang a zauh zawng tur kha feet hnih emaw vel, a dung sei zawng feet sawmli vel kha hei hi min pe thei mai lawm ni kawng hi a zim lutuk deuh a tih zauh nan kan ti a. Nuai sarh in min tlan sak rawh u, anti a. Khatiang kha a ni nghal tlat mai a ni. Khatiang kha a ni nghal tlat mai a ni. Chutiang ang chu a ni a. Eng-pawh nisela, an tih ang angin kan ti ang tihna chu a nilo. Amaherawhchu, miin leh lo, lo awm tawhse kan nawr thluk dawn chuanin khangte kha compensation dan anga kan pek a ngai dawn. Chumi atan chuan a vaibelchhe za tel a sang tel a ni mai thei. Chu chu a ngai dawn a ni. Chu tur chuan kan Sorkar pawhin sum a hmuh ve a ngai dawn. Keimahni State sum chuan a daih dawn lo, Central Sorkar kan nawr chhuah a ngai dawn a ni. Chuvang chuan Aizawl khawpui hi Mizoram khawpui tak tak a chhal tlak a, luah tlaka kan siam theihna turin Central ah leh henglai State mipui teah leh keimahniah pawh hianin in phal zawk a pe chhuak tama khami atana kan ken kha a ngai dawn a. Chu tak mai chu keimahniah pawh in bat chungin he resolution hi i pass ang u tih kha kan sawi duh a ni. Ka lawm e.

*Speech not corrected.

FU F.MALSAWMA
MINISTER

: Fu Speaker, tawitein kan sawi ve ang e. Ka sawi rei lovang. Hei tuna kan Resolution awm lai mek hi a pawimawh em a.

Kan rilruah Aizawl khawpui mai nilo pawh awm tel nghe nghe se ka duh a, Lunglei, Champhai, Saiha te leh hmundangte pawh a tul hle a. Kawng zauh dan turah hian chi 3(thuam) ah rawtna han siam ve ka duh a. Pakhatna ah chuan a awm sa, a pangngai a theih ang ang a zauh nise-la, kawng chhaklam ringawt mai kan nek hian a buaithlak a, kawng thlang lampang nek hian a zauh theihin ka hria a. Chu chu a man engmah ngai hran lem lo hian a tih theih tlat a ni. Tun anga awlsam te a han tih mai theih, work scheduled pangngai a, normal Budget pangngai chhungah pawh hian. A pahnhnaah chuan kan ram pianzia, leilung pianzia hian a zir loh em avangin zau pui pui double lane ang hi chu a har em em a, chumi alternative pakhat atan chuan hemi a lun zual laiah hian Fly Over hi siam ni ta sela, chu chu kawng zauh dan pakhat tangkai tur nia ka'n ngaih a ni leh a. A pathumnaah chuan by pass hi a helna i ti mai ang, hemi hi kan siam a tha in ka hria. Entiran, South Hlimen lam Ngaizel kham hnuasia kawng lo kal tura ruahman te, Aizawl East-I bialtu zahawm takin a sawi ang deuh khan Sihpui ruam atanga lo kal a, Ramhlun 'S' mawngah, hetah complex ah Ramhlun Vengthar, Bawng-kawn chuan hnuasiah Thuampui a chhuak phei. Khatiang ang chi kha hmundang dangah pawh a awm ang a. Khatiang ho chi kha by pass a hi siam hnem ila, chu chu a tangkaiin ka ring a, ka'n sawilang ve duh a ni e. Ka lawm e.

*Speech not corrected.

PU L.N.TLUANGA : Fu Speaker, tawitein ka sawi dawn a, kum 25 lai kalta ah khan, khawpui chhung kawng zauh hi hmun hnih ah min thawh tir a. Contractor patuai tih takah mi tih duhloh khan kan hotuten min tihtir a, Kulikawn atanga Tlangnuam leh hemi Venghlui kawng Rajniwas atanga kawng thla te hi a ni a. Tichuan, kan Department ten a zauhna tur kha min han rinsak a, kan han lai tan dawn a, a lo laih theih awzawng loh mai a. Department in tih ngaihna an hre bik lova, mahse, zauh a tul avang khan tlawngaih ka chhuah ta a, a kawng kama in neitu leh laih ngai zawng zawng kha ka ko khawm ta a, tahchuan, "A nih loh leh hei a hlep ka um miah lo ang e, nangmahni zawn zel hi Sorkarin laih tur a tih ang hian lai ula. Tichuan, Overseer in bill a siam ang a, a siam in ta zawn ang ang chu nei vek ang che u. Sorkar tan, ram tan kawng zauh hi a tul a ni", ka ti tawp mai a. Chutia ka tih hma chuan Tlangnuam kawngah leh Venghlui kawngah kan chek thei reng reng lo, vawi khatmah. Tahchuan, "Fu Robula leh Fu Thangzuala hi kan Engineer lai-te an ni a. Hei kan puten an ngaimawh em em a, nangni pawhin a pawimawh zia hre teh u", ka ti a. Ka han ngen chuan an hmin duak a, Sorkarin lai tura a tih chin chu kan lai thei ta vek a. Chu tak chu tuna kan Sorkar pawh hian hria sela, veng kumkar deuh pawh khawpui khawlai deuh pawh hei a bik takin kan FWD Minister hi a hmingte a tha a, mi biang diakte a thiam a, amah tak tak chuan a be seng hauh lo ang a, mahse, tute emaw khan, "Hei Fu Hmingan a ngaimawh em mai a, khawtlang tan lo inphal ula, theihtawp chhuah teh u", tia a hming hmang hian tam tak kan zauh theih ka ring a. Chumi ka experience tawite chu ka han sawi duh a ni e. Fu Speaker, ka lawm e.

PU F.LAL THANZUALA : Fu Speaker, tawite a ni ka sawi dawn, kha aia tawi mah khan. Rural Area lampang ngaihndan kha sawi ngaiin ka hria a, khawpui zauh a tulzia kan hria a, sawi tur a tam em em a. Amaherawhchu, thil pakhat, Fu Speaker, ka'n sawi duh chu kan han ti ang a, pawisa a ngai tam em em dawn a, compensation leh eng engemaw te a lo ni ang a, khatah khan thingtlang lam ami tur hi kan hmang zo palh ang e tih thingtlang ho chuan kan hlau hle a nia. A chhawng, a chhawng a lo kal, a lo kal dawn a ni. Aizawl a awm hian Aizawl hi, Mizoram hi Aizawl emaw kan ti deuh tlat tho a ni. Hetah Cherhlun te, Hmar thlangah Mizoram a ni vek a ni. Kan hmangaihna hi kairual tir deuh a tha a. Lunglei ah te hian, Lunglei khawpui chhunga hman tur hi nuaih sawpanga (15) an dah a ni. A mak hle mai. Nuai sawpanga hemi Budget kan hman turah hian. Chutiang anih chuan Aizawl kha vaibelchhe engzat nge kal ang, suangtuahna ah an awm nghal a, hmaihthelh deuh kan nei palh ang tih a hlauhawm a, Fu Speaker, tunah pawh hei hi ka'n lek chhuak duh a. Hmanni ah Lunglei ah hian Commissioner awm ve sela, Administration a that deuh nan leh hmasawn

nan tih kan sawi thei ta lova. Chumi chu MZF an lung nilo hle a, MZF Sub-Headquarters chuan lehkhathawn an lo siam a lo ni, chumi ka sawilan duhna chu kan rilru hi kairual deuh sela, chutiang anih loh chuan khawmaw lai kilah lung nih lohna a lo awm khan a in fawkkhawm vak thei a ni. Chuvang chuam a tha lova, he Resolution hi a tha ka tihpui em em a, an ti ngei tur pawh a ni ang a. Amaherawh-chu thingtlang lam tulna, mahni buhfai quata pawh phurh leihtheih lohna, theihngihl khawp a kan tih chuan a tha lo khawp ang a, chu chu kan hotute'n khami hre reng khan he kan thu pass tur pawh hi an bawhzui tur niah ka ngai a ni. Ka lawm e.

Er.K.THANGZUALLA
MINISTER

: Fu Speaker, kalawm e. Tawitein keipawh sawi ka'n tum ang a. A practical side deuh hlek.

Hemi Resolution, 'Aizawl khawpui chhung hi a theih ang zelin zauh ni rawh se', tih hi chu pawm tlan loh chi a ni lova. Amaherawhchu, a tulna chhan hi sawi ngai pawhin ka hre lova. Amaherawhchu, a practical side deuh, 'engtin nge kan tih ang?' tih lai kha rawtna han siam ka duh a. Aizawlah hian tunhmain Central Road Research Institute hmangin Master Plan Aizawl Road improvement tur hian buetsaih a ni a. Tahchuan Fly-over awmna lai tur te, leh Turning Point pawimawh lai tur te, engkim ruahman vek a ni a. Hei hi a copy a la awmin ka ring a. Tin, Aizawlah kawng han zauh dawn reng reng hian kan problem chu Private ram deuh vek a nih avangin harsatna kan tawk a. Chutah chuan, 'Scheduled Road hi puan ve ni rawh se', tih kha a ni leh a. Scheduled Road pawh hi puan niin notified tawh niin ka hria a. Scheduled Road awmzia chu Scheduled Road a puan tawh chuan tuman a encroach thei lo. Tunah hi chuan Private ram a lo nih deuh vek avangin harsatna kan tawk a. Scheduled Road Area chhungah kha chuan tuman buaina an siam thei lo tluokin kha kawng khan Status a nei a. Tichuan, tuna kan rawt duh tak chu priority ah khawi nge kan thlan ang? Aizawl khawpui kawng zawng zawng hi zauh ngai a ni ta vek a. Amaherawhchu, chu chu kan thei dawn si lova. Priority ah khawi nge kan thlan ang tih kha ka sawi duh a. Tuna Aizawl khawpui kan Traffic Problem leh kawng harsatna ber chu, Traffic Jam. Motor kumtin a pung a, kawng kan zauh thei si lova. Tichuan, he Traffic Jam kan problem nasa ber hi engtin nge solve turin khawilai-ah nge hma kan lak ang? tih kha ka'n rawt duh a. Aizawl khawpui chhunga kawngpui kan han tih VIF Road kan han tih mai, Bawngkawn atanga Kulikawn thlengin, entirnan, heti laiah hian one-way Traffic a siam vek dan awmin ka hria a. Chu chu entirnan, Bawngkawn atengin han tan ila, Ramhlun Veng kaltlangin one-way ringawtin a tlan tir theih a. Tin, one-way ringawtin Bawngkawn panin Chaltlang lamah a kal thei a. Tichuan Chanmari kawnah kan lo insuifin leh a. Chanmari kawng atang hian one-way ringawtin Electric, Zion, Dawrpui kaltlangin a kal thei a. Zion Street ah. Tichuan, hetah kawng chung lamah Zarkawt kaltlangin a kal leh thei a. Tichuan

Bazar Bungkawnah a in tawk a, Bazar Bungkawn atanga sawmi tlangdung awmna thleng sawn one-way ringawtin a awm ta a. Saw saw a zim a. One way ringawt a kal sawnin Traffic problem a siam thin a. Tichuan, Bazar Bungkawn atang hian AR Damdawi In chhak lamah hian kawng lai ta ila. Hemi kawng hi a south gate lammual panna bulah hian in-tawk mai lovin Barrack tlang hi a khawchhak lamah hel leh ila. Tichuan hetilai Canteen kual bul Canteen awmna bulah sawn lo chhuak sela. Tilala one lane chauh a kan neih hi two way Traffic in a lo siam belh thei ang a. Tichuan, Canteen kual bul saw AR Ground lampang gate bula kalin leh hetah Canteen kual bula kalin one way Traffic ve ve in a siam thei a. Tichuan Dakin kawnah kan lo chhuak ang a. Sawmi Zodin Square atang sawn AR khawchhak lama kawng awm sa AR hian kal phal mai sela, Chu chu nawr harsa lo turah ngai ila. Tichuan Dakin kawnah an intawk leh ang a. Dak In kawng atanga Treasury Square tawite hi chu a zau tha a, kawng pangngai pawn lokal ta sela. Heta tang hian Republic Road ah kalin lehlam kawng erawh Secretariat Complex lamah kalin (hetah) one way in a kal theih a, Sikulpuikawn ah a lo in tawk leh a. Sikulpuikawn atanga Pu Lalbuai in inkar saw one way a nilo thei lova, zauh ngaihna a awm tawh loh avangin. Tichuan, Pu Lalbuai in bul atangin Thakthing tlangah leh a hana Kulikawn a lut phei turin two way traffic in a siam theih a. Hemi tuna one way a kan kal theihna chauh lai te hi a tawi em mai a. AR pawh hianin kan Problem hi hrethiamin an Hospital chhuah lama kawng lai hi a dil chhuah theih mai lawm ni ka ti a. Chuvangin hetilai hi solve thei ilang chuenin khawchhung kawngpui pawimawh lai zawng zawng hi one way traffic in a kaltir theih vekin ka ring a, chu chuan kan problem leh tuna traffic jam nasa tak hi a sukiang theiin ka ring a. Hei hi Priority Number One a dahin heta tan hian hma hi la char char mai ila, a bak zawng zawng kha a pawimawh lo nilovin tuna tan chuan kha kha hna hmasa ah nei ila, tih kha kan rawt deuh a ni.

FU SANGHMINGTHANGA H. FAUTU: Pu Speaker, ka lawm e, Hei, thahnem kan ngai deuhva, keini Ruling lam MLA 5 chu kan sawi thei lo lek lek mai niin ka hria. Resolution pathumna kan thlen loh kan hlau deuh em maw ni? A hmasa pawh khan kan sawi thei tawh lova, eng-pawh nisela, kan sawi duh chu, ka hmasa an han sawi ang chiah khan ka ngaihtuahna ka hmang thin a. Tuna kan buaina lian ber Traffic chungchanga a congest lutuk a hi, khami tikiang tur chi khan ngaihtuahna ka hmang thin a. Tin, chu bakah chuan, khami bakah kan belh duh a chu, Bawng-kawn atang sawnin a remchan dan ena hetah ITI mual lama lo kal phei hian, sawtah Republic-ah emaw, sawmi Venghnaiah kal sawn, Kulikawn lam lo kal chhah theihna a awm a. Sawlaiah sawnin, Bus pawh kaltlang theiin phei tha tawk takin a awm thei a, sawngte pawh saw ngun taka ngaihtuah theihna awm ta sela. Tichuan, tuna kan buaina tam tak hi Treasury Square lama lo chhuak chhovin emaw khatiangte pawh khanin tihdan te pawh awmin ka hria a. Kha kha No. 1 ah chuan han hmang ta phawt ila.

Tin, a dawt lehah chuan, No. 2 ah chuan, Kawngpui kama awm ho reng reng hi, an In hmun a hi Revenue Department lam hian teh that leh vek thain ka hria a. Chiangkuang ang reng taka ka hriat thenkhat ah te hi chuanin, an hming chu ka sawi lovang a. Veng then nen ah, Pass aia tam hi an hung tlatin ka hria a ni, an extend leh extend loh chu ka hre lo, chian ve tak tak nei ve thoka ni. Chumi avang chuan kan awmdan hi ring tu tih atana tih duh loh awm tak tak hi kan tih duh a ni zel si a. Kan In sak te pawh, hetah FWD lungrem kawng ah kan han nghat a. Tichuan, kan han rem leh a, tlemin kan nek deuh zel a ni mai a, heng em em hi chu a dik lo deuh a ni. Chung avang tak chuan engemaw ti taka kan tih deuh chu a ngai a ni.

Amaherawhchu, pass te kan lo inpe tawh si a, LSC lampang te a neitute inbiakrem chu tha berah ka ngai a. Khatianga tha taka tlawngai tura intih chuan, kan Kristian hma pawhin kan pi leh pu te, Mizo pa tlawngaihna neih thin thinlung kha kan la nei in, a la reh tak tak chuang hauh lova. Kristian kan nih tawh hnuah phei hi chuan, kha kha awm leh zual turah, harsa lo turah kan ngai deuh a ni.

Chuvangin, Tlungvel bialtu sawi ang deuh khan amahni rawn hmasak kha tihchiah ka ngai a. Chumi hmain an pass kha teh ila, an neih chin bak kha chu laih mai pawh kha tulin kan hria a ni.

Tin, hemi chungchangah hian vanduaithlak takin kan hruiatu hmasate, tunah chatuan ram min pan san tawh a. Kum 29 kal tawah khan khunkhan takin heng hi kan sawi ho pui hrep tawh a. Chungah chuan demna tawngkam han sawi phei zawng a mawi lo ang a, Mahse, min ngaihsak phi lo em a. Hemi kawngpui Kulikawn atanga Bawngkawn thleng na na na hi chu ding leh vei lam hi chu Feet 6 chin chu engti kawng pawhin Reserve in in an rawn sakah hian kawngpui rawn hnai lo teh u, tiin kan ngen ngawih ngawih a. Mahse, min ngaihsak loh avangin hei hi tunah kan thleng ta a ni. Thangther te hian tun atanga kum 10 ah chuan mimalin Car an rawn nei tawh ang a, chung hunte ngaihtuahin mipui kea kal turte tan pawh Pavement chungchangah te nen kan sawi a. Tin, a thei apiangin FWD kawng lungrema an rawn dawh zawm mai hi chu a fello a nia. Feet 6 chin ve ve hi chu Reserve a ngai kan ti a. Chu chu tunah hei kan thleng chho ta a ni. Chuvangin, Pu Speaker, hetianga kawngpui han zauh tih hi tuna Resolution neitu Dr. Lalzama'n a rawn move hi lawm-awm ka ti a. Kan tih hlawhtlin ngai pawh ka duh a. Hnah-thial bialtu zahawm tak ina a rawn sawi ang khan keini thingtlang bialtu hian kan hlay tel ve lo thei lova. Kan bialte chanvo kha a hek ang tihte pawh kan ngaihtuah lo thei lova. Amaherawhchu, chutiang subuai lutuk lo deuhva kan hotuten lungruai taka kan passed a nih pawhin Fresh manner deuh hlekin chutiang zawng chuan an tithiam tur ah pawh chuan ngai ila, keini thingtlang bialtu hote kawng mumal neilo, kei ka bialahpawh hian a awm tho a nia.

Thalah Four Wheeler Drive chu kan kal tawk tawk a, Fur ah phei chuan kan kal thei lo. Kei pawh kea kalna te pawh ka nei tho a nia. Aizawl hnaite nimahse, chumi avang chuan hetiang kan han tih chhoh turah hian awm-zia nei deuh hleka kan tih chhoh chu a tulin ka ring a.

Tin, Ring road kan tih ang chi Opposition Member zahawm takin tunah a han sawi ang chi pawh kha thain ka hria a, North-II bialtuin a rawn sawi ang deuh khain Aizawl chhimlam leh thlanglam ah te pawh hian in hetiang kawnga a diversion kan siam a nih loh chuanin tun ang ringawt chuan han zauh ringawt mah ila, Motor a pung zel si a, hetah hian kan kawng hi chu a chep tulh tulh lo thei lo a ni, chuvangin kha diversion kha tlak lamah pawh hian kan nei ngei ngei turah kan ngai a ni.

Tin, Serchhip bialtu zahawm takin a a rawn sawi Fly-Over te pawh a awm a ni awm a, tunhma a an lo ruahman tawhna ang kha lawmawm ka ti a. Mahse, kan in sak reng reng mai hi lamlien hnaih a ni emaw, kawngpui hnaih a ni emaw kan ram chin deuh chiah zelah kan han sa a, a chunglam a Motor lian tawng phak theih loh chinah Sorkar ram va ruin, kan han tithlawk deuh duai ringawt zel pawh hi a diklo lutuk deuh a ni. Resolution pialam deuh mah ni se, Fu Speaker, kan Revenue Department lam pawh hian emaw he lampang changtu ho tunge ni ka hre lova. Town and Country Planning lampang nge ni ? Heng building kan sak chungchanga te hian kan in en fimkhur deuh chu a ngai a ni. Chuvang chuan, heng hi kan sawi lang duh kher a ni. Hun kan ngah loh tlan si avangin hengte hi ka point tilan theih chu ni mai se, ka lawm e.

S P E A K E R : F.W.D. Minister hi kawng khawih-tu ber a ni a. Sawi duh a nei chuan han sawi ve se. Wind-up turin dar 4:00 bak kan pel thei dawn lo a nia. Lehlamin min ngen miau si a. Resolution 3-na Fu H.Laltanpua Resolution hi, in tih chuan kan hnial dawn lo che u a. Nangmahni thu a nia, A nih leh Fu Nirupam aw.

FU NIRUFAM CHAKMA : Fu Speaker, sawilo pawh pawl ka ti lo, A chhan chu kan ruling ho tihdan hi a diklo. Fathum na ah min luhpui dawn lo reng reng ang tih ka ring a.

S P E A K E R : Tunah FWD Minister hian sawi sela, wind-up tir ila, kan lut chiah dawn a, a laklawh hi chu kan keng tlang mai ang.

dar 4:00 hma a kan la hman lo anih chuan thu hran a ni a. Kan lak lawh chuan kan tlai mai ang. Fu Nirupama'n kan hnial thlak si a, helama kan hawn leh si chu a diklo. Kalpui dawn ka tum dan ang anih chuan, in remtuh chuan, keiin hun ka nei theilo. FWD Minister kan sawm dawn thova. Fu Nirupam a nih tawite in sawi hmasa rawh.

FU NIRUFAM CHAKMA

: Mr Speaker, Sir, I would like to say that in the beginning of our disucssion, there was a nothing from the Hon'ble

member in the Opposition, let us try to take as many as resolution as possible today. With that spirit we come here for discussion and we have participated the whole day. We have supported the first resolution, we have supported the second resolution also. These ruling members try to take all the time upto 4 C'clock. Kha chu a dik lo a ni. Our spirit is not that we have supported you like anything, but you do not give us the chance to go for the third resolution. Mr. Speaker, Sir, that is why I would like to speak now. I am very sure that they will not give us any chance to go to the third resolution. Fu Speaker, a hmasa berin tih tak tak kan duh em? zauh tak tak kan duh em? Sor-kar hian? Question lian tak a ni. Kan duh anih chuan waviinah kan pass ang a, thlaruk hnuah Session a awm leh ang a, kan FWD Minister hian hemi resolution bawh-zuiin Master Plan siamin House-ah lo kal rawh se, chuti anih loh chuan kan pass ringawt kha engmah awmzia a awm lo. Hmanah pawh kan passed a, tun Session ah pawh kan passed a. Session hmasa ah khan Lawngtlai to Sangau kalkawng laih tur chungchangah resolution lungrual takin kan passed a, nimahsela, waviinah Budget ah pakhat mah a tel lo. House ah resolution pass kha engmah awmzia a awm lo. Pawisa engzat nge, nuai engzat nge Budget ah provision dah a nih? Pakhat mah a awm lo. Sangau bialtu kha a mualpho a ni. Fu Speaker, kan House kan mualpho a ni. Thusawi ringawt a ni lo, a tak a awm loh chuan sawi huai kha engmah awmzia a awm lo. Chuvang chuan waviin-ah pawh kan pass ang a, hetah politic ah kan hmang ang a, Budget ah engmah a awm si lo ang a, hetah engmah a awm si lova, engnge a awmzia? Example a awm tawh, sawi tur engmah an hre lovang. Sawi tur an nei si lovang. National Highway pawh kan support tawh a, kalkawng zauhna pawh kan support ang, mahse, tih tak tak a awm em? tih kha Question lian tak a ni. Hon'ble Minister has already spoken about his town the availability of fund, sawi chhuak a nih kha. Building ah compensation tam tak a ngai ang a, pass mah ila, kan ti tak tak thei ang em? Kan pass rau rau dawn chuan kan kalkawng zauhnan Aizawl khawpuiah kan member zahawm tak tak te building nei an awm a, an phalsak ang em? Keini lam pawhin kan dawn em? Fhal ila, midang pawhin an phal ang chu. Measurement la rawh se, Revenue lam pawh tang rawh se, Master Plan siam rawh se. Chuti lo chuan engmah awmzia a nei lovang.

Kei pawh FWD hi engemaw chen kan enkawl tawh a, Aizawl khawpui hi kan hre chiang lutuk. Black Top pawhin kan siam tawh, hmun tinah kan kal a, Moral less conversion with the area and the roads whatever we could do we have done. The main problem is there are lots of encroachment which has to be sorted out. Those who are having vehicles should have parking places of their own, that will improved lots of traffic congestion. The Government should come up with parking places like Falika Bazar in Delhi. This may be one sugesstion from my side. Secondly, although it may be expensive or may be difficult, but in the long run, may be good for us. One Member perhaps already spoken about the rope-way. To reduce the traffic congestion, if other places like hill station can gave rope ways. I think we must think it is high time for Aizawl also, as our Opposition Leader have already spoken about some diversion of the main road is very much require I would like to share all this might be used with the Hon'ble Members here and I hope that since we all agree for the development of Aizawl road at the same time we should also equally concerned for the road development in the other towns. That is why, FWD Department should take more initiative I think it may be better still if the Hon'ble Chief Minister constitute a Committee of Minister concerning FWD, Revenue, LAD and other relevant Department and discuss since Master Plan from all other towns could be prepared. Thank you.

FU K. SANGTHUAMA
MINISTER

: Fu Speaker, ka lawm e, tawite.
Hei Revenue hian 1987 a an tih
ang khan Revenue hian chhin,
chhiahna siam leh se ka duh a,

Pakhatna atan chua, Tin, pahniha atan chuan kawngpui zauh hrim hrima hi tunah hian har tak a ni tawh a, tih chu kan hre theuh a, amaherawhchu, nichina an rawn sawi ang a, in te han intihsak rum rum emaw, nawr tluk rum rum emaw lam hawi a nih hma khan, hei kawng kama awnte hi an thil phal em em tih a practical-in ka hria a. Hei tuk tam ka vak ve tawh a, hengah hian tuna kan problem tlem tlem a han solve theih vena tur feet hnih feet thum an step emaw engemaw remchang han tih hi chu tha taka han tih chuan an phal vekin ka hria a. Chuvang chuan a harsa zawka chu a thawhna kan neih loh thin hian a har a. Heng step leh feet hnih khat lek leh han tih hi chu, ka fangchhuak deuh vek tawh a, Aizawl khawpui hi, harsa an awm lo tih hi kan hotuten lo hria ula, ka duh a. Kan FWD Minister ngei pawh hian lo hria se vawiin niah ka chah duh a. Chu chu pakhat dang ni leh se.

Tin, pakhat lehah chuan Transport ram sawta Bawngkawn leh Ramhlun 'N' inkarah sawn, kawng zimte thlanglam a min a, thlanglam do theih tawh si loh a ni a, Motor lian pawh a inpel thei tawh lova, Transport ram hi duh tawkin cut rawh u, kan ti a, kan pe a. Thil kan tifel vek tawh a, vawiinni thlengin cut lo a la ni

a, duh tawk cut turin Transport hian ram a pe che u a, kan FWD Minister zahawm tak hian min lo hriatpui sela, kumin chhchah tal hianin min cut sak sela, tih kha kan hriattir duh a.

Tin, pakhat lehh chuanin hei Opposition Leader zahawm tak ina a biel a rawn sawi a, kha ka sawi ve duh tlat a, kan pui duh a. Sihphhir atanga Pushpak Mandira chhuak tur saw hmanah hemi R.D. pawisa atang hian laihchhuah vek tawk a ni a, tunsh tlemte han tih lehin Motor lian kal thei mai tur a ni a. Sawta tanga kan ngaimawh a kan tih theih phawt chuan hemi kan har-satna tam tak, Motor helaia lo lut pheih veka hi tam tak a kal thei dawn a tih hi ngun taka kan FWD Minister in min lo chhinchhiah sak leh turin nichina Aizawl East-I kan pui duh a ni.

Tin, pakhat lehh chuan Galili Veng nichina a rawn sawi bawk a kha hmaniah ka zuk kal a, pawisa pawh kei pawhin ka pe a, Iu Hmingain a sawi ang khan amahni an lai chawp a, Thlanmual Veng, Electric Veng thlan mual atanga kal pheih khu, thlan mual atangin an it ve em em a, pawisa tlem ka pe a, tin, a bieltu pa pawhin a pe a. Hnatlangin an bei a, tunsh khuen ngaihsak an phu hle a ni tih kha kan sawi duh bawk a.

Tin, nichina an sawi tawh bawk, Zemabawk atanga Bawngkawn hetah Ramthar ah hetia kawng pakhat ring road hi kan siam hian hemi kan tawt lutuk a hi a king theiin ka ring bawk a, chu chuan rilruah la awm bawk se a thain ka ring a, thil tam tak sawi tur a awm nain tawk mai sela, midang han sawi nawn kher ngain ka ring lo a, Amaherawhchu, ka han sawi duh leh pakhat chu, Assam Rifle hi kan tawt lutuk hi dikin ka hre lova, heti lai kawng pheih tlemte maia hi, kawng pakhat chiah kan neih avangin kan tawt a. Assam Rifle rama hi an insawn chhuah hma hian ngawrh takin dil ta ila, tichuan tun mai atana zauh hi dil ta ila, tichuan hemi kan tawt lutuk hi a ziaawm mai dawn lawm ni ? tiin ngaihdan kan nei ve a. Chumi tawite chu kan sawi duh a ni. Fu Speaker, ka lawm e.

*Speech not corrected.

S P E A K E R : Fu Zakhu.

FU ZAKHU HLYCHHO : Fu Speaker, ka lawm e. A Resolution hi, 'Aizawl khawpui kawngpui hi a theih ang zelin zauh ni rawh se', tih a ni a.

Tichuan he resolution neitu rawn move ka han ngaihtlak Khan ka Chiang lo tlat mai a. Khawilai ber hi nge kawngpui a tih tak chu, tih kha hriat a har khawpin ka hria Aizawl Bawngkawn atanga Sikulpuikawn vel hi kawngpui a ni ang em ? tih ka ngaihtuahnaah a lut a. Tin, hemi veng hrang hrang ami hi kawngte a ni ang em ? tih kha ka

ngaihtuah bawk a. A kawngpui lai tak a hi hriat fuh a, a har viauin ka hria. Helai hi chian a ngai khawp mai. A chhan chu a rawn move tu leh Aizawl town a kan MLA zahawm tak ten a an rawn supportna an rawn sawiah khan an bialchhung leh an veng veng kilkhawr deuh kawm te te kha an lo sawi tel vek mai si a. Khang ho zawng zawng kha an thawh dan chuan Fu Speaker, ka bial ang te leh pawnlam bialte chuan kan changlo ang tih hi chiang lutuk in ka hria a. Chuvangin a kawngpui dunga kha min bithliah sak ta sela, chuta tang chuan support dan tur hi ka hre thei deuhin ka ring a ni. Vawiin a an sawi dan ang a nih kha chuan huphurhawm lutuk. Fu Speaker, kan hnunglam khan MLA zahawm tak Chawngte bialtu bial lamah hian kan va zin a, a kawng a chhe em em mai a ni, chutihlai chuan FWD in an lo zut ve a. An J.E. kha ka zawt a, hei engchen nge in zut theih dawn ka ti a. Ka pu, Km. khat kum khatah hian zut theihna provision kan nei a ti a. KM. 80 chuang a ni a. Chuti chu kum 80 ah in zut chhuak thei dawn a ni maw ? ka ti a. Kan FWD hi a dik chiah chuan Pharisai Department an ni ringawtin ka hria. Aizawl khawpui chiah hi an zut man a, Aizawl piah lam hi chu an zut tawh lo reng reng, Pharisai Department an ni. Chuvangin vawiinn nia kan pass tur hi keini tan chuan hlauhawm lutuk tlat, "Kan pawmpui chi hi a ni awm lo mang e aw !" ka ti. Han ngaihtuah la, Chawngte bialte chu kum 80 ah tuna an Flan anga kumtin a KM khat zela an zut thei dawn anih chuan kum 80 ah an zut zo dawn a nis, a lehlam a lo chhe leh ang a, engtik takah kawng the nei ang maw ka ti a. Anni phei chu an la vannei zawk a ni. Ka bial te chu han kal teh u, Sorkar hmasain a an zut Alkatra kha hmuh tur pakhat mah vawiinniah a awm tawh lo. Chutiang khawp chu a nih avangin vawiinah hian han pawmpui a, a tha alawm han ti ve mai turah chuan a harsain ka hria. Amaherawhchu, Aizawl khawpui kan tawt a, Traffic te a jam a, hei Session te kan han neih phei chuan a harsa a ni, a chang hi chuan a in thlahrun thlak a nia. MLA Motor a rawn kal chuan ken ve an duh si, tukin te pawh ka hmanhmawh deuh si, a hunah ka lo thleng thei lovang tih ka hlau si a, Police ho tlawngain a ken dan tur min han zawn sak a. Kan hotupa ber hi lo kal lo sela, a hunah ka thleng miah lovang. Kan House Leader a rawn tlan phei a, sawta tanga a rawn vung phei khan ka Driver kha "Inring rawhle, kan Fu hnungah sawn i tlan dawn nia" ka ti a. Ani tan chuan an han vaiking a, ka rawn chhuak ve thei hram a ni. Chutiang te anih avangin engemaw hi chu ngaihtuah chhuah hi a tul a ni tih chu ka rilruah a awm a ni.

Amaherawhchu, Fu Speaker, MLA te kan Session avanga helaia an lo dan vek mai hi chu a tha pawhin ka hre lo. Mipui an khawngaihthlak, khawi lamah emaw Bus te an kaltir a, mipui an khawngaihthlak zawk a ni. Gate-ah hian tha takin Police ho lo duty mai sela, tichuan keini inchhunga kan awm tawh hi chuan engmah a pawh a awm tawh chuang lova. Nimina thil thleng ang kha chu a thleng tawh lo turah ngai ila, vawiinah chuan hei kan tha tlang a. Nimin te kha chu engemaw a

thleng palh ah ngai ila. Chuvangin, ka zuk sawi duh lai tak chu heti khawpa mipui tana harsatna kan siam hi a dik lo harsatna siamlo zawng hian a kal ve theih tho a ni tih kha ka rawn sawi duh a. Mahse, a resolution taka erawh hi chu, he resolution rawn move tu hian Aizawl khawpui kawngpui a rawn tih laitak hi a khawilai tak hi nge ni tih a rawn sawi tel loh avangin pawm a harsa ka ti a. Engpawh nise, nakinah kan FWD Ministerin emaw a rawn sawifiah hunah min rawn sawifiah sak kha a tha viauin ka ring a.

Tin, chulo ah chuan Saiha ka bial chu Mizorama khawpui ve a ni a, ka sawi ngai lova, mahse, han sawi ve ka duh chu Saiha-ah chuan kan E.E. a fel khawp a, Kawngpui kan han zauh dawnin kan E.E. ho-in kan District Council hruaitute nen kan thukhawm a. Tichuan kan Council hruaitute leh kan FWD lama kan Officer te khawtlanga mi pawimawha kan ngaihte sawmin House to House in kawng sira in neitute kan bis a, tha taka han inbiak hi chuan Mizo rilruah hian tlawngaihna a awm ve reng reng a. Chuvangin, Du Speaker, Saiha ah va kal teh mah, tun-hma aiin kawng a zau daih tawh ang, a chhan chu tha taka kan biak avang khan a tih theih a ni.

Tin, kan Education Minister zahawm tak rawn sawi kha ka thlawp duh bawk a. Kawng zauh kan tih hian FWD thinlungah hian kawng chhak lam emaw zauh tur a ni tih hi an thinlungah awm deuh tlatin ka hria a. A tlangpuiin chhak lam aiin thleng lam hian kawngpui kan nek zawk mah in ka hria. Kan in hnuailam step chhuk thlakna tur kan siam dawn hian a kawngkam atangin kan han siam nghal a. Tin, kan chhuahna tur dawr te en hian kan dawr In pawn lamah te step kan han siam leh a, khati anih chuan mipui ram, vantlang kalna tur a hek ta duai mai a ni. In hnuailam kalna tur lo rek bawk, pawnlam atanga min dawr tu tur tan lo rek bawk kha chuan kawng hi a hek tlat a ni. Chuvangin, kawngthlang lam kalna tur anih pawhin khami a hauh chin piah lamah khan step tha takin siam sak ve mai sela, a chang chuan Bazar pui a kan kalin ka thlir thin a, tam tak hi chu kan step hi dawr chhungah hian awm ta sela, a hnawk lemin ka ring lo, a step pawn a kan va dah khan mipui ke a kalna a dal mai mai in ka hria, a step tak hi dawr chhungah awm sela, chuti chung pawh chuan an dawr a va kal kha a hnawkin ka ring tlat lo, Chutiang chuan ngaihtuahna hi seng ta ila chuan, pawisa seng tam vak lovin, kawng thlang lam atang pawh hian engemaw chen hi kan zauh belh thei awm mang e, tiin ka ngaihtuahna a awm ve fo a ni. Hei, Chanchinbu ah te pawh kan chhier fo thin a, Chanchinbuah Aizawl Traffic Jam leh Motor tawt a tih thawl dan tur an ziak hi ka chhier ve fo thin a, ka rilruah a awm avang hian, a then chuan a chung lama kea kal theihna chi fly-over pawh a ni chiah lo, In sir, dawr sirah hian mipui kalna tur te siam ila, tih te pawh rawtna an rawn siam a. Amaherawhchu, khatianga dawr sira kawng sir zai zaia mipui kalna tur han siam dawn chuan mi ram kha a khawih hnem lutuk dawn a. Miin te kha a khawih hnem lutuk dawn a. Tin chubakah, mipui kal hian kan tihnawk lem lo tih hi ka hmuh dan a nih avangin

khang anrawn ziah te pawh kha a chang chuan tha viau mah sela, ka'n thlir vein a practical chuan a theih loh niin ka hria. Chuvangin, engpawh nisela, tuna existing baka han nawr tur hian concrete in a lo awm vek tawh si a. A har anih pawhin, khang step kan siam dan atang ringawt pawh khan tlem tlem chu a siamrem theih awm mang e aw tih kha chu ka ngaihtuahna a lut anih avangin ka rawn sawi duh a ni, Ka lawm e.

FU R. TLANGHMINGTHANGA : Fu Speaker, kawng han tih khan
MINISTER a changtu deuh nihna lai neiin
ka in hria a. Tin, nang pawhin
khalai kha hriain Member dang

te pawh min han en deuhin ka hria a. Chuvangin hun rawn hmanve hram thain ka hria a. Member te rawtna tha tak tak kha a lawmawm ka ti a. Tin, ka sawi duh chu MLA thlan hlim khan a tlangpuia ka hmuh dan chuan MLA te interview naah, Radio leh Tv. ah te pawh MLA thar i lo ni dawn a, bial chhunga ngaih pawimawh ber turte zingah enge ni han sawi duh i nei em? tia min zawh khan Communication lam-pang hi ka ngai pawimawh ang kan ti deuh vek a. Chu chu a hnuah Sorkar kan kal chhoh khan Member te hnena ka dil leh ngen fo chu, keimahah hian engmah a awm lova. Member ten min pek ang ang hi helai rorelna chhunga kan neih ang ang chanvo lo semzai tur ka ni mai a. Keimahah hian a awm hran lova. Mahse, rawtna te rawt tur chuan thu neitu finchhuah chu kan hna a ni e, ka ti thin a. Chuvangin, Member te pawhin hetia budget ham sawi nikhua leh planning han tih chhoh pawh hian kan ngaihpawimawh em avangin kalkawng siamna turin pawisa dah tam nise tih a in rawn rawt deuh fo hi ka ring thin a. Mahse kan kawng a chhe em mai tia F.W.D. leh Minister in-charge pawhin thawk thalo a mi han tih mai te, insawisel te a awl viau a. Amaherawhchu, keimahni ah hian FWD hi khawi atang mahin kan nei hranpa lova, he sorkarin plan a siamte hlawhtlinna tur atana sum min pek angin kan kal a ni mai a. Chutah chuan sum hi a nih ang taka hman anih a kan hna te a that theihna turin uluk takin ka en chho ve a. Chulaiah chuan improvement pawh kan nei viauin ka hria.

Tin, chubakah kan Sorkar hian neih kan neih, kan plan te atlem tham avangin Central Scheme atanga sum a awm thei ang ang te, capital project te pawh, Sorkar hmasain a lo beisei mek, crore 16 neih mai tura kan beisei, chu chu in hmachhuan in, kan han sorkar hlim pawh khan, khami hman khan kan ti nghal chho ang. Aizawl khawpui te pawh kan chei thei anga tiin beiseina kan nei a. Mahselangin, chu chu a taka chang hlei thei rih lova. Tin, kan hriat theuh angin keimah pawhin ka en uluk thin a. Aizawl khawpui chhungah hian kha-wilai hi nge maw han thlan chhan tur awm le, a khawilaia pawh hi thlangra tiat bak hi mam kha a awm lova. Khatiang khanin bumbuh leh tithoh leh khatiang khanin kan black topping te pawh kha tihthat

a ngai nasa em em a. Chuvang chuan, kan House Leader, kan Chief Minister. hnenah pawh kan hna hmasa tur chu FWD ah pawh Aizawl khawpui han tuam mam phawt mai hi a ni e tiin ka rawt a. Kan rawtna ang pawh a ni pawhin min appreciate a. Amaherawhchu, sum te a awm mai loh avangin ba in kan kal chhova. Kan hnathawhna hun, season ah khan khatia thal lai ah chuan black topping te a tih theih lova. Khami kawng zauh phei kha chu kan la sawi pha lo, kan pawisa awm sa khan a daih loh avangin kal zel phawt mai ila. A ba a kal theih chhung chu ba ang kan ti a. Kan hoten pawisa a awm hleinem an tih pawhin pawisa lo hmang lo ula, alkatra te, balu te, rawra te lo hmang phawt mai rawh u tih kha, fiamthu ti taka kan han intur dan a ni a. Khami 1999 a charge kan la lak chhoh thal kan han pelh meuh chuan crore 3 1/2 deuhthaw kha kan hnathawh loh theih loha kawng kan tihamna ba kha recoup tur kha kan nei chho reng a ni. Kan han en chhoh leh chuan Aizawl chhung tihzauh dan tur niang. Hnanah kan State Chief Minister hmasa ber Fu Laldenga ho khan Pu Aichhinga te themthiamna azarah Bawngkawn atanga Aizawl Chanmari thleng tihzauh ah khan hmalak kan neih chu kawngthlanglam kha tihzauh leh tur a nia. Chu chu tih hman lohin kan tla ta a. A chhaklam chauh nilo a thlanglam pawh zauh tur a ni a. Mahse Sorkar an tawp takah khan chhonzawm a awm lova, mite hnena perh te kan tar a, Revenue zawng zawnga pawh kha mi inhnuai leh inchhung a chang zo tawh a. Khami ti leh tur chuan an in sahthiah a ngai a ni. Chu chu Pu Speaker, Member te kan hrilh duh a, chumai a ni lova, Aizawl khawpui kawng hrang hrang kawngpui deuh kan han tih ah chuan, kan Member zahawm tak Saiha bialtu in a rawn tih ang khan, khawinge kawngpui chu a rawn ti a. Engpawhnisela kawng F.W.D. in schedule road a a puan hi a tam em em mai a. A zat kan sawi thei lo anga, chumi kawngpui kan han tih chin a lian zual hetia kal ngil pawrh pawrh han tih chin hi chu kan sorkar 1988, 1989 Sorkar khan kawng area reserve chin tih kha a phur chhuak kim deuh vek a ni.

Amaherawhchu, kum 13/15 lai a rawn ral takah khan kan hriat angin Aizawl khawpui hi chu thlakhat Aizawl han chhuahsan a han hawn leh hi chuan alo danglam hman viau a ni. Chutiang chu a nih lain kum 10 tel khawih lova, ngaihsak lova, kawng reserve na lampang kawng widening ngaihsak lova a awm khan tunah chuan khami kha ka chhui tih leh mek a keima level atang pawhin. Mahse mi inhnuai a chang zo deuh thaw thawh a ni. A theih theih a chu kan ti chho mek.

Tin, kan Members ten an sawi kha kan rilru ah a awm tlang viau in ka hria a, Zemabawk kawng tih tlang hi kan chak em em a ni. Kawng divert, traffic divert na turte pawh a ni ang, ramri kawng atanga Sairang kawng han pawh tura kawngpui han pawh tura han tih pawh khu kan chak ngawih ngawih a ni. Chuta tan chuan major plan kan ti a. Master plan te pawh Central Sorkar ah kan thawn thla a. Mahse pawisa hi kan plan ah a lo tam

thudawn emaw kan tih lain, kan hriat ang nikum size kan pha dawn emaw kan tih lain chang vaibelchhe 43 atangin cheng vaibelchhe 20 ah kan tla thla a. Chuvang chuan kan tum leh kan programme zawng zawng kha, a tul zaalloh theih loh tiloh chu hma thar lakna a awm thei lova. Chu chu kan hriatin in thingtlang lama kan bialtu zahawm tak ten in a hlauthawn kha, in hlauhthawn tur a awm lova. A chhan chu thingtlang leh khawpui chhung cheina tur atana kan lo ruakhan cheng vaibelchhe 24 vel a kan tlak hniam rural khan thingtlang kawng siam nan cheng vaibelchhe 20 zet kha a lo kal daih mai a. Kumin ah pheii chuan kan veng chhung helai hi a chhe em mai helai retaining wall leh kalkawng min lo black top lawk leh ti a, kan hnena tih theihna awm anga Member ten in sawi thin kha tih theihna tur hi kan kal turah pheii chuan a awm lo hle a. Kan pawisa kawng siamna tana khatiang atang khan pawisa a awm lova. Salary kan in pe tawk dawn a ni awm mang e tih turin kan dinhmun a thalo va, Rural lam atan pawisa kan Plan chhunga mi tur ni lova kan lo ngaih kha kan Plan chhung atanga a lo nih takah chuan hemi khawpui chhunga Urban Development na tur atan Rural Connectivity ah a kal tam ta a. Chuvang chuan thingtlang lam ngaih pawimawh naah a kal tak avangin kha kha khawpui ai chuan thingtlang lam ngaihsakna atan a lo kal chhova, tunah Master Plan kan ti chho mek a, a lo chhuah hunah Member zahawm tak tak te pawhin, in area leh bial chhung kha advise te pawh minrawn pek a, a tul leh priority in neihah te, minrawn kawhmuh zel turin beiseina kan nei a. Pass anih khan awm mai tur a ni lo. Engtin nge in tih siloh tihlai kha. Helai ah hian a tih theihna tur kha sum a awmna tur atana he kan thu kan pass hi chuan khalai atang khan chutih theihna chu eng emaw ear mark lamah a lo kal ve a. Priority a a kal chuan kan Sorkarin a dang atang khan khawiah nge, a nih loh leh helai atang hian a bika capital project Urban Development atan khan a lo tam theih chuan a tih theih mahna. Chuvang chuan chu chu ka beiseina a ni a, Vawlinnia kan resolution hi pass turin kei pawhin karawn support e. Ka lawm e.

*Speech not corrected.

IU ZORAMTHANGA
CHIEF MINISTER

: Iu Speaker, kan hun a laklawh leh zo ta a, sawi lo mah ila, dar 4 a thleng tho a, tawitein ka'n sawi ang e. Khawpui chhung

kawng zauh tih hi a sum lampang chu kan ngaithla a, kuminah kan fund rural connectivity lamah plan ah kan ngaih thlak tawh ang khan crore 20 zet mai min dah sak avangin FWD in an hna thawhna tur, engemaw chen thingtlang lamah pawh sawn chhuak a. Tichuan kawngpui zauh tih khan ngaihtuahna chi hrang hrang a awm a. Hetia mahni State pawisa emaw, khatiang ringawt chuan kawngpui han tih tak tak na tur hi a harsa a, khawpui tam takah mi State mai ni lovin, hemi Country ram Independent tawh te Capital ah pawh an han tih tak tak pheii chu kan hotute chuan kum tam tak a in hmu ang a. Kawng chhawngin an bei mai a.

a sirah pahnih phunin a sangah kawngpui a double in an bei mai a. Khatiang han tihna tur khan a tax an khawn a, Motor tlan apiang Rs. 5/-, Rs.10/- Sorkar sum atanga tilo khan, kum 30 chhungte 20 chhung te, khatiang chhung kha chuan, in work out hman turin an ti a, ka ngaihtuah naah a awm a, tunah mai chuan han tih chuk chuk theih chu a ni lova, Amaherawhchu, kan sawi ang khan kawngpui zawng zawng hi zauh pheih tur chuan a tih theih hauh lova, mahse, Motor inpelhna tur lai entirnan, Vaivakawn kawng chhuk lai te, Ramhlun road ah pawh tlem a zim laiah pawh a zir thleng lampang kan member te sawi ang khan khami han zauh deuh hlek hian khu Venghlui kal chhukna pawh kan FWD Minister zahawm tak te remruatnain a chhak lampang zauh lovin a sirthla lampang an ti a, a zau tha ta viau mai a. Khuta tang khuan entawn tur awmin ka hria a. Tichuan heti kawng zawng te pawh hian ngaihndan awm sela a thain ka hria a.

Tin, Assam Rifles chungchang thuah kha chuanin rilruin kawng kal dan tur pawh an chhuah hunah chuan a awm a, tunah pawh hian kan nghakhlel tlang a, nawr pawh kan nawr tlang a, mahse, lehlamah an pheina tur an la sak zawh miau loh avangin an nawr chhuah ngawt theih loh va, kalsan theih chin chin min pe a, hna kan thawk tlut tlut thei a, a pialham pawh hi chak thei ang ber a hmala turin thil kan ti a, tunah hian a kawng pawh BRTF in a la turin an ti a, sawmi anmahni internal a saw, tin a tender hrim hrim a hi an kova, pathumin an chhang a, chumi chu thlanna an nei dawn mek a, hna pawh thawh tan theih hnai tur chuan Home Ministry in a rua-hman a, chuvangin Aizawl khawpui kawng zauhna turin kan member zahawm tak ten khatiang in han ti a kha a kal pawh a kal theih ka ring a, engpawh nise, sawi tur tam tak a awm ang a, wawiin ah kan resolution kan han tih hi kan vaiin kan House hian kan ngai pawimawh a, hemi a kan ngaih pawimawh ang hian a sut ngai lai emaw, lo in voluteer a helai ram hi chu ka lo pe ve ang e, helai hi a tha nghahna turin kan lo ti ang e tihte nawr nan pawh a tha ang a, House in lungrual taka resolution kan han siam hian a titu turte tan kawng kan lo zawn sak a, an kut tha kan tichak a. Chuvangin he kan resolution Aizawl khawpui chhunga kawng zauh thu hi chu lungrual taka pass tlan nise a thain ka hria e. Ka lawm e.

*Speech not corrected.

S P E A K E R : Tunah Dr.Lalzema Resolution neitu han wind-up sela, pass han dilnghal bewk sela.

Dr.LALZAMA : Fu Speaker, ka lawm e. Hei kan Resolution "Aizawl khawpui chhung kawngpui hi a theih ang zelin zauh ni rawh se", tih ka han move- a. Member ten thahnem ngai takin in sawi a. Tichuan kawng dang siam dan tur te. Tin, Priority han pek dan tur

te thlengin rawtna tha tak tak kan ngaithla a. Tichuan kawngpui zauhna turin thahnem ngai takin kan sawi a, lawmawm ka ti hle a ni. Tichuan kawngpui han tihchin kha engnge ni tih Saiha bialtu zahawm tak khanin zawt deuh-in ka hria a, hei khawpui chhungah chuanin kawngpui, kawng lun tak tak te kan nei a, heng hi kawngpui kan han tih chu a ni mai a. Chuvang chuan heng hi hmasawn zawka kan lo tih theihna turin leh bawlhhlawh pawh kan lo pah zung zung, theihna turin a pawimawh hlein ka hria a.

S P E A K E R : Tun hi dar li a ni a, kan hum a tawp a, kan wind-up laklawh si a, kha khanin pass han dil zui mai se a remchang mai lawm ni ? Kan kalphung pangngaiah chuan dar li a pelh tawh chuan Resolution dang thar chu kan la thei tlat lo.

I U H. RAMMAWI : Fu Speaker, dar li hnuah hian resolution pakhat chu laksak a tha lawm ni le, House-in a tha kan tih tlan chuan ?

S P E A K E R : A, rem in titlan tlat chuan chu chu ni sela, ni dangah erawh chuan, ni dangah pawh remtih tlan kher kher kan tih loh chuan . Kan kalphung pangngai hi kan bawhpelh dawn a nia. (Member dang an lo tawng a). Ngawi rawh hei hi han zo phawt sela, kan ngaihtuah dawn nia.

Dr.LALZAMA : Fu Speaker, ka sawi ang khan bawlhhlawh pahna te pawh hi awlsam taka vengtin maiah a luh zung zung theih hi a pawimawhin kan hria a. Chuvang chuan hmun bik leh mahni ngaimawh lai zauh tur pawh mahni bial chhungah kan nei theihin ka ring a. Khang kha chu sawi lo mai ila.

Tichuan, "Aizawl khawpui chhung kawngpui hi a theih ang zelin zauh ni rawh se", tih hi min pass pui vek turin Fu Speaker, ka rawn ngen e.

S P E A K E R : Awle, kha resolution neitu Dr.Lalzama'n a resolution "Aizawl khawpui chhung kawngpui hi a theih ang zelin zauh ni rawh se", tih hi pass pui turin a rawn ngen a. Hei hi pass remti apiangin remti ti rawh ule.

Remtilo apiangin remtilo ti rawh ule. Awle, he House hian lungrual takin Dr.Lalzama resolution "Aizawl khawpui chhung kawngpui hi a theih ang zelin zauh ni rawh se", tih chu ken pass a ni.

Dr. LALZAMA : Pu Speaker, ka lawm e.

S P E A K E R : Hei kan kalphung pangngai ah dar li hnush hi chuan resolution kan la ngai lova. Ruling lam atang leh a Resolution neitu lam atangin kalpui mai ila in rawn ti si a. Chu chu kei chuan kaldan phung bak hi chuan in hruai che u ka tum lova. Chu chu kan kalphung pangngai han bawh-chhiat kher hi tun hnua tan pawh a tha lem dawn em ni ?

PU Z.H.ROFUIA : Nichinah khan thehnem ngai takin resolution dangah pawh kai chho ila, i ti a, lawmawm kan ti a. Helaiah Member te pawh sawi chak ngawih ngawih sawi tur hi ka ngah a nia. Chuvangin in thlahrungin kan sawi lova. Precedence siam a hi nakin zelah a tha lovang tih chu ka hlau khawp mai a. Chu chu Member zahawm tak resolution neitu pawh khan a hriat thiam ka duh khawp mai. Chu chu ka ngaih dan ka'n sawi ve a ni e.

S P E A K E R : Precedence thar chu ni e i sawi ang khan i siam lo mai ang u, ka theih ang tawh kha chuan kan han tum a. Sawi duh kha a tawn tawn khan an la awm si a. A tir te khan tumah a pangngai bak chu nangmahni in a in hrethiam anih loh chuan ka nawr dawn lo che u kha ka ti a. Mahse, kan thleng hman ta ngang lova, a pawh khawp mai a. Engpawh nisela, vawiin a kan thukhawm chu kan lo zo ta a. Ni 9, April Thawhtan dar 10:00A.M. ah kan thukhawm leh dawn nia.

Meeting adjourned at 4:10 P.M.